





Bx

2349

D74

1715

JESUITICA

j. B. Keijnoogen

1813
1814
1815
1816
1817
1818
1819
1820
1821
1822
1823
1824
1825
1826
1827
1828
1829
1830
1831
1832
1833
1834
1835
1836
1837
1838
1839
1840
1841
1842
1843
1844
1845
1846
1847
1848
1849
1850
1851
1852
1853
1854
1855
1856
1857
1858
1859
1860
1861
1862
1863
1864
1865
1866
1867
1868
1869
1870
1871
1872
1873
1874
1875
1876
1877
1878
1879
1880
1881
1882
1883
1884
1885
1886
1887
1888
1889
1890
1891
1892
1893
1894
1895
1896
1897
1898
1899
1900

H. DREXELII.

UPPER LIBRARY.

ASCETICAL WORKS.

N O E d

ARCHITECTUS ARCÆ
IN DILUVIO NAVARCHUS
DESCRIPtus.

&

MORALI DOCTRINA
ILLUSTRATUS.

O P E R U M

COMUS



DOMESTIC
COLONIAE

LIBRARY

apud BALTHASAREM
ab EGMOND

M D C C X V

248.11

IN DREXELL

2111

NO 10

ARCHITECTUS ARCE

IN DILUVIO NAY ARCHUS

DECEPTE

C

MORALI DOCTRINA

ADVERTA

OPERA U M

TOMUS

F

COBONNE


1. BALTIMORE

1810

1810



ANTVERPIÆ.
Apud Viduam Io. Cnobbari. 1652.



Printed by J. C. ...
... 1855.

*Eminentissimo & Illustrissimo Prin-
cipi ac Domino,*

D. ANSELMO CASIMIRO,
Sacrae Moguntinae sedis Archiepiscopo, S. R. I.
per Germaniam Archicancellario, Prin-
cipi Electori &c.

DOMINO SUO CLEMENTISSIMO.

Aream Noë, commune illud
quondam generis humani con-
tra vindices fluctus propugna-
culū, post diuturnos Diluvii errores, tan-
dem veluti fessam navigationis malis, in
vastis Armenia montibus conquevisse,
sacrae litterae memorant. Quod si nos,
Princeps Eminentissime, Illustrissimam
Celsitudinem Tuam altissimorum mon-
tium fastigio comparaverimus, indul-
gebit tantisper modestia tua, magnae sem-
per virtutis comes, dicentibus quod res
est. Nihil palpo, nihil fuco damus. Licet
privato calamo scribere, quod omnes lo-
quuntur. Remedium hoc modestiae reperit
virtutis felicitas, ut sicut illa satis prae-
dicari non potest, ita adulari virtuti ne-
mo possit, si velit. Quid enim inter deco-
ra tua, Princeps Illustrissime, non in fa-
stigium quoddā exurgit? Nobilitatem ex
alta vetustissimi sanguinis scaturigine
haustam Septemviralis dignitatis splen-
dore, dignitatis maiestatem virtute, vir-
tutis gloriam modestiae laude transcende-

sti. Ita felici quodam decorum tuo-
rum certamine factum est, ut cum omnia
in Te esse magna, & eminere connite-
rentur, fieres Eminentissimus. Talem
Te Romani Imperii machina, cujus po-
tissimum prudentia & consiliorum pon-
dere sese circumvolvit, veneratur; talem
Celsitudinem Tuam, substrata sacro ma-
nus Tue osculo bis senæ Germaniæ Insu-
la adorant; talem Rhenus virtutis &
famae Tue gloria tumidus, eodem quo la-
bitur cursu, non sine grato murmure in
Oceanum usque despumat. Qua quidem
re ceteris Principibus felicior esse vide-
ris, Antistes Eminentissime, cum alii
ideò sepius Antistites fiant, quòd Ma-
jestatis quodam fulgore reliquis morta-
libus antestant: Te verò, Præsul Illu-
strissime, ideò Antistitem compella-
mus, quòd honore Principibus Maxi-
mis, virtute Optimis antestare laboras.
Atque hoc tamen purpuratum dignita-
tis fastigium ita imples, ut quamquam,
in isto virtutum amico desidio, omnia
alta esse velint, sola modestia infima
esse cupiat, quia summa est; virtus tan-
tò inter altiores dignitatum apices ra-
rior quantò difficilius est, ab eo, quem
omnes

omnes suspiciunt, despici neminem. E
quid igitur mirum, Princeps Eminen-
tissime, si ad istud virtutum & decorum
omnium fastigium Arca iterum con-
tur appellere, & ubi sibi bonæ artes
omnes, etiam Arca portum quærat?
Sunt tamen hæc, ut dixi, publica, illud
verò privatum, quod suo etiam nomine
obærata pridem Celsitudini Tuæ mini-
ma nostra Societas debeat, quòd Tuæ
maximè munificentie favoribus per us-
trumq; Rhæni littus sustentatur. Nobis
etiam de humanitate & modestia tua,
Princeps Illustrissime, tunc iudicium
ferre licuit, quando Ratisbonæ inter sa-
cerrimas & gravissimas Sacri Romani
Imperii curas, domesticam nostram ino-
piam humanissimè invisere, ac verò et-
jam sublevare es dignatus. Placuerunt
etiam Pietati Tuæ privatae domûs angu-
stie, in quibus primam immortalis Deo
hostiam litaret. Ita cum Majestati &
dignitati Tuæ cetera loca angusta es-
sent, eum apud nos locum quæsit de-
missio Celsitudinis Tuæ, quem modestiæ
sua impleret. Quem verò tunc sensum no-
bis fuisse dicam? cum iisdem manibus sa-
cræ nobis primùm pacem apprecarè,

quibus deinde inuncto Rege Romanorū,
orbi Christiano universo tranquillitatē
& quietē redditurus videbare. Vide igitur,
Princeps Illustrissime, quot caussa
fuerint, cur Tuo potissimum Nomini P.
Drexelius noster, piæ memoriæ, Arcam
suam voluerit inscribi; quod quidē ipse
præstitisset, si per fata, quæ etiam optimis
sæpè decretis intercedunt, licuisset.
Nobis tamen providè hoc evenisse videtur,
ut quod inter omnia illi sanctissimū
erat, in id tempus rejiceretur, quo nihil
cupere & vovere solemus, quam quod
charissimum & sanctissimum nobis esse
solet. Patere igitur, Præsul Eminentissime;
Arcam auctore jam suo & gubernatore
destitutā, in sacro Insulæ Tuæ cacumine
quiescere, & eadem vultūs humanitate,
ac favore, quo pupillos omnes, etiam
posthumum hunc partum in clientelam
adscisce; & sub cuius mitræ præsidio
boni omnes, etiā optimum ac demississimum
Societatis nostræ affectum admitte. Vale,
Princeps Illustrissime, & orbis te utilitati
diu indulge. Monachii, festo die divi
Præcursoris anno 1639.

Eminent. & Illustr. Celsitud. Vestra
devotissimum

Collegium Societatis J E S U
Monachienſe.

INDICULUS

I N

NOEMUM.

CAPUT I. Diluvii principium,
multiplicatio hominum & flagitiorum.

CAP. II. Alterum diluvii principium, oculorum licentia, & societas prava.

CAP. III. Extrema hominum malitia, causa diluvii æquissima.

CAP. IV. Quomodo DEUM pœnituerit creati hominis.

CAP. V. Noëmus pænè unicus apud Deum gratiofus.

CAP. VI. Noëmi assiduæ deimminente interitu exhortationes.

CAP. VII. Noëmo Deus dictat Arcam, & de Arcæ amplitudine.

CAP. VIII. Noëmus ædificat Arcam.

CAP. IX. Arcæ Ianua & Fenestræ à Noëmo inserta.

CAP. X. Pecoris & hominum in Arcam ingressus; Arcæ claustrum.

INDICULUS.

- CAP. XI.** Quæ animantes Arcam ingressæ, quale mundarum & immundarum sit discrimen.
- CAP. XII.** Cur unà cum homine omne genus animantium in aquis perierit.
- CAP. XIII.** Miserabilis tot hominum in diluvio interitus.
- CAP. XIV.** de Noëmi in Arcâ laboribus, & de aquarum incremento.
- CAP. XV.** Cur Deus diluvio tantum temporis permiserit. Longanimis patientia Noëmi.
- CAP. XVI.** Quò diluvii aquæ deventerint, quo consilio corvus ex Arcâ emissus fuerit.
- CAP. XVII.** Quam ob causam & quoties ex Arcâ Noëmus emisit columbam.
- CAP. XVIII.** Noëmus ex Arcâ progreditur & sacrificat Deo.

N O E M U S.

C A P U T I.

Primum diluvii principium, multiplicatio hominum, & flagitiorum.

ROGATUS Socrates, Stobæo teste, quid esset felicitas sapienter in hunc modum respondens, Felicitas, inquit, est voluptas, quam non sequitur poenitudo. Si terrarum orbem lustremus, & omnes ubique voluptates probe delibemus, non inveniemus ullam è caducis omnibus, quam denique non sequatur pressio pede poenitentia, sed plerumque nimis sera. Denique voluptatum assecclis Paulinum illud iure objicitur: Quem ergo fructum habuistis tunc, in quibus nunc erubescitis *a*?

Ævo Noëmi convivii & voluptatibus traducebant vitam, nemo non heluabatur, totus orbis lasciviebat, moribus ubique terrarum corruptissimis. Quod ingemiscens Christus. Sicut erant, inquit, in diebus ante diluvium comedentes & bibentes, nubentes & nuptui tradentes usque ad eum diem, quo intravit Noë in arcam, & non cognoverunt, donec venit diluvium, & tulit omnes *b*. Maxima tunc

A 5

Dei

a Ad Rom. c. 6. v. 21.

b Matth. c. 24. v. 38.

Dei oblivio ubique locorum fuit. Vnus atque unicus Noë, quod de Tobia dicitur. Memor erat Domini in toto corde suo *a*. Noë vir justus cum Deo ambulavit *b*. Dei præsentia locis omnibus assidue cogitata, in tantâ scelerum colluvie servavit illum velut unicam in denso & horribili vepreto rosam.

Hanc orbis gemmam Noënum orbem dabimus redivivum, unâ cum arcâ annuo omnium animantium stabulo, & diluvio humanæ gentis sepulchro. Totis divinis litteris vix quidquam, putem, adeo divinam bonitatem ac misericordiam unâque justitiam & aquitatem summam sub oculos ponit. Primum est, quod sacri codices dictioni offerunt: *Cumque cœpissent homines multiplicari super terram, & filias procreâssent* *c*. Hic principium interitus declarandum.

a Tob. c. 1. v. 13.

b Gen. c. 6. v. 9. c Ibid. v. 1.

§. I.

In turbis semper turbæ; magnus populus, grandis tumultus; multi homines, multa sæpenumerò vitiorum colluvies. Cœperunt homines multiplicari super terram, simul & libidinum illecebræ. Multiplicati fuerunt etiam ante diluvium, sed non in eam hominum frequentiam. Ante orbis eluviem ab orbe condito pænè duo millia annorum fluxerunt; quo quidem tempore gens humana plurimum auxit numero; nunc verè in immensam

mensam ferè multitudinem excrevit , sed
 pari ferè passu succrevit nequitia. Multi-
 plicationem hominum multiplicatio fla-
 gitiorum comitabatur, idque Enochì avo
 circa septimam ab Adamo & Setho gene-
 rationem. Hìc omnia in pessum ruere
 coeperunt *a*.

Verè cecinit Hebraus vates Isaias, Mul-
 tiplicasti gentem, non multiplicasti lati-
 tiam *b*. Multi homines, multa scelera.
 Idem in Ægypto videre fuit, ubi stirps
 Iacob in eum numerum excrevit, ut in
 emigratione sexcenta millia virorum bel-
 licosorum sint censa; feminis, liberis, se-
 nibus, ancillis, famulis in hunc numerum
 minimè relatis. Rex Ninus anno à dilu-
 vio ducentesimo quinquagesimo impera-
 re coepit, quo tempore ita aucti sunt ho-
 mines, ut in solo Nini exercitu decies se-
 pties centena millia peditum, ducenta
 millia equitum, decem millia falcatorum
 curruum numerarentur, quod Diodorus
 Siculus testatur *c*. Multiplicasti gentem,
 non multiplicasti latitiam. De hoc hu-
 manæ gentis augmento differens Iose-
 phus, Qui priùs certatim, inquit, virtu-
 tem exercuerant, postea duplò majori
 studio malitiam confectabantur.

Hoc bono Numini suprà quàm dici po-
 test, displicet, suis nos beneficiis tam tur-
 piter abuti, suâ nos bonitate fieri peiores.
 Atqui scivit Deus, inquires, hoc futurum.
 Ita sanè scivit & Christus, Iudam fore
 prodi-

a Iosephus l. 1. Antiq. c. 3.

b Is. c. 9. v. 7. *c* Diodor. l. 3. c. 2.

proditorem & furem, eum tamen
 Apostolum elegit. Hæc Dei mirissima be-
 nitas est & clementia, ut ea retardari non
 sinat ab humana nequitia. Neque verò
 decet Deum propterea parciores esse
 benefaciendum, quantumvis ejus bene-
 ficiis abutantur homines in Dei contem-
 ptum, suumque exitium. Quod expendens
 Ambrosius, Secuturo, inquit, diluvio non
 debuit æstimari defuisse gratiam fecunditatis
 illi generationi, quam diluvia absor-
 buerunt, ut quod fuit humani generis
 abundantiæ, divinæ deputetur gratiæ; quod
 diluvium secutum est, nostris adscribatum
 iniquitatibus, qui peccatis nostris averti-
 mus Dei misericordiam. Principale enim
 est virtutis inchoare à beneficiis, & præse-
 minare gratiam. Divinum est igitur quod
 bona præmittuntur, nostrum quod mu-
 tantur ^a. Sed illud novi nihil est: quod
 plures, hoc peiores; multi homines, mul-
 ti delinquentes. Paucitas & paupertas
 habent pedisequas industriam & frugali-
 tatem; multitudo & opulentia socordiam
 & nequitiam.

In iis coetibus, Rebus publicis, urbibus,
 quæ hominum frequentia non abundant,
 multò exactior servari potest disciplina,
 quàm ubi multitudo turbat. Vbi penuria
 sese contrahit, laboratur ut acquiratur
 quod deest; ubi abundantia sese dilatat,
 in laboris locum succedit otium, & quod
 prius virtutis erat invitamentum, vitii fit

^a Ambros. tom. 4. l. de Arca & Noë, cap. 3.
 mihi pag. 141.

præmium. Si Austria & Boëmia terræ fuissent steriles, nunquam fuissent Cæsari tam rebelles; a. Proterviores facit opimitas soli. Idem Græcorum & Romanorum fertiliores terræ testantur. Annibalem cetera invictum, fomenta Campaniæ fregerunt. Multi custodes malè custodiunt: multa marsupia plerumque parsimoniam & frugalitatem non docent; sanctius vivitur parvo. In urbibus populosis si sævire incipiat pestis ingenti numero sternit homines, velut autumnò folia pruina. Ita vitium inter multos vel unicum serpens ingentem trahit catervam; mali contagio pessima: major inter paucos concordia.

a *Maxime ab anno 1618. ad an. 1633.*

S. II.

Hoc parentes, & omnes qui familiam ducunt, hoc Consules & urbium Præfetti, hoc Gubernatores & Principes curent, multitudinem in officio continere: si domus plena liberis, aut famulis, aliisque domesticis, urbs plena civibus, provincia regnumque populo plenum, hic maximè attendendum, ne disciplina labet, ne reverentia legum pereat, alioqui perit pudor peccandi, & quivis sui sensûs ac juris temerè leges violat, detrectat obsequium, peccatque contumaciter. Hic disciplina domi forisque sancienda.

Et quemadmodum magister in scholâ singulis mensibus, prudentum judicio, exemplum ponat insignius vel in garrulo, vel inobediente, vel pigro, eoq; flagellato

cete-

ceteros ad frugem terreat : sic in domibus, urbibus, provinciis, regnis, disciplina vis sapiùs instauranda legibus non in memoriam solùm, sed in opus revocatis. Sunt domus, sunt & urbes atque provinciae, quae leges quidem habeant laudatissimas, quarum tamen observantia nulla; tabulis haerent inscriptae, non manibus, non actionibus. Pulchrae leges, foederes mores; decreta sancta, exsecutio nulla. Hic mi paterfamilias, mi Consul, mi optime Princeps, disciplinam & legum observantiam severioribus exemplis instaurare; alioqui multiplicabitur gens, & non multiplicabitur latitia, fietque, quod Noëmi avo, cum coepissent homines multiplicari super terram, & filias procreassent. Artificiosè hic & prorsus verè recundè verbis pauculis immania flagitia divinus Spiritus describit. Filias ait procreatas. An non idem antea & superiori avo? Ita, sed jam longè plures sunt natae. Causa non una. Prima, flagitiosum, turpe, temulentum, libidinosum vivendi genus; non explico hanc causam, sordet. Altera, singularis Dei permissio. Neque hic ulterius scrutandum. Tertia, suspicio sit, ne forsan historicus sacer ironice loquatur, & tam filias notet, quàm filios, qui tamen tam imbelles, effeminati, molles erant, ut filiae potius potuerunt dici. O verè phrygiae, neque enim phryges a. Quarta, jam infamia pharmaca & parricidalia medicamenta in extinguendis foetibus

tibus vulgo nota & in usu erant, ut vetus
 scriptor notat. Filias quarebant, filios
 extinguebant, quos volebant; nam poly-
 gamiæ initium jam fecerat Lamechus.
 Nos hæc scelerum arcana non invenimus,
 sed auximus, & excoluimus; facile in-
 ventis addere, præsertim cùm Geneseos
 scriptor dicat: Sensus & cogitatio huma-
 ni cordis in malum prona sunt ab adole-
 scentia sua. Geminis enim & diversissi-
 mis partibus constamus, Appetentiâ, quæ
 mentis vacua, & Voluntate, cui ratio
 moderatur. Reperias homines religiosos
 & sacros solâ veste tales, corde profanif-
 simo. Piætores, quibus quidlibet audendi
 fas, talem dimidiâ parte militem, alterâ
 sacerdotem pingunt. Talis ferè homo est;
 parte unâ luteus, quaquà tangis, facillimè
 frangis; alterâ parte aureus, ratione præ-
 ditus. Pars lutea in illud tota propendet,
 quod suave, quod amœnum, quod sapit,
 pars aurea ratione plena, honestum & æ-
 quum, & quidquid Deo placet, appetit.
 Hæc autem miseriarum humanarum præ-
 nē prima est, quòd rationis expers appe-
 tentia hominem jam in cunis occupet; ra-
 tio post elapsos aliquot annos vix demum
 se modicè prodat, & imperare incipiat,
 sed sceptro parùm firmo. Hinc levi pugná
 vincitur, & servit ad imperium nata. At-
 que hinc etiam pronuntiatum illud: Sen-
 sus & cogitatio humani cordis in malum
 prona sunt, nec inferior tantùm & se-
 quior, sed superior etiam, ac nobilior pars
 hominis. Non rarò cogitatè ac consultò
 mali

mali sumus, animum per omnia verſamus, & toto peſtore cogitamus, quomodo fruamur voluptate. Rationis quidem eſſet beluinam hanc appetentiam coërcere, ſed ea blanditiis ſibi perſuaderi ſinit non litigare, jure ſuo cedere, ſenſibus imperium permittere, conſilii pravi dulcedinem ſequi, vitiis non reſiſtari. Ita ſenſus & cogitatio humani cordis in malum prona ſunt ab adoleſcentia ſua.

Hinc humana vita alphabeti litteræ Ypsilon confertur, quæ ab uno pede in geminas ſeſe partes dividit. Infantia & pueritia rationis maximam partem expers, uno ferè impetu unoque tramite incedit, quod quidem tempore nec boni poſſumus dici nec mali. Sequitur adoleſcentia & juvenrus; hic ſanguis bullit, & in omne ſe vitium effundit. Plerumq; ad lævam hæc ætas tendit, in vitium ruit, noxiæ voluptatis mella lambit; ita cum ætate culpa creſcit. Proni ſumus ab adoleſcentia in malum.

§. III.

Eam ob rem hic duo nobis ſolerti ſtudio perdiſcenda. Primum eſt, Declina turbam. In turbis ſemper turbæ. Inter multos homines vix umquam non magna inquires. Conſultiſſimum eſt ſubinde cum Chriſto & cum Baptiſta Chriſti actuenda pietati in domesticam ſolitudinem ſeſe recipere, ſolum agere, res animi curare cum Deo ſolo & ſecum loqui. Id operæ ſibi Tertullianus ſumens, Unicum negotium mihi eſt, inquit, nec aliud nunc, quam

quàm ne curem alia, sed me. Antonius Magnus loca sola abditaque habitans, Jam ego, inquit, à triplici bello liber sum; nec enim me oculorum, nec aurium, nec linguæ prælium fatigat, sola cordis pugna superest, cum enim diabolus non possit esse otiosus, cum corde mihi luctandum est. Antisthenes Philosophus interrogatus, quid lucri retulisset è philosophia; Hoc, inquit, posse mecum ipso versari, & loqui. Multum reverà didicit, qui istud didicit. Quanti sunt, qui nec versari secum norunt, nec loqui, turbis & tumultibus sic innutriti, ut cum coguntur esse soli, pisces sibi esse videantur, nō tantum muti, sed extra aquam positi. Eruditè dixit Epictetus: Mali tragoedi soli canere non possunt, sic quidam non soli deambulare. Musicus, qui discendi finem nondum attigit, non facile solus canit; quia facile impingit; ita homo turbarum amans solitudinem extremè odit, quia hoc unum optimè novit, cum aliis fabulari & garrere. Verè nihil dicimus, si soli esse, in nosmetipsos descendere, cum solo DEO colloqui nesciamus. Quod Origenes apertissimè pronuntians, Quamdiu quis, inquit, permittus est turbis, & in multitudine fluctuantium volutatur, non vacat soli Deo, nec potest esse sanctus a.

Turbas ante omnia fugiendas Annaus Philosophus exactissimè tradens, Quid tibi, ait, vitandum præcipuè existimes, quæris? Turbam. Numquam illi te tutò commiseris. Ego certè confiteor inbecillita-

B

tem.

a Orig. hom. 8. in Levit.

tem meam. Numquam mores quos extuli refero. Aliquid ex eo quod composui, turbatur; aliquid ex his, qua fugavi, redit. Quod ipsis evenit, quos longa imbecillitas usque eò afficit, ut numquam sine offensâ proferantur, hoc accidit nobis, quorum animi ex longo morbo reficiuntur. Inimica est multorum conversatio. Nemo non aliquod nobis vitium aut commendat, aut imprimit, aut nescientibus allinit *a*.

Hæc eadem denuò inculcans. Sic est, inquit, non muto sententiam. Fuge multitudinem, fuge paucitatem, fuge etiam unum *b*, maximè vitiosum, qui similes tibi mores affricabit, nî fugâ tibi consulas. Turbas igitur, quantum potes, declina.

Alterum est: Deo maturè servi. Quando enim vitia nos tam maturè vellicant, ut ipsas cunas & infantiam illibatas non sinant, adeò ut jam tum urere incipiant urticæ; idcirco etiam maturè in partem alteram inclinandum, struenda virtutis principia, rebus divinis assuescendum. Quod Salomon monet: Adolescens juxta viam suam etiam cùm senuerit, non recedet ab eâ *c*. Bonum est viro cùm portaverit jugum Domini ab adolescentiâ suâ *d*. Id faciunt senes, quod facere assueverunt juvenes. Pœnitentia Deo tantò est gratior, quantò magis voluntaria & celerior. Pars optima pœnitentiæ & lau-

a Seneca epist. 7. initio mihi pag. 395.

b Idem epist. 10. initio mihi pag. 402.

c Prov. c. 22. v. 6. *d* Thren. c. 3. v. 27.

de dignissima, cū juvenis maturè se subtrahit à noxiâ voluptate. Illaudata & iners pœnitentia est, cū paupertas aut senium subducit voluptatem; neque verò temperantiæ adscribendum, cū ager vel deliciarum nausæans cibo potuque abstinet, hic talis vitia non deserit, sed illa deferunt ipsum. Is volens Deo servit, qui viribus servit etiamnum integris. Primogenita & primitias Deus à nobis exigit. Plurimorum frequens est delirium & stultissima persuasio, eum cibum, quem petulans caro, quem fallax mundus, quem homicida diabolus foedissimè delibant, Deo adhuc honorificè posse apponi, defloratam scilicet juventutem, & exhaustas vires tum demum Deo consecrare, cū Dei hostes ea respuunt. Hoc impietatis commentum est, Deum prærosis dapibus gaudere. Vis servire Deo? servi maturè, & declina turbam, saltem subinde, & opportuno tempore. Nimis est imperitus, qui non didicit cū Christo esse solus.

CAPUT II.

*Alterum diluvii principium, oculorum
licentia, & societas prava.*

Tamet si Moyses ad omnem Ægyptiorum sapientiam fuerit excultus, tam artificiosâ tamen & succinctâ seriptione infandam diluvii vastitatem complecti non potuisset, nisi Spiritus divinus illius calamum imbuisset arcanâ scribendi notitiâ. Ita tribus omnino capitibus mysteria

B 2

con-

conclufit plurima. Et sexto quidem Geneseos capite diluvii cauffas percenſet, ut neque ii qui perierunt, nec naſciturus poſt illos orbis iniuſtitia Deum poſſit arguere. Septimo miſerandum & pecoris & omnium hominum in catacliſmo interitum enarrat. Octavo reſtaurationem mundi, & cauffas ſubſidentium aquarum aperit, atque oſtendit, qua ratione Noëmus poſt annum ſerè carcerem in continentem cum pauculis ſuis prodierit.

Nos cum Moyſe ſingula exponemus ordine. Hoc quidem capite alterum tot malorum principium adſtruemus; *Oculorum licentiam, & ſocietatem pravam.*

§ I.

Vti prima omnium peſtis ac perniciēs, ita hic ipſe orbis interitus non minùs ab oculis ſumpſit principium. Oculi ad omnia prorsus vitia volantes pernicioſiſſimi tabellarii, & quod Gregorius affirmat, oculi raptores ad culpam. Videntes filii Dei filias hominum, quòd eſſent pulchræ, acceperunt ſibi uxores ex omnibus quas elegerunt *a*. Hic ingens interpretum altercatio, quinam fuerint hi filii Dei. Huic bello me miſcere ſupervacaneum cenſeo; rem paucis perſtringam. Sunt è priſcis doctrina & ſanctimonia clari ſcriptores, qui putarunt Angelos bonos cum mulieribus fuiſſe *b*. Quos Chryſoſtomus non immerito acri verborum aceto defricat, quòd Angelos Dei in culpam trahant tam pendendi

a Gen. c. 6. v. 2. b Ita Clemens Alexandrinus, Tertullianus, Philo, Joſephus.

dendi consortii. Neque Theodoretus illi parcens, Quidam, inquit, nimis stupidi & stolidi existimarunt eos fuisse Angelos, putantes forsan suæ intemperantiæ patrociniū habituros, si Angelos ejusdem criminis reos tenerent. Ipsius Dei verba hunc errorem refellunt: Non permanebit spiritus meus in homine *a*. Ergo deliquerunt homines, non Angeli. Figmentum illud vix ulli credibile fuisset, nisi auctores habuisset insigniores. Sunt qui filios Dei interpretentur Apostatas angelos, quī corpora induerint, & exarserint in feminas, quæ ab illis suis amatoribus sibi & purpurissi usum didicerint. Alii viros insigniter proceros & gigantes censent nominari Dei filios. Alii viros potestate eximios, judices, magistratus, præfides. Alii sacerdotes illius ævi putāt designari. Suam quisque sententiam propugnat. Vera & vulgata est, Dei filios fuisse Sethi posteros. filias hominum, è Caini stirpe oriundas. Sethi nepotes & abnepotes filii Dei appellantur, quia sanctè majorē partem educati, modesti, verecundi, Dei cultores, justitiæ amantes, ad omnem probitatem facti. Atque hoc à Setho avo didicerunt, duravitque stirps illa in septimam usq; generationem. Tandem ita vulgari vitia coeperūt, ut etiam sanctos mores hæc sæculi corruptela infecerit; inde homines etiam sancti traxerunt labe ab impiâ societate. Deinde solent Hebræi grandia quæque & selecta, *Dei nomine efferre, montes Dei, cedros*

B 3. Dei.

Dei, fluvios Dei dicere, uti nos selectissimas dapes dicimus ore divino dignas. Ita Sethi filii non tantum probitate morum, sed & dignitate formæ commendati. Sethus, Suidâ teste, vocatus Deus, tam sanctis moribus, tam pius ac justus fuit. Idem litteras invenit, & quædam Mathematicæ principia. Ita Sethi liberi, filii Dei.

Videntes filii Dei filias hominum: stirps Caini, filia hominum. Ita mala societas coalita est. Ex lege patris Sethi perversis & improbis nubendum non fuit. Tandem, uti fit cum primi fervores intepefcunt, facilis gratia legis est, parentum monita ut nimium prisca negliguntur, excusationes & prætextus in promptu sunt. Ita Sethini connubiis mixti Cainis, nequiores facti sunt illis. Ita res humanæ labuntur in pejus. Qui diu fuerant religiosissimi, paullatim alienis exemplis imbuti, pravis consortiis tracti sanctiores mores exuunt, alios nequitia vincunt, projectiores & sceleratiores vel pessimis. Cum Vate Venusino hîc canendum :

Damnosa quid non imminuit dies ?

Ætas parentum pejor avis tulit,

Nos nequiores, mox duros

Progeniem vitiosorem a.

Nimirum omnis mutatio (quod Aristoteles docet *b*) è contrario fit in contrarium: sic sensim vel optimi ad vitiorum licentiam prolapsi fiunt pessimi; aut ob animum

a Horat. l. 3. Carminum, oda 6.

b Aristot. tom. 6. l. de longitud. & brevitate vitæ c. 2. mihi. pag. 224.

num divinis favoribus ingratum. aut quia nequitia recens longè dulcior est jam diu ingurgitatâ.

Deinde sublimes animi & ingenia peracria mediocritatem non ferunt, nam plerunque optimos edunt, aut pessimos partus.

Ita feri nepotes Sethi ab avis turpissimè degenerârunt. Videntes filii Dei filias hominum quòd essent pulchræ, acceperunt sibi uxores ex omnibus quas elegerant. Eruditè Moyses & simul verecundè be- luinas nuptias depingit. Nam lascivientes illi homines finem matrimonii non spectarunt, sed ut pecudes in pratis nubunt, & sicut equus & mulus conveniunt, ita illi junxerunt connubia. Quod detestatus David, Nolite, inquit, fieri sicut equus & mulus, quibus non est intellectus *a*. Neque verò illi unam tantummodò uxorem in matrimonium duxerunt, sed plures, nec eas parentum consilio aut rationis suasu, sed prout eis placuit. Venere & Pluto pronubis sibi copulârunt. Neque verò honores aut sanctos mores, aut familiæ ac natalium decus valdè ambi- erunt, sed oculis lenocinantibus acceperunt sibi uxores ex omnibus quas elegerant. Hinc mera matrimonia malè oculata, quæ diabolus confarreare consuevit.

a Psal. 31. v. 9.

§. I I.

Hic sanè discamus, quod collyrium oculis adhibendum, ut sani servantur. Lip-
B 4.
pire

pire incipiunt oculi, cum pecuniam tantum, aut tantum formam attendant. Paullatim vanescit luxu pecunia, deflorescit senio forma; ita postquam suum oculi perdiderunt pabulum, aliò se avertunt, & una secum cor trahunt. Quanti ab oculis perierunt, his lenonibus ad pudenda tracti flagitia! quot conjuges serò nimis ingemiscunt & plangunt: Ut vidi, ut perii, ut me malus abstulit error! Non ignoramus quàm crebrò & alios & nosipfos oculi seduxerint ingenti damno, & tamen oculorum vela & collyria passim omnia rejicimus. Oculorum quidem est videre, sed voluntatis est, quæ auriga illorum, habenas adducere. Verùm auriga dormitante, petulantes & effrenes equi, quæ fert impetus, excurrunt. Christus hic frenos injiciens, Ego autem dico vobis, inquit, quia omnis qui viderit mulierem ad concupiscendam eam, jam mœchatus est eam in corde suo ^a. Ideò Zaleucus oculos iussit effodi adultero. Nam, ut Clemens Alexandrinus loquitur, prima fornicationis & adulteri sagitta est oculus, & dum lasciviunt oculi, calescunt appetitiones. Videntes filii Dei filias hominum. In formatione humani foetus oculi omnium ultimi perficiuntur, primi moriuntur. Non malè hoc instituit natura, ut quo majus est nocendi periculum, eò brevius esset spatium. Idcirco etiam fletus sunt instrumentum, ut quia sunt peccati, simul etiam essent poenitentiae principium.

pium. Pars innocentiae cecitas est. Incustoditus visus incustoditae mentis est nuntius. Si fenestrae domus effractae nec pluvias nec nives arceant, putredini ac ruinae domum exponunt : eadem humani peccatoris est ratio. Si oculi ad omnem curiositatem pateant, mens sordibus impletur, & cogitationum pessimarum fit desidiabulum. Cor Salomonis tale; nec ipse diffitetur locupletissimus in seipsum testis : Omnia, inquit, quae desideraverunt oculi mei, non negavi eis, nec prohibui cor meum, quin omni voluptate frueretur *a*. Eam ob rem David sollicitè rogans, Averte, inquit, oculos meos, ne videant vanitatem, in via tua vivifica me *b*. Regrotis cibi noxii non tantum non dandi, sed nec monstrandi quidem sunt : tolle cucumeres & pepones, aufer frigidam aut cerevisiam, amove à febrientis conspectu vinum, nam inter os & oculos facilis est proditio, levissime persuadetur æger idem esse salubre quod suave, libenter agitur quod citò creditur. Oculi, ait Augustinus, membra carnis, fenestrae sunt mentis *c*. Solus aspectus via recta est ad opus.

Oculus urens, aut sicut eum Christus appellat, scandalizans, non eruendus tantum, sed & projiciendus, Christi jussu, Erue eum, & projice abs te *d*. Eruimus quandoque, sed non projicimus: intermittimus

B 5

libidi-

a Eccles. c. 2. v. 10. b Psal. 118. v. 37.

b Aug. tom. 8. in Psal. 41. mihi p. 152.

c Matth. c. 18. v. 9.

libidinem, sed occasiones libidinis non fugimus. Sic Alipius ex Augustini familiaribus, oculos eruit, non statim projecit. Obstinaverat is animum, theatrum non adire, at cum amici & condiscipuli violentiâ familiari traherent, Totum, inquit ille, Alipium eò non pertrahetis; oculi & animus ibi non erunt: adero velut absens; ita & vos & spectacula superabo. Clausit oculos, aures non clausit. Subitò pugnae casu ingens populi clamor coortus, Alipius curiositate victus, sed quasi paratus quidquid illud esset, etiam visum contemnere, oculos quos eruerat solum, non projecerat, sibi iterum infixit & aperuit. Sed dum immanes illas voluptates vidit, percussus est graviore vulnere in animo, quàm ille in corpore, quem cernere concupivit, ita pugili cadente miserabiliùs cecidit. Vt enim sanguinem vidit, non se avertit, sed immanitatem simul hausit, aspectum fixit, furias combibit, delectatus scelere certaminis & cruentâ voluptate inescatus. Et jam non erat ille, sed unus de turbâ, ad quam venerat; spectavit, clamavit, exarsit & infaniam secum inde abstulit, quæ non tantum stimulat redire cum illis, à quibus abstractus est, sed etiam præ illis, & alios secum trahere. Tanti est non eruere solum oculos, sed & projicere, visum non tantum custodire & claudere, sed videnti occasiones solertissimè cavere ac fugere. Quâ in re miraculum haberi potest purpuratus Senator Carolus Borromæus, qui

qui Mediolani habitavit ad forum, curiositatis promontorium amplissimum, eâ tamen oculorum sanctimoniâ & fide, ut in illud prospexerit numquam. Reverâ vir iste sanctissimus oculos non solum e-ruit, sed projecit. Jobus oculorum custos acerrimus, Pepigi, ait, fœdus cum oculis meis, ut ne cogitarem quidem de virgine. Quam enim partem haberet in me Deus desuper *a*? Jobo non satis tutum videbatur non aspicere virginem, sed nec cogitare de virgine necessarium ducebat. Eleganter & religiosè submonet Poëta :

Quid facies, facies Veneris si veneris ante?

Non sedeas, sed eas, ne pereas per eas.

Edictum Christi strictissimum est : Si oculus tuus dexter scandalizat te, erue eum, & projice abs te; expedit enim tibi, ut pereat unum membrorum tuorum, quàm totum corpus tuum mittatur in gehennam *b*. Oculos ergo cohibe. Quod satis docent hi filii Dei, qui oculis non custoditis facti sunt filii diaboli.

a Job. c. 31. v. 1. b Matth. c. 5. v. 29.

§. III.

Alterum. Pravam societatem fuge. Illi ipsi nepotes Sethi acceperunt sibi uxores ex omnibus quas elegerant, contra majorum sancita. Consuetudo cum impiis & societas prava, feminarum consortia, res pestilentissima. Cave Sirenes, nî mergi velis & perire. Exitio id disce alieno. Filii Dei videntes filias hominum, quòd es-

sent

sent pulchræ, utique simul & comptæ, illecebrosæ; mulieres peritæ, societate cum illis inita in omne flagitium præcipites ierunt. Hanc talem cum feminis societatem Deus gravissimè suis interdicens, Non ingrediemini ad eas, inquit, neque de illis ingredientur ad vestras, certissimè enim avertent corda vestra, ut sequamini deos earum *a*. His certè artificiis sapientia Salomonis eversa. Idem deplorans David, Commisti sunt, inquit, inter gentes, & didicerunt opera eorum *b*. Nam fornicatus est populus cum filiabus Moab, quæ vocaverunt eos ad sacrificia sua. At illi comederunt, & adoraverunt deos earum. Initiatusque est Israël Beelphegor. Et iratus Dominus ait ad Moysen: Tolle cunctos principes populi, & suspende eos contra solem in patibulis. Simul etiam iudicibus Israël imperatum: Occidat unusquisque proximos suos, qui initiati sunt Beelphegor *c*. Tantorum malorum causa societas mala. Tersum speculum vel halitu solo inficitur; ita probus homo sola improbi vicinia inquinatur. Qui tetigerit picem, inquinabitur ab ea, & qui communicaverit superbo, induet superbiam *d*. Mali mores, contagiosissima lues. Hæc indoles vitiorum est, cum sociis perire velle. Hinc Isaias hortatur & clamat: Recedite, recedite, exite inde, pollutum nolite tangere *e*. Præstat malorum

a 3. Reg. c. II. v. 2. *b* Ps. 105. v. 35.

c Num. c. 25. v. 1. & seqq.

d Eccl. c. 13. v. 1. *e* Is. c. 52. v. 11.

rum æstare odio, quàm consortio Sunt animalcula, quæ non sentiuntur cùm mordent, sed cùm relicto morſu nocent, & pars laſa intumeſcit: Ita & pravi homines occulto blandoque lædunt vulnere, & quod de baſiliſco ferunt, ſolo venenat aſpectu vel halitu pravi exempli. Modicum fermentũ totam maſſam corrumpit, Si dextra ſit offeſſioni, abſcindenda: idem cum amico faciendum. Melius eſt enim facere jaſturã amicitia, quàm animã.

Abrahamus à Deo monitus, ſolum patrium deſeruit, ne corruptorum hominum pravis moribus imbueretur. Neque vero illum Deus ad crebrum familiare colloquium priùs admifit, quàm ſocietatem impiam juſſus declinavit?

Inter nequiſſimos Sodomæ cives quantum periculi adiit Lothus, quem inde vix Angeli extrahere potuerunt?

Ludus Iſmaëlis cum Iſaaco non immerito Saræ diſplicuit. Ab homine nequam vel ſilente diſcitur nequitia.

Vt ſocietatem omnem perduellium Core, Dathan, & Abiron populus Iſraëlis fugeret, graviſſimè Moyſes edicens, Recedite, inquit, à tabernaculis hominũ impiorum, & nolite tangere quæ ad eos pertinent, ne involvami in peccatis eorum &.

Illaudata familiaritas Amnonis regiũ juvenis cum Jonadabo artem docuit, qua ſororem ad infame ſcelus pelliceret.

Optimo regum Iofaphato è bello reduci occurrens Iehu, illumque acerbè incre-

pans

pans ob societatem cum Achabo re-
iniram, Impio, inquit, præbes auxilium
& his, qui oderunt Dominum, amicitia
jungeris, & idcirco iram quidem Domini
merebaris, sed bona opera inventa sunt
te *a.*

Insignissimè hac in re sapuit Tobias
Cum enim irent omnes ad vitulos aureos,
reos, quos Jeroboam fecerat rex Israël
hic solus fugiebat consortia omnium, &
pergebat in Hierusalem ad templum Do-
mini *b.*

Tobia nati junioris conjux religiosus
gloriabatur: Numquam cum ludentibus
miscui me, neque cum his, qui in levitate
ambulant, participem me præbui *c.*

Judas Machabeus optimus princeps &
invidus, sed ubi cum Romanis idolola-
tris, etsi tunc rerum potentissimis, amicitia
& societatem junxit, in prælio vi-
ctus cecidit. Idem Jonathæ fratri evenit.

Inter Apostolos Petrus animosissimus
erat, & carceris & mortis societatem Do-
mino pollicitus. In atrio Caiphæ inter
impios ad vocem ancillulæ trepidavit. *d.*

Nihil est contagiosius malis exemplis
Mali mores, lues pessima, contagiosissima.
Qui communicaverit superbo, ait Siraci-
des, induet superbiam. Idem de aliis vi-
tiis sentiendum. Proinde Paulus severe
imperans, Ne, inquit, commisceamini
fornicariis, quia modicum fermentum

a 2. Par. c. 19. v. 2. *b* Tob. c. 1. v. 5.

c Tob. c. 3. v. 17.

d Vide, obsecro, Nicetam meum l. 1. c. 9.

tum totam massam corrumpit *a*. Verum, verissimum, cum perversis pervertimur.

Oculorum licentia & societas mala è filiis Dei mancipia fecerunt diaboli. Hic neque avus neque abavus, nec Sethus nec Enos juverunt pereuntes, qui seipsos his periculis exposuerunt. Tueri vis animun; Hanc serva legem, oculos cohibe, pravam societatem fuge. Oculi vagi, focii mali, ductores ad orcum certissimi.

a I. Cor. c. 5. v. 6. & 9.

C A P V T III.

Extrema hominum nequitia, causa diluvii aquissima.

Flagitiorum incrementa & orbis interitus ab oculorum libertate, & hominum pravorum societate cœpit. Frequens ubique populus; viri sanctiores è vita decedebant, hinc in dies raritas illorum maxima; nam improbi eorum vicem succedebant, vitia in immensum crescebant; non erat, qui haberi vellet nequitia postremissimus: junctis viribus in nefas ruebant, tamquam caelum expugnaturi, & dejecturi Deum. Hoc nimirum laborabat diabolus, Dei consilia turbare, ne luteus homo in Angelorum sedibus locaretur, & quia prima omnium molimina felicissimè cesserunt, jam animosior cœpit insistere operi & robustior.

Adverterat priùs veterator, familiam Sethi ad optimos mores institutam, & piorum numerum augeri, hinc omnibus viribus

ribus contendit, ut homines Deo redderet exosos. Rem eo certè deduxit, ut vitæ integros sanctisque Dei filios ad flagitia gravissima pertraheret. Sua profectò consilia eo promovit, ut videri poterit consilium divinum penitus turbasse siquidem Deus ipse fassus est: Poenitentia fecisse hominem. Hanc orbis miserandam in pejus ruinam hoc capite super oculos ponemus; unà etiam causas explicabimus æquissimas, ob quas Deus gentem humanam omnem aquis extinxerit.

§. I.

Noëni avo nequitia ingens, horrenda intolerabilis, quatuor maximè de causis.

I. Non paucorum ea fuit nequitia, sed omnium & universalis. Dominus de cælis prospexit super filios hominum, ut videret si est intelligens aut requirens Deum: omnes declinaverunt, simul inutiles facti sunt: non est qui faciat bonum, non est ullus que ad unum ^a. Sanctitas in unico patre Noëmo est reperta. De uxoris, filiorum & nuptiarum probitate altum silent divinæ paginæ. Credibile illos à Noëmo ad optimam quæque verbis & exemplis concitatos num monitis paruerint, incertum. Chama irrisor patris ex assie nequam fuit. Certum est, ob Noënum familiæ Noëmi parsum Grex piorum nimium pusillus. Extra hunc nulla uspiam alibi sanctitas & innocentia.

II. Iræ Divinæ causa fuit nequitia omnibus numeris absoluta. Omnis quippe

sacra

caro corruerat viam suam super terram
a. Ad apicem ea pervenit. Vidit Deus
 quod multa malitia hominum esset in
 terra, & cuncta cogitatio cordis intenta
 esset ad malum omni tempore. Quod
 Hebræi dicunt hac phrasi: Omne figmen-
 tum cogitationum cordis eorum duma-
 xat ad malum. Dies & noctes cogitabant,
 quomodo suis satisfaceret libidinibus. In-
 tellectus cæcus, voluntas perversa in veti-
 tum junctis operis ruebant. Cor, malitiæ
 officina, hoc egit studiosissimè, ut om-
 nem ad se viam intercluderet virtuti. De
 corde enim exeunt cogitationes malæ,
 homicidia, adulteria, fornicationes, furta,
 falsa testimonia, blasphemiae *b.* Nequitia
 fons cor est, quod in illis improbis à Deo
 aversum hoc unum, volutabat, quomodo
 insignitius esset flagitiosum. Actiones bonæ
 nimis quàm modicæ, tenues, raræ fuerunt.

III. Nequitia fuit prolixa, ad annos
 pane septingentos extensa. Quis hic satis
 miretur patientiam & longanimitatem
 divinam, quæ tanto tempore tam foedam
 scelerum colluviem tolerabat, & expecta-
 bat resipiscentiam? At illi secundum du-
 ritiam suam & impœnitens cor thesauri-
 zabant sibi iram Dei. *c.*

IV. Sic submersi erant libidinum cor-
 no, ut nec minas, nec morita, nec d'chor-
 tationes pensi haberent. & impavidi res
 nefarias committerent. Vitæ melioris
 monebantur assiduè, ædificiū arcæ cerne-
 bant.

a Gen. c. 6. v. 12. b Matth. c. 15, v. 19.

c Ad Rom. c. 2. v. 5.

bant crescere, aquarum supplicium prædictum imminere, rem denique valdè ferio agi audiebant. At illi dapiles mensas, hilares ludos, nobiles filias, feminas formosas pluris æstimabant. Vulgatum illis canticum erat: Sinite delirum vetulum architectari & fabricare: nos hilariter, nos hodie vivamus. Feris sanè feriores ac stultiores: illæ ad arcam properarunt, ut angustum in ea caperent latibulum; isti arcam & architectum ejus Noëmum irriserunt, monentem contempserunt; emendatio vitæ nulla; nemini placuit ad frugem sapere. Multi in pravæ societatis gratiam, ne timidi aut inconstantes haberentur, à parte scelestorum hominum stabant: dulce videbatur perire cum multis. Sociata damna minùs feriunt.

Beatus Lucas ex ore Christi hunc orbis interitum deplorans, Edebant, inquit, & bibebant, uxores duxerunt & dabantur ad nuptias, usque in diem, qua intravit Noë in arcam, & venit diluvium, & perdidit omnes *a*. Ita solent homines; corpus accuratissimè comunt, in rebus animi & salutis incuriosissimi sunt: ludus & jocus illis est animi jactura: connubia, nuptias, convivia, choreas agitare princeps eis studium fuit. Matrimonia lascivientibus fuerunt honestatis vela. Effrenatæ cupiditates sic eos inescarunt, ut pœnarum securissimi viverent in diem, perinde si periculi aut mali nihil esset metuendum. Vir eruditus Lucas Brugenſis de Noëmo dis-

serens,

ferens, Non dubium, inquit, quin fama arcae orbem penetrarit, etsi Noë non ad omnes venerit; nihilominus pars irrisit, pars parvi fecit; aliqui monitis aliquantulum commoti, quia tamen differri poenam videbant, lascivire pergebant.

Hujus genii est luxuria, ut hominem reddat oscitantem, securum, negligentem, temerarium, in omnem turpitudinem projectum omnium curarum, quæ ad animi spectant, expertem. Non cognoverunt, inquit Matthæus, donec venit diluvium, & tulit omnes ^a. Exitium futurum nōsse poterant, sed nolebant, fidem habere dictis recusabant, hiantibus oculis nihil videbant, scientes & prudentes nesciebant, quæ ad animum facerent & salutem. Libido eis meliores cogitatus omnes rapuit. Idcirco tantopere laborat diabolus, ut homines hæc esca libidinis fallat: captus est, quisquis hoc vitio inescatus est; in omnem scelorum turpitudinem facile miser trahitur, & non resistit. Jamque diabolus multa didicit experientia, viros etiā sapientes & cetera pios hoc libidinis mulso ita dementari posse, ut levi nisu in magna etiam flagitia impellantur. Argumentum diabolorum hoc est: Non eris fortior Samsone, sapientior Salomone, sanctior Davide.

^a Matth. c. 24. v. 39.

§. II.

Præterea nōrunt exactissimè diaboli, quàm variè vitia cetera vincat luxuria. Primò quidem *Amplitudine*. Dilatat sese libi-

do, & vires suas in cuiusvis generis hominibus explorat: nec enim divites tantum, sed & pauperes infestat; non in auro solum & purpura, sed & in paleis & fœnocubat: nulli sexui, ætati, ordini parcit, pæne omnes invadit: rari sunt, heu rari nimis, quos non vellicet. Nubentes & nuptui tradentes. Hæc omnium erat cogitatio, libidini vacare. Neque vero leges & onera matrimonii expendebant, sed uxores sibi eligebant ad oculorum arbitrium. Omnium erat votum, copulari nuptiis.

Hinc gravissima illa Numinis indignatio: Non permanebit spiritus meus in homine, quia caro est; totus homo carnem sapuit, non natura, sed nequitia. Illud de tali dicitur: Pro sale accepit animam, ne sc. putrescat corpus. Luxuria igitur vitium universale.

II. Luxuria vitiorum turbam vincit diuturnitate si quem pedem in animo fixerit, adeo firmahæret, ut vix avelli queat. Eam ob causam juvenes summa sollicitudine ab omni hac peste servandi. Hic maxime principiis obstandum. Nam si libido in adolescente aut juvene aliquantulum irroborarit, vix misero, consenescet in hoc vitio, & contabescet; pæne prius esse vivus desinet, quam vitiosus. Subinde forsitan conabitur hanc pestem excutere, sed videbitur sibi hoc numquam effecturus. Ah! malum libidinis glutinosum nimis & viscatum est: & quamvis fomes in corpore sopitus videatur, nihilo secius scintillat in animo; cur non restitisti, cum accenderetur? En Noëmiavo nec meta nec
finis

finis ullus libidinum ; adeò hic avernalis luxuriæ ignis in flammam validam exarsit, ut in immensum creverit seipso semper fortior. Annis septingentis venerea hæc lues per orbem grassabatur. Nec cessassent impuri homines libidinari, nisi Deus tempore adfuisset, & hanc in nefarios sententiam tulisset : Nimiùm invalescit libidinum ignis in terrâ ; cogor aquam his flammis affundere, alioquin hoc inferorum incendium in orbe non sopietur.

III. Luxuria vincit alia flagitia fecunditate, nam seminarium est ceterorum, & innumerabilium malorum ex hac basilisci foeturâ emergentium. Luxuriæ leve quid est, hominem unum perdere, totas domos, civitates, provincias, regna evertit. Iudas Iosephi fratres tres educavit filios, quorum hæc nomina, Her, Onas, Sela. Fuit Her primogenitus Iuda, nequam in conspectu Domini, & ab eo occisus est *a*. De Sela idem asserit Geneseos liber: Percussit eum Dominus, eò quod rem detestabilem faceret *b*. Homines impuri morte præmaturâ merito mulctati. Sed nec parens filiis castimonix præbuit exemplum. Exiguus igitur luxuriæ triumphus, vir unus aut una femina malè perditæ, qualis Iezabel regina, canum moribus lacerata *c*. Nec grande quid, domus una libidinibus pessumdata. Heli duo filii unâ perimuntur in bello, pater eversâ sellâ cervicem frangit ; nurus in partu extin-

C 3

gui-

a Gen. c. 38. v. 7. *b* Ibid. v. 10.

c 4. Reg. c. 9. v. 36.

guitur. Cur eos Heli à flagitiosâ consuetudine ad amorem pudicitiae non revocavit? Nec magnū quid est, urbes totas luxuriae sordibus deletas, Vrbs Gabaa ob unicā feminam ab impudicis civibus vitiatam, ferro & flammis excisa, casis ad eam quadraginta tribus millibus virorum *a*. Nequid istud luxuriae satis, totas domos & familias, civitates totas funditus deletas, totas provincias, nationes, regna tota perfundat & everit. Reverà Hispaniae regnum ob regem Rodericum, qui honestam virginem violârat, in Maurorum potestatem redactum est. Sed & hoc luxuriae parum est, tota excindere regna; orbem totum in exitium adduxit, aquis submersit, in stagnum redegit. Videte, obsecro, quale scelus & malorum omnium sit seminarium luxuria. Ideo Chrysostomus hanc luxuriae fœvissimam fecunditatem expendens, *Vidit Dominus Deus, inquit, quod multiplicata sunt malitia hominum. Ex hoc enim malo quasi è fonte multa alia oriebantur mala. Nam ubi scortatio & luxuria, ibi ebrietas & crapula; magna injustitia, avaritia, & innumera alia mala b*.

I V. Luxuria præ ceteris vitiis curatū difficillima. Chrysostomus, quem dixi, huic panè insanabili morbo ingemiscens, Vidisti, ait, stupidas & sensu carentes animas? nihil eorum capiunt quæ spiritus sunt, nullis moventur monitis, perinde ac si rationis expertes sint. Nec poenæ timor,

nec

a Iudic 3, 19. & 20.

b Chrysost. hom. 22. in Gen.

nec divinæ longanimitatis tempus arcuit illos à malis operibus, sed semel in præceps dejecti, à malâ concupiscentiâ quasi ab ebrietate demersi, redire ultrâ noluerunt. Ita prius merfi sunt suis concupiscentiis, quàm aquis. Quis tales juverit sui exitii amantes, qui vitia in mores, & peccandi licentiam in consuetudinem deducunt? Atque istud suo nomine malitiam appellamus, cùm quis non tantùm semel iterumque labitur, sed quod decies, quod vicies ac tricies, quod centies pessimè patravit, tandem necessitate se vinctum existimat eadem sine numero patrandi. Ita qui prius subtimidè peccavit. jam amoto metu omni, velut ex lege peccet audacissimè. Hinc sacer Historiographus, Corrupta, inquit, est terra coram Deo, & repleta est iniquitate *a*. Ita tellurem ipsam sceleribus contaminarunt: ubique Bacchus & Venus imperabant, temulentia & luxuria orbem universum inquinabant. Et certè tam acervata foedæ libidinis flagitia Domino puritatis amantiſſimo ita stomachum moverunt, ut diceret: Quia caro sunt, non permanebit spiritus meus in eis. Hæc duo singulariùs condiscenda.

a Gen. c. 6. v. 11.

§. III.

Primum: *Carnem doma*. Agrè persuademur, ut credamus, hostem nobis terriorem non esse carne. Nihil verius: exitiosissimus hostis est caro, nisi quotidianis

dometur rigoribus. Indulges ei, & con-
 ves? certam tibi struis perniciem. Hæc
 bestia blandimentis & deliciis nimium
 quantum efferatur; quanto enim magis ei
 parcitur, tanto minus officio suo fungitur.
 Cerrè si domestica carnis proditio diabo-
 lum & mundum non juvaret, multo fa-
 cilius in eos pugna foret. Sed inquilinus
 ac subdolanus fur iste, dum à mundo & sa-
 tanâ facit: nos extreme perdit. Quod Sira-
 cides sapienter adstruens: Quid nequius,
 inquit, quàm quod excogitavit caro &
 sanguis a? Narrat Tacitus, Agrippinæ Ne-
 ronis matri prædictum, à filio, si regnet,
 occisum iri matrem. At illa promptè &
 intrepidè, Occidat, inquit, dum imperet b.
 Vociferantur Prophetæ, vociferatur Chri-
 stus & Apostoli: Caro & sanguis regnum
 Dei possidere non possunt c. Si secundum
 carnem vixeritis, moriemini d. At suæ car-
 nis amans, Moriar, inquit, modo prius
 cupitis deliciis fruar. Non permanebit
 spiritus Dei in homine tali, quia caro est.
 Alterum, quod hîc condiscendum: Lu-
 xuriam execrare. Causam dicti assignans
 Ambrosius, Nihil est, inquit, quod tam
 miserè servituti subiciat hominem, quàm
 libido atque ejusmodi cupiditates, quæ ju-
 go criminum gravi deprimunt miseram
 conscientiam e. Quisquis diabolum sua
 domo

a Eccl. c. 17. v. 30.

b Tacitus Annales. l. 14 post initium.

c 1. ad Cor. c. 15. v. 50.

d Ad Rom. c. 8. v. 13.

e Ambr. de Arcâ & Noë c. 9.

domo vult exclusum, obduret hoc impuritatis ostiolū, detestetur & fugiat, quidquid animi corporisque puritati adversatur, alioqui certè cacodæmon animum illius sibi mancipem faciet, & miser id nesciet, quia caro est. Unusquisque pro sua pugnet castimonia & pudicitia constantissimè; neque seipsum solū, sed & familiam suam omnesque sibi commissos ab hac libidinis lue pro viribus tueatur. Qua in re consultum foret, ut concionatores sæpius clamarent ex alto: O patres & matresfamilias, ô domini & dominæ nihil hac in re connivete; mores inverecundos, carmina fescennina, cantiunculas propudiosas, verba prætecta & impudica neutrquam tolerate. Procul, ô procul hanc pestem à vestris ædibus. Inde vel libidinis umbram eliminate; quoscumque hujus delicti reos deprehenderit, ita serio castigate, ut sentiant se castigatos. Hoc carnis vitium inter vestros nequaquam pululare finite; sceleris radices & fibras maturè convellite; severam horum rationem à vobis Deus exiget. Libido, pestis teterima. Fuge hanc, fuge, quisquis Beatorum amas æternitatem.

CAPUT IV.

Quomodo DEUM poenituerit creati hominis.

SI tristis agricola ingemiscat altum, caput fricet, & dicat: Utinā ego mea semina possim recipere! poenitet me, quod

vel unicum huic agro granulum infeminaverim, eique tantum laboris impenderim. Expectati fenoris nihil recipio; oleum & operam perdidici; nec unius numeri pretium ad me redit. Hoc lacrimosum agricola *pœnitere* satis ostendit, agrum aut sterilem & infecundum votis operosis non respondere, omnem in eo laborem perditum, aut certè jam stantem latamque segetem grandine jugulatâ. Et quamvis sex septemve graciles surgant spiculæ, nec millesima tamen pars est sementis diu speratæ.

Deus hunc orbem velut agrum consecovit: cœperunt homines multiplicari super terram. Cùm autem expectaretur messis, ager hic urticis & spinis obsitus, jam merum senticetum solam vitiorum ubertatem exhibuit. Hic mœstus agricola negatis fructibus ingemiscens, *Pœnitet me*, inquit, & *facti seminis*, & *operæ consumptæ in sterilissimum hunc agrum*: *Pœnitet me fecisse hominem*.

Neque solum facti Deum pœnituit, sed valdè & animo pœnituit. Tactus dolore cordis intrinsecus. Quid hoc, mi Deus, tam vehementis, tam novæ ac singularis pœnitentiæ? Hic agricola semper alioqui latissimus, jam tristatur & dolet, tunditque pectus, ut probè monstret, quam fuisse laboris & sparsi seminis in agro tam sterili acerbè pœniteat. Sed num pœnitentia Deum affligere potest? Reverà, dixit, *pœnitet me fecisse eos*. Necessarium igitur hac de re plusculum differere. Expli-

can-

candum, quare, & quomodo Deum collati
in homines beneficii pœnituerit.

§. I.

Peccatum ita turbavit & confudit orbem, ut ipsum etiam cælum penetrarit, ad Dei solium perrepserit, ipsum etiam Deum contristarit. Filius Dei in crucem suffixus est, sed in terra, sed in corpore mortali. Quod autem Deus in cælo pœnitentiæ se subiciat, inter dolentes se statuatur, dicatque, Pœnitet me fecisse eos, hoc intelligentia & ratione comprehendere vix potest. Et quæ hæc demum tanta fuit orbis confusio, ut reperta sit pœnitentia in Deo, qui gaudiorum & voluptatum omnium fons est? Pœnituit eum, quod hominem fecisset, idque bis terve repetitur. Tantam confusionem orbis & conturbationem excitavit peccatum, quod elementa, quod cælum & terram, quod res creatas omnes turbavit, præcipue vero dominum orbis hominem in errores induxit fœdissimos. Istud enim vero per sex primos Dei operosos dies luculenter monstrari potest.

Primo dierum lux creata; lucem fugat peccatum. Hieremias vates ingentem ubiq; vastitatem cernens, Aspexi cælos, ait, & non erat lux in eis *a*. Altero die conditi sunt orbes cælestes, quos peccatum etiam temerare audet. Miratus hoc Isaias, Tabescit, inquit, omnis militia cælorum, & complicabuntur, sicut liber cæli *b*, ne scilicet operiant peccantes. Die tertio creatæ sunt

a Hierem. c. 4. v. 23. b Is. c. 34. v. 4.

sunt germina, plantæ, arbores, quas itid
 peccatum inficit. Aspexi terram, inquit
 Hieremias. & ecce vacua erat, & nihili
 Sol quarto die fulgere cœpit, de quo Isaias
 Obtenebratus est sol, inquit, in ortu suo
 Cur obsecro? Causa apponitur: Visitabo
 super orbis mala, & contra impios iniqui
 tatem eorum c. Quintus dies volucres &
 pisces dedit. Hic iterum Hieremias lugens,
 Sapientes sunt, inquit, ut faciant mala, be
 nē autem facere nescierunt. Intuitus sum
 & non erat homo, & omne volatile cæl
 recessit d. Die sexto pecudes & homines
 orbem cœperunt habitare. Oseas orbem à
 peccato miserrimè vastatum deflens, Non
 est enim veritas, inquit, & non est miseri
 cordia, & non est scientia Dei in terrâ.
 Propter hoc lugebit terra, & infirmabitur
 omnis qui habitat in ea, in bestia agri, &
 in volucre celi e. Cum homine delinquen
 te puniuntur creata omnia, quia delictis
 auxilium subministrarunt. Hinc reus in
 delicti poenā rebus omnibus privatus est.

Si igitur peccatum orbem universum
 perturbavit, ita hominem instigavit in
 Deum, ut Deus, qui tam suipsius quàm
 rerum omnium perennis est beatitudo,
 suos sibi labores quasi sordere permiserit
 & displicere, tamquam facti sui poeniten
 tiam acturus. Hanc è divinis paginis de
 scribemus hic ordine.

I. Pœnituit eum, quod fecisset hominem.
 Vide, inquit Chrysostomus, verbum cras
 sum

a Hierem. l. cit. b Is. c. 13. v. 10. c Ibid. v.
 31. d Hierem. c. 4. v. 25. e Oseas c. 4. v. 3.

sum, & nostræ pravitati accommodatum. Quemadmodum qui malè rem gerit, se ipsum turbat & accusat: Cur hoc feci? Vtiam non fecissem! Si hoc præscessissem, illud profecto numquam attentassem; Vellem dicta facta revocare, si possem. Ita se ipsum erroris arguit cum dolore. Pœnitet eum consilii. Ita Deum creati hominis pœnituit. In eadem Geneseos historia sub exordium refertur. Vidit Deus cuncta quæ fecerat, & erant valdè bona *a*. Vnde jã igitur hæc tam matura pœnitentia? Si quis pictorum imaginem pingat ad omnes artificii leges absolutam, elegantissimã, quam sciat nemini non placituram, quam & ipse inter elaboratissimas picturas approbet, aliquot tamen post diebus ab oculis eam amoveat, damnetque tenebris & carcere, dicatque, Mei me laboris pœnitet; quid causæ dicemus esse, quod subito displiceat artis exactissimæ imago? Rhyparographus aliquis & cucurbitarum pictor eam emendaturus, artificium omne extinxit. Ita peccatum hominem ad omnem morum innocentiam conditum foedissimè distruxit. Hinc Deus facti pœnitens ut homo. Verè tunc affirmari potuit de Deo: Et homo factus est; pœnituit eum, uti ferè hominem liberalitatis malè collocatæ solet pœnitere. Atque hoc Deus scribendum Moysis calamo dictavit, ut orbis universus summam peccati foeditatem tanto caperet exactius, quanto certius sciret peccato Deum gravissimè læsum, & iram ejus implacabilem commotam.

II. *Et praevidens in futurum*, non sibi, sed posteris. Perinde si dixisset Deus: Hac a quarum eluvie cautos reddam posteros hoc orbis supplicium erit illis ad edomandam carnem documentum, ad cavendam libidinem monumentum sempiternum: & vel hinc satis condiscant, quantum mihi displiceat peccatum. Ita benignissimus Deus humanam gentem sibi sumpsit erudiendam velut praeceptor puerulum, qui non solo virtutis amore, sed metu ac formidine poenae in officio continendus, alioqui vix ferè aliud quàm malè agere discit. Hebraei Sapientis monitum est: Noli subtrahere à puero disciplinam: si enim percusseris eum virga, non morietur. Tu virga percuties eum, & animam ejus de inferno liberabis ^a. Omne humanum genus Deo velut puerulus unicus, sed petulantissimus, indomitus, ad audendum projectus, praeceptorì optimo inobedientissimus, Mundum ergo adolescentem, juveniculum, lascivientem, protervum, velut puerulum stultum providentissimè ita corripuit, ut per omnem reliquam vitam meminisse posset se correptum.

III. *Tactus dolore cordis intrinsecus*, quod Hebraei solent dicere: Doluit Deus in corde suo; contristavit se & angustia affectus est ad cor suum. Horum interpretes Hugo, Non est dolor, inquit, nisi de amissione ejus quod amatur: quanto profundior erat amor, tanto altius tangebatur dolor. Subinde judex quaestionis capitalis, muneri suo

fuoingemiscens, Animo, inquit, doleo. quod cogar in hunc hominem decreto-
riam dicere sententiam, sed istud à me
meum officium prætura exigit. Ita Nero
sub initio imperii sententiæ capitali sub-
scripturus, Quàm vellem, aiebat, nescire
litteras *a*! Ita mitissimus Deus dolore
cordis tactus, animo dolebat, gentem
humanam omnem capitis & submersio-
nis esse damnandam. Quem dolorem Ni-
colaus Lyranus explicans, Dolores, inquit,
& passiones nullo modo sunt in Deo se-
cundùm rem, sed secundùm modum.
Nam, quod Augustinus dixit. Dei est de
omnibus omnino rebus tam fixa senten-
tia, quàm certa præscientia *b*.

a Sueton. in Nerone c. 10. mihi pag. 526.

b Aug. l. 15. de Civitate c. 25.

§. II.

IV. *Delebo hominem, quem creavi, à fa-
cie terra, ab homine usq; ad aminantia, à repti-
libus usque ad volucres cali.* Quanta & quàm
detestanda scelerum immanitas! Homi-
nem Deus, quem creavit, perdidit: creavit
è nihilo; rationem, arbitrium, boni mali-
que scientiam dedit, aliquot annorum
centuriis resipiscentiam impiorum expe-
ctavit, quod potuit, fecit. Sed quia nil
penitus profecit, demum justitiæ neces-
sitate adaectus, tot annis acervatas mundi
sordes immixtis aquis eluere, & totam
familix rationem commutare debuit, ita
quidem ut familia priori ejecta, nova de
integro fuerit instauranda. Neque tamen
id

ne. Neque enim soli homines, sed ipsi quoque animantes propter homines extinctæ: omnia turpitudine plena erant omnia igitur expianda. Hic tamen magnæ clementiæ mixtura intercessit, uti Ambrosius observat, nam dixit: Delebo hominem; uti facere solet, qui, dum scribit litteras aut voces delet, non conscindit non lacerat chartam; quædam verba delebat, alia vicem eorum scribit. Ita Deus. Hoc tollam, alios reponam. Si humano more excanduisset, orbem universum penitus everrisset.

V. *Pœnitet enim me fecisse eos.* Rupertus Tuitiensis Genesi lucem affundens. Nullus homo, inquit, satis explicare sufficit quomodo Deus sine motu savit, sine crudelitate occidat, salva pietate habeat furorē. Ita Deus dixit: Pœnitet me, quod constituerim Saul regem ^a. Hic humano ritu modoque locutus est Deus. Nec enim cadere in Deum potest pœnitentia, quæ plerumque culpam, non rarò ignorantiam præcedentem consequitur. Quæ omnia procul à Deo. Hac igitur loquendi formula significavit Deus Samueli, velle se regnum, quod indusserat Sauli, ab eo auferre. Ita hoc Dei consilium de humana gente abolenda dicitur pœnitentia ab effectu, quid id fecit Deus quod homines solent, quos facti aut consulti pœnitet. Hi enim consulta mutant, constructa solvunt, facta revocant, nova instituunt.

VI. *Fi*

^a 1. Reg. c. I 5. v. II. Theologorum phrasi Deus mutatur tantum ad extra.

VI. *Finis universæ carnis venit coram me.*
 Vti reo in carcere dicenti, aut accusatori
 in foro peroranti, ita Deus clepsydram
 ponens peccantibus, Eruntque, ait, dies il-
 lius centū viginti annorum. Quibus verbis
 denuntiat, non adeo multos superesse an-
 nos velut horulam, ea elapsa proximum
 fore interitum. Sunt, qui putent vivendi
 spatium à Deo præfixos centum viginti
 annos. Adversus hanc opinionem Augu-
 stinus pugnans, Nullo modo, inquit, vitæ,
 sed pœnitentiæ tot annos posuit, nec ul-
 lum abscidit, ut opinabantur aliqui, qui
 annos viginti demptos censebant *a*. Nam
 etiam à diluvio nonnulli ad trecentos,
 imo ad quingentos, annos pervixerunt.
 Quod vero tempus ad resipiscendum con-
 cessum non contraxerit, vel inde liqueat.
 Cùm arcæ fabrica imperaretur, Noëmus
 annum egit quadringentesimum octoge-
 simum. Divinæ paginæ in ore suo quin-
 gentos Noëmo annos assignant, cùm illos
 proximè accesserit. Cùm vero jam sex-
 centesimum annum ageret Noëmus, ini-
 tium sumpsit diluvium. Adeoque Deus
 non tantum nihil præscidit de centum vi-
 ginti annis, sed etiam septem serenos &
 quadraginta pluviarum dies addidit, velut
 bonitatis suæ auctarium. Denique cùm
 clepsydra, quā statuerat Deus, effluxisset,
 promulgatum est: *Finis venit universæ*
carnis. His terminis claudenda erat mali-
 tia humana, quæ ubi metam attigit, pro-
 nuntiavit iudex: Non parceret oculus
 D meus

meus, neque miserebor : & scietis , quia
ego sum Dominus percutiens. *a.*

a. Ezech. c. 7. v. 9.

§. III.

Hanc Numinis iram, has calamitates in
orbem immisit solum peccatum. Ergo
peccatum detestare; Dei poenitentiam tu
præverte. Verissimè dixit Anastasius: In
quitates nobis mala conciliant universa *a.*
Profectò quidquid ærumnarum & cala
mitatum orbis continet, quidquid no
urit, aut dolorem parit; ab unico peccato
est, huic soli omnes omnino miseriis
acceptis referamus. Hoc Augustinus af
firmatissimè confirmans, Peccatum, in
quit, est ipsa deordinatio, stimulus enim
mortis peccatum est *b*, quia mortem ur
get, & impellit in hominum cadentem, a
si quis carnificem urgeat, dicatque: Fa
c officium, cæde, feri, sterne *c.* Haud aliter
coëgit & Deum ad sumendum de impiis
supplicium. Eò enim audaciæ progressi
erat nequitia, ut connivere aut dissimula
re ulterius, nec quidem summa Dei Boni
tas potuerit. Hinc Chrysostomus ad qua
stionem illam, Peccatum quid est? ausus
dicere: Voluntarius daemon est pecca
tum, & spontanea insania. Anima, qua
peccaverit, ipsa morietur. *d.*

Hoc autem nimium quantum, super
que omnem modum aggravat peccatum
quod sciamus, quantum id Deo displiceat

neq

a. Anast. Compend. q. 16. b. 1. Cor. c. 15.

c. Aug. de variis qq. ad Simplic. q. 3.

Ezech. c. 18. v. 20.

nectamen id caveamus. Præterea toties verbis monemur, exemplis toties erudimur, poenitis & nostris & alienis corrigimur, quæ tamen omnia non magni pendimus. Hinc peccati gravitatem foedissimam perquam pauci capiunt, illi omnium minime qui in peccatis, velut in amoenis stagnis natitant; & quemadmodum qui sub aquis sunt, aquarum molem non sentiunt; extra eas hydria eis non maxima oneris est; ita dum in peccatis degimus, peccati turpitudinem non attendimus. Impius cum in profundum venerit peccatorum, contemnit. ^a At cum resipiscere incipimus, pondus intolerabile sentimus. Hinc regii Psaltæ gemitus illi: Iniquitates meæ supergressæ sunt caput meum, & sicut onus grave gravatæ sunt super me ^b. Non est seria emendatio vitæ, ubi exigua est cognitio peccati. Sunt qui piacula commissa fateantur sæpius, nunquam emendent, quia peccati molem non expendunt, nec sentiunt; deest necessaria noxarum notitia. Nosce igitur peccatum & detestare; poenitentiam Dei antevertite tua, clepsydra jam posita est; fluit illa, & ad finem properat, quem ignoramus, Taciturnum hoc arenularum stillicidium plurimos decepit, qui nescio quàm prolixas moras somniabant, & subito jam defluxisse horam apparuit. Maturemus igitur poenitentiam, centum & viginti annos ad resipiscentiam non habebimus, incerti an

D 2. diens

^a Prov. v. 13. v. 3. ^b Psal. 38. v. 5.

diem habituri simus crastinum. Præoccupemus faciem ejus in confessione *a*. Nam, quod Chrysostomus dixit, satius est mille fulmina sustinere, quàm vultum illum mansuetudinis plenum nos averfantem videre. Ut ergo amantissimum Deum non poeniteat quod creârit nos, poenitentiam nos ipsi præoccupemus, quod offenderimus illum. Unusquisque tactus dolore cordis intrinsecus dicat: Poenitet me fecisse, delebo quod feci. Omnium errorum reparatrix poenitentia.

a Psal. 94. v. 3.

C A P U T V.

Noëmus panè unicus apud Deum gratiosus.

VINUM aromatites cariophyllis conditum, vinum sanè pretiosum & gulæ gratum, sed plerumque non firmum. Note quandoque una, si negligenter sit tectum, in vappam expirat. Favor humanus plurimis tam carus, quàm pretiosus, sed sapissimè parùm diuturnus, nonnunquam diu collectus subitò effunditur. Favor divinus ejus est pretii & constantiæ, ut unica ejus guttula melior sit & utilior, quàm tota humanæ gratiæ plaustra. Omnium hominum gratia sanctiorem reddit neminem, gratia Dei sanctum facit & beatum.

Noëmus gratiâ divinâ opulentus verè sanctus magnâ in offensâ fuit apud homines, omnium flagravat invidia. Sed id ei non potuit esse nocumento, favoribus
divinis

divinis præpolluit. Noë vir justus atque perfectus fuit in generationibus suis, cum Deo ambulavit *a*. Gratia exciderat, & offensam habuerat orbis universus; at verò gratia Noëmus floruit. Cum Deo ambulavit famulorum fidelissimus, imò solus inter innumeros fidelis, qui assiduè Dominū Deum ferebat oculis, ad omne obsequium & ad omnem nutum paratissimus, hinc suo Domino tam charus, ut propter hunc servum suum sibi charissimum centum annorum fabricam ordiretur. Noëmus in gratia fuit. Quā verò ratione bonam hanc gratiam quæsierit, qua stabilierit, explicandum.

a Gen. c. 6. v. 9.

§. I.

Adolescens laudem maximam habet, si dicatur: Hic puer scholæ doctissimus est. Egregiū ac gloriosum, & in maximā laude ponendum, sermonibus hominum ita celebrari, ut passim audias, pictorum artificiosissimus, causidicorum facundissimus, Medicorum experientissimus, Jurisconsultorum doctissimus, Theologorum subtilissimus: illustria præconia, litteræ laudis plenæ, sed non signatæ: è cælo laudem accersere, & dicier, Hic est inter omnes in orbe sanctissimus. Hæ litteræ sunt elogiorum plenissimæ, sed & signatæ. Has Noëmus obtinuit, his verbis conceptissimis scriptas: *Noë verò invenit gratiam coram Domino*. Gratiam, quam Theologi *primam* nominant, emereri haud

possum, nec eam Noëmus nisi gratuitam accepit, cui tamen insignissimè respondit, adeoque auxit obsequiis, ut unus atque unicus Noëmus Deo charior fuerit, quàm orbis universus, quàm totum humanum genus: omnes alios submergi voluit, hunc unum velut oculos suos curavit. Ecclesiastes velut indagator sellertissimus, Virum, inquit, de mille unum reperi *a*. Noëmus è decies centenis, aut centies millenis millibus vir unus, atque unicus planè singularis, eximiè sanctus. Ne miremur: Melior est unus faciens voluntatem Domini, quàm decem millia pravaricatorum. Deo inter omnes charissimus fuit: Melior est enim, inquit Siracides, unus timens Deum, quàm mille filii impii *b*. Noë invenit gratiam coram Domino. Tanti est vitæ integritas & innocentia.

Sed in illis, quas dixi, signatis litteris copiosior laus Noëmi comprehenditur. Nam dictis additur: Noë vir justus, atque perfectus. Hic, obsecro, sacri scriptoris artificium observemus. Ita loquitur Moyses: Hæ sunt generationes Noë. Quis hic natalium claritatem non expectet, & longam propaginis seriem? Ipse Chrysostomus velut audiendi avidus, Aures nostras, inquit, spe implet quasi genealogiam narraturus, quis ejus pater fuerit, unde genus duxerit. Verum relictis his omnibus hoc unum ait: Noë vir justus atque perfectus. Non patrem, non avum, non avum, non Lamech, non Mathusalem

noë

non Enoch nominat, sed Noëmi virtutes narrat. Mos novus profapiæ atque originis scribendæ. Quid enim tantæ habet utilitatis è claris parentibus originem ducere, si tua vita sit in tenebris? quid damni, si tui parentes obscuri, modò tu in luce sis virtutum? Hæc formosissima sunt nomina, hæc nobilitas antiquissima: *Vir justus atque perfectus*. Viri probati genus, inquit Ambrosius, virtutis est profapia. Quid enim superbis dives? Quid dicis pauperi, Noli me tangere? Nonne sic utero conceptus, & natus es ex utero, quemadmodum & pauper est natus? Quid te jactas de nobilitatis profapia? Soletis & canum vestrorum origines, sicut divitum recensere, soletis & equorum vestrorum nobilitatem, sicut Consulum prædicare. Ille ex illo patre generatus est, & illa matre editus: ille avo illo gaudet, illis se proavis attollit. Sed nihil istud currentem juvat. Non datur nobilitati palma, sed cursui. Deformior est victus, in quo & nobilitas generis periclitatur. Cave igitur dives, ne in te erubescant tuorum merita majorum, ne fortè & illis dicatur: Cur talem instituistis, cur talem elegistis heredem a? Quid igitur propaginem veteris, originem claram tantopere jactamus? Alieno gloriari, ridicula est jactantia. Avorum merita, nepotum degenerantiū notæ suât, nec aliud magis posterorum maculas aperit, quàm majorū splendor ac gloria. Veram laudem non nisi de proprio sumpseris; ab alio non expectes

D. 4. Agc

a Ambros. tom. 4. mihi pag. 283.

Age aliquid & tu, unde sis nobilis, nam majores tui, nisi aliquid egissent laude dignum, numquam nobiles fuissent. Corpus & patrimonium accipimus à parentibus: qui claritatem habent, rarò eam in filios transferunt. Rarò excellentis viri filius excellens fuit. Mille nunc ergo tales clarissimorum hominum obscurissimos heredes, si vacet, enumerem. Claritas nascendo non acquiritur, sed vivendo; sapere etiam, quod mireris, moriendo. Verus nobilis non nascitur, sed fit, non potando strenuè, sed in acie pugnando; non opulenta veste, non vitiis; sed eruditione, sed virtute; Nobilior est vir fortis, etsi rusticus, quàm nobilis ignavus. Euripides olim cecinit:

— namque ab animo strenuos
Iustosque, quamvis orti & è servis fient,
Stirpe anteire vulgo nobiles puto.

Magna fuerit avorum, proavorum, abavorum, atavorum tuorum claritas: quid si major est tua obscuritas? Dixi jam: pugnando, non potando in nobilitatis censum transitur. De sine igitur tuum nomen alienis obumbrare virtutibus, ne unoquoque suum reposcente, nudus ipse de proprio ridearis. Annaeus Seneca de vera nobilitate sapienter ac verè pronuntians, Non facit nobilem, inquit, atrium plenum fumosis imaginibus a. Nemo in nostram

glo-

a Romanus propriè mos, collocandi in tabulariis per atria imagines majorum. Atque ex iis nobilitas aestimata. Lipsius l. i. Electorum, c. 29.

gloriam vixit; nec quod ante nos fuit, nostrum est. Aninus facit nobilem, cui ex quacumque conditione supra fortunā licet surgere *a*. Qui imagines in atrio exponunt, & nomina familiæ suæ longo ordine ac multis stemmatum illigata flexuris, in parte prima ædium collocant, noti magis quàm nobiles sunt. Vnus omnium parens mundus est, sive per splendidos sive per sordidos gradus ad hunc primam cuiusque origo perducitur *b*. Ita Senecæ nemo nobilis, nemo generosus est, nisi qui ad virtutem benè à natura compositus est. Sed testem Seneca locupletiore sisto Chrysostrum, qui ore libero, Tu, inquit, qui magna de nobilitate majorum jactas, ultra proavos atque atavos tuos si progrediaris, invenies multos è genere tuo agnatos fortè aut caupones fuisse. Hunc cursum habet genus humanū, Salomon Regis filius, & Regis illustrissimi, hujus tamē pater ignobilis & abjectus fuit, maternus etiam avus adeò vilis, ut nec gregario militi collocare posset filiam. Plato dicebat: Neminē regem non ex servis esse oriundum, neminem servum non ex regibus. Omnia ista varietas longa miscuit. Intuendum est, ait Seneca, non unde veniant, sed quo eant *c*. Quod & Bion dixit Antigono: O rex, sagittariis si opus habes, non unde sint, interrogas, sed scopū proponis, & qui tangunt, eligis: sic & alios

D 5

ex-

a Seneca epist. 44. mihi pag. 456.

b Idem l. 3. de beneficiis c. 28. mihi pag. 302. c Seneca epist. 44.

explora, non unde, sed quales sint. Dic enim, quaso, ait Chrysostomus, quid genus est? nihil aliud certè quàm verbi sonitus ab omni re destitutus, quod in extremo die illo probè scies. *a* Pests nobilem & ignobilem æquè rapit, mors non discernit; inter illum & istum non distinguit orbis iudex. Ille igitur sublimis, ille clarus, ille nobilis, qui dedignatur servire vitiis, & ab eis recusat vinci. Noë vir iustus atq; perfectus in generationibus suis. Hæ sunt generationes Noë, hoc illius genus & stemma, hæc nobilitas illius & prosapia.

a Chrys. 10. 2. hom. 59. in c. 18. Matt. m p. 434.

S. II.

Nulli Patriarcharum, nec Setho, nec Enos, nec ipsi Henoch hoc elogii tributum, *Perfectus*. Morum perfectio, ut ajunt, duo habet brachia, lævum quidem, *Letalis noxæ fugam*, dextrum autem, *Astidum virtutis studium*. Chrysostomus de Noëmo differens, Noë, inquit, in nullo claudicavit, in nullo defecit. Sunt homines orationis multæ, sed non minoris avaritiæ; alii egregiæ liberalitatis, nullius pietatis; alii prudentes, sed nec fortes, nec patientes; aliqui satis animosi, sed minùs casti; reperias quosdam utcumque verecundos, nonnihil tamen elatos & superbos; alios laudabiliter mites, sed unà pigres ac desides. Sunt homines optimorum verborum in factis eneeves & nulli. Non desunt, qui ad obsequia promptissimi, sed seipsos negligent. Sunt taciturni, sed invidi. Sunt abstinentes & sobrii, sed admodum

dam iracundi. Sunt utcumque placidi, sed
 potulenti & frequenter ebrii. Sunt seduli,
 sed simul praparci. Sunt largi, sed ignavi.
 Perfectus nullo deficit. Noë vir justus atq;
 perfectus. Unde illi, quaso, hæc justitia?
 cum ea tempestate summa ubique fue-
 rit non annonæ, sed virtutis caritas,
 imò nusquam virtus in orbe visa. Histori-
 cus sacer accuratissimus. Hæ sunt, inquit,
 generationes Noë: Noë vir justus atq; per-
 fectus fuit, cum Deo ambulavit. Hierony-
 mo interprete: Vestigia Domini secutus,
 in rebus omnibus id unicè spectavit, quid
 vellet, juberet Deus, hunc sibi præsentem
 semper intuebatur, in id solum attentissi-
 mus, quid oculus Dei annuendo aut ab-
 nuendo fieri vellet. Hinc Noëmus Numi-
 ni devotissimus, hinc in omni actione mo-
 destissimus, atque cautissimus. Alii omnes
 ut pecudes in pratis lasciviebant, imme-
 mores Dei, divinæque præsentia. Impii
 cum mundo, carne, diabolo ambularunt:
 Noë panè solus ambulavit cum Deo.

Hinc illud encomii additur: Perfectus
 fuit in generationibus suis. Ah, mi Deus,
 inter quos, & quo tempore, sanctimonix
 tam tenax fuit? inter homines nequissi-
 mos, nec eos paucos, sed universos, in
 quibus nec virtutis scintillula vivebat.
 Atqui Deus veluti paterfamilias providen-
 tissimus suos in medio impiorum num-
 quam non habuit. Elias queritur olim Nu-
 mini dereliquerunt pactum tuum filii
 Israël, altaria tua destruxerunt, & Pro-
 phetas tuos occiderunt gladio, derelictus
 sum.

sum ego solus *a*. Cui Deus, Derelinquam mihi, ait, in Israël septem milia virorum, quorum genua non sunt incurvata ante Baal, & omne os, quod non adoravit eum osculans manum eius. Idem cum Elia potuit Noënnus dicere. Derelictus sum ego solus, non est qui faciat bonum, non est usque ad unum. Hoc raræ virtutis est, inter scelerosos versari sine scelere. Quod Gregorius Moralium suorum exordio summi affirmans, Dicatur, inquit, ubi habitaverit Iob, nec enim valdè laudabile est bonum esse cum bonis, sed bonum esse cum malis. Sicut enim gravioris culpa est inter bonos bonum non esse, ita immodicè est præconii, bonum etiam inter malos extitisse. Idcirco Iobus, Frater fui draconum, inquit, & socius struthionum *d*. Lothus vel idèò laudatissimus, quia inter impios pius. Eo nomine Paulus Philippenses laudans, In medio, inquit, nationis pravae & perversee, inter quos lucetis sicut lumina in mundo *e*. Unica tulipana vel rosa inter filices aut urticas merx rara & admiranda. Talis profectò fuit Ecclesiæ Pergamenæ Episcopus, ad quem litteræ hunc in modum scriptæ: Scio, ubi habitas, ubi sedes est satana; & tenes nomen meum ibi;

& non

a 3. Reg. c. 19. v. 14.

b 3. Reg. c. 19. v. 18.

c Psal. 13. v. 2. & 3.

d Iob c. 30. v. 29.

e Ad Philip. c. 2. v. 15.

& non negasti fidem meam *a*. Maximæ laudis est, lilium candere ac frarare inter spinas *b*.

a Apoc. c. 2. v. 13.

b Cant. c. 2. v. 2.

§. III.

Hic occasio nobilissima non negligenda; hic famam colligere, nomen calo inscribere, & immortalitati licet mandare. Pænè nusquam non inter malos degimus, ubique lateri hærent homines vitiosi. Inter hos autem lex illa mundi neutiquam attendenda: Quod illis & istis licet, licebit & mihi; calcabo semitam vestigiis aliorum tritam: Sectari singularia odiosum. Artis est, ceterorum ingeniis sese aptare. Non assentiri pluribus & subscribere, invidiam & obrectationes parit. Sentiamus cum multis. Hæc, inquam, lex mundi minimè curāda. Virtus vel inter pessimos colenda. Cuivis laborandum, ut sit in generatione sua perfectus. Mathathia ducis Hebræi vox generosissima fuit: Et si omnes gentes regi Antiocho obediunt, ut discedant unusquisque à servitute legis patrum suorum, & consentiant mandatis ejus: ego & filii mei, & fratres mei obedimus legi patrum nostrorum *a*. En Horatios Coclites solos non pro ponte, sed pro lege pugnantes. Hi viri erant perfecti in generatione sua.

Noë.

a 1. Machab. c. 2. v. 12.

Noëmum utique cogitationes istæ sapi-
piâ sollicitaverint : Num ego inter tot
millia hominum solus sapiam ? num ca-
teris omnibus sum sanctior ? num mihi
uni servatur calum ? In odium & offen-
sionem omnium incurram ? omnibus me
invisum faciam ? ab universorum mori-
bus me disjungam ? vix fieri potest tanta
multitudini non quandoque suffragari,
inter tot malos tam strictis religionibus
virtutem adorare; aliquid nonnumquam
amicitiæ tribuendum, Deus dabit ve-
niam. Velle ac posse, grandibus sæpè di-
stant intervallis. Torrenti non faciliè re-
sistendum. Frudentiam inter & sancti-
moniam facienda est concordia. Non
omne continuè malum est, quod plurimi,
quod omnes faciunt. Medium tenuere
beati. Non omnia igitur plebis studia
probanda, non damnanda omnia.

Has Noëmus cogitationes excludens,
& iis longè sanctiores substituens, Pro
aliis, aiebat, non respondebo Numini,
sed pro me, meaue familia. Anima, quæ
peccaverit, ipsa morietur : filius non por-
tabit iniquitatem patris, & pater non por-
tabit iniquitatem filii : iustitia iusti super
eum erit, & impietas impii erit super
eum ^a. Quisque rem suam agat. Nemo
alterius vicem æternis suppliciis se obji-
ciet. Et tametsi orbis universus à Deo
deficiat, ego tamen & domus mea ad-
hærebimus Deo, & illi soli serviemus. Nec
intra cogitationes solas res hæc stetit.

Noëmus

Noëmus haud dubiè ab omnibus fastiditus & irrisus, omnium convitiis, maledictis, sibilis, spuriis etiam notatus est. Voces illorum fuerint, Sinite delirum vetulum, sinite morosam fabricam moliri, forsitan sibi struit sepulchrum. At ille dictis & cachinnis minimè motus, divinis parebat imperiis, ille unus omnium vitam & mores scelestos, tam vita & moribus, quàm monitis & exhortationibus arguebat: hinc velut fanaticus senex omnibus exosus, omnium fuit ludibrium.

At verò Deus longè aliter judicans, Te, inquit, vidi justum coram me. Ne angaris animo, te omnium odiis premi: mihi cherrimus es: Ponamque fœdus meum tecum *a*. Deferit me orbis universus, & deficit à me, tecum igitur amicitiam inibo, tu mihi unus instar omnium eris, ego & tu novum constituemus orbem.

O mi Deus, & ô anima mea, quàm nihil ei obest odium orbis, cui non deest favor Numinis? Neminem bonæ mentis Deus despicit: talis ei unicus pro multis millibus est. Ab hac bonitate divina longè diverit humana insulfitas, & perversum iudicium, quod ubi navorum aliquid in homine apprehendit, mox omnem illius vitam accusat: ob pauculos grandi in familiâ improbos, totam mox damnat familiam: ob nequiores aliquot cives, totâ infamat civitatem: ob domesticum unum alterumve non laudandum, integram traducit domum: ob putridum membrum unicum, corpus execratur totum. Hirundo nobis

unica ver facit. Quasi verò propter unicū Chamum Noëmi filium nequam tota ejus familia nequitiae fuerit damnanda. Nimirum judiciis temerariis promptissimi sumus, iisque proximos quosque incursumus. At verò Deus suavissimè bonus, ob unicum hominem toti peperciit orbi nascituro. Dixisset more nostro: Nemo non pessimus est; pereat orbis, mergantur canes impudici; abolendum est infame genus hominum universum. Alter divina longanimitas agit. Cognovit enim Dominus, qui sunt ejus *a*; nec dormitat oculus ille pervigil, arcanorum omnium, & vel latentissimarum cogitationum scrutator: ad hunc unum in rebus omnibus suspiciendum; huic uni placere, felicitas suprema, etsi oculis displiceas aliis omnibus.

Hoc sanè animo fuit Noëmus; maluit omnium oculis displicere, modò placere posset supremo. Huic viro & Sibyllinus liber istud tribuit elogii: Solus in cunctis justissimus erat, & verax, Noë fidelissimus & bonis operibus addictus *b*. Quod Siracides confirmans Noë, inquit, inventus est perfectus & justus, & in tempore iracundiae factus est reconciliatio. Ideò dimissum est reliquum terræ, cum factum est diluvium *c*. Deus Noëmum quasi reveritus variis modis honoravit. Vnde non immeritò eum Paulus tantopere deprædicans

a 2. ad Tim. c. 2. v. 19.

b Sibyl. l. Grac. vers.

c Eccl. c. 44. v. 17. & 18.

dicans, Fide, inquit, Noë responso accepto, de iis, quæ adhuc non videbantur metuens, aptavit arcam in salutem domus suæ, per quam damnavit mundum, & iustitiæ, quæ per fidem est hæres est institutus *a*. Hi sanè tituli formosissimi contra omne aurum chari: Noëmus iustus, perfectus, idque in orbe solus, invenit gratiam coram Deo, ut illud testimonii Deus ipse dixerit: Te vidi iustum coram me.

Sed hic obstupescendum aliud, quod paginæ divinæ non negligunt: Noë verò cum quingentorum esset annorum, genuit Sem, Cham, & Iaphet *b*. Existimat Chrysostomus, Noënum ad annum quingentesimum distulisse nuptias, & calibem vixisse vitam, Chronologiâ veteri teste, cum Noëmus annum ageret quingentesimum tertium, natus ei primogenitus Sem, hunc secutus Iaphet; liberorum ultimus Cham. En, obsecro, quam senex, sponsus annorum quingentorum? O Phoenix avi perditissimi? Cum nemo vitæ melioris exempla proderet, nemo specimē virtutis ederet, cum orbis scelerū infamiâ flagraret, cum nec oculis nec auribus quicquā documenti honestioris posset hauriri, Noëmus, velut in familia religiosa degeret, honestatis leges arctissimas secutus est. Quod Chrysostomus vehementer admiratus, Considera, inquit, quantæ fuerit virtutis, in tantam temporis longitudinem, concupiscentiæ rabiem refrenare, viamq;

E

lon-

a Ad Hebr. c. 11. v. 7. *b* Gen. c. 5. v. ult.

longè diversam ab iis ingredi. Quid miri, hunc virum adeò charum fuisse Deo, nec continentia tam sublimis virtus, ut amari, & observari non possit, cum supersuperant exempla pudicitiae quàm integerrimae inter corruptissimos servatz. quis calibem possit vitam agere ad annum usque quingentesimum, ad quingentesimum etiam poterit. Atque hinc minimum clicimus documentum.

S. IV.

I. *Castimoniam cole*, quâ se Deo Noë tantopere probavit: adversus hanc luxurians orbis ita peccavit, & exinde Numen ad eam commovit iram, ut nec unico quodam fonti, tametsi forsan resipiscere statuenti, pepercerit. Sapientissimè dicit Salomon: Qui amat cordis munditiam habebit amicum regem *a*. Et Paulo testante, Non vocavit nos Deus in immunditiam, sed in sanctificationem *b*. Merita casta, gemina omnium pretiosissima, nullis thesauris æquiparanda. Quod Sir. cide apertissimè pronuntians, Omnis ponderatio, inquit, non est digna continentia animæ. Quisquis es qui libidini indulget, valedic calo, & morere:

Libinem parit torpor animi resistere nolentis, & vitium gulæ. Quid igitur miri, filiam post parentes sequi? Gula certè ac luxuriam communes nobis esse cum belluis, vitamque nostram maximè bellualem facere, semper visum est sapientibus

a Prov. c. 22. v. 11. b 1. ad Thess. c. 4. v. 7.

pientibus. Hominem qui foedis appeten-
 tiis oblectari non vult, libido rapit ad in-
 teritum animi & corporis, & infamem
 notam, seramque pœnitentiam, & for-
 tassis inutilem. I nunc igitur, & libidinem
 tuam sequere, quæ te tales rapret ad exi-
 tus. Qui seminat in carne sua, de carne &
 metet corruptionem *a*. Nihil certius, si
 secundum carnem vixeritis, moriemini.
 Cogita, obsecro, innumerabilium famo-
 sos ac miserabiles casus, non modò sin-
 gularium hominum, sed urbium & re-
 gnorum, qui tibi p. rtim visu, partim au-
 ditu, maximè lectione debeant esse notif-
 simi. Expende hanc ipsam, de qua loqui-
 mur, eluvionem orbis. Voluptates blan-
 dissimæ dominæ, superiores animi partes
 à virtute detorquent, & in hoc nos com-
 plectuntur, ut strangulent. Quod Masinif-
 se regi Scipio Africanus præclarissimè di-
 xit, id tibi puta dictum: Vince animum, &
 cave illum deformes. Ne, quaso, bona plu-
 rima & tot meritorum gratiam vitio nro
 corumpas. Quod facilius fiet, si acriter rei
 tam vilitatem & obscœnitatē, quam bre-
 vitem & finem cogites. Horæ fugacis,
 forsitan momenti unius illecebras longū
 dedecus, multorum annorum pœnitentia,
 supplicium æternū comitatur. Ergo abdi-
 cata omni libidine castimoniam cole. O
 quam pulchra est casta generatio cū clari-
 tate, immortalis est enim memoria illius,
 quoniam apud Deum nota est & apud ho-
 mines *b*. Bernard. paucis multa complexus

E 2

verif-

a Ad Gal. c. 6. v. 8. *b* Sap. c. 4. v. 1.

verissimè dixit: Castitas est securitas mentis, & sanitas corporis. Ibi habitat Deus ubi permanet continentia. Castitas jungit hominem calo. Castitas facit hominem proximum Deo. Castitas perducit hominem ad regnum. Bona est castitas conjugalis, sed melior est continentia vidualis. Optima verò integritas virginalis a.

II. *Dei amicitiam ambi.* Dei amicitia non tantum è comburenda civitate Jerusalethum liberat, sed in ipsis flammis Siderum, Abdenago, Misachum conservat. Noënum mediis undis incolumè defendit. Hoc patrociniū amicis Dei promittens Isaïas, Noli timere, ait, meus es cum transieris per aquas, tecū ero, & flumina non operient te b. Amicus Dei patrum aptat in navigium, & mare tantam prodigioso lembo, quod divum Remum c ferunt fecisse in Vandalorum viro trajiciendo. De hac cū Deo inita amicitia præclarissimè Augustinus, Si non dubites, inquit, propter quædam tolerantia dissolvere hominis amicitiam, Dei amicitia quibus rebus debet cogi, ut dissolvatur à te d. Sæpè quos amicorum fidissimos habebamus, invenimus infidos. Hac in re lectus est difficillimus & erroribus plenus expositus. Amicus fidus & ex omni parte sincerus res dulcissima simul sanctissima. Dulces, fateor, parentes, d

a Bern. l. de modo benè vivendi, serm. de Continentiâ mihi pag. 1650.

b Isaï. c. 43. v. 2.

c Quædam Ecclesia celit die 26. Augusti.

ces filii, dulces fratres, possunt tamen amarefcere; nec parentes id eò, nec fratres quidem, nec filii esse defierunt, cum defierunt esse dulces; at amicus solus, si sit verus, dulcis & charus esse non desinit. Cum igitur in genere illorum, qui charissimi videntur, odiis sæpè latentibus, sæpè etiam manifestis multa insit amaritudo, amicitia sola, si vera, vacat odiis, nemo umquam, non dicam occidit aut perdidit amicum, sed ne læsit quidem volens. Hunc tibi amicum statue Deum, amicorum omnium multò fidelissimum, & qui ea omnia non possit tantum, sed & velit præstare, quæ exigas ab amico. Sapiëntiæ de hoc amicorum optimo testimonium est: Non habet amaritudinem conservatio illius, nec tædium convictus illius, sed lætitiā & gaudium *a*. Igitur Deo jungere, & summum bonorum omnium, divitiās infinitas invenisti. Illud vide, ac ne, quod optimum es nactus, negligas. Ne qua umquam re offensus, ne quo verbo alienatus à te recedat. Amicus hic, thesaurus est immensissimus: sed magna servandus cura, acri, si fugiat, revocandus pœnitentia.

Conetur unusquisque Noëmi titulis insigniri, Iustus, Perfectus: cordis amet munditiem, & amicum habebit Supremum Regem. Orbis universus ei nocere non poterit, quisquis Deum habuerit amicum.

a Sap. c. 8. v. 16.

C A P V T VI.

*Noemi assidua de imminente interitu
exhortationes.*

OBLIVIO Dei & omnigena vitia ab illa radice profeminata adolescentem mundum in talem dederunt veternum, ut Deus huic veter noso agro variam ad-
moverit medelam, expergesciendo il-
lum, & ad vigilantiam suscitando. Sicut
agrotus, quem invasit veter nus, moveri
trahi, vellicari, concuti, pungi solet, ut
toties tractus, vellicatus toties denique
evigilet *a*: ita Deus sceleratos orbis inco-
las assidue moneri, instrui, doceri voluit.
Ad eam rem precipue usus est Noëmo,
qui assiduis exhortationibus aures impro-
borum identidem obtundebat, & om-
nem movebat lapidem, ut monendo ac
erudiendo impios excitaret ad poeniten-
tiam. Verba sapientum sunt stimuli *b*. Ita
Christus furibundum Saulum Damasco
imminentem exstimulans, Durum est ti-
bi, ait, contra stimulum calcitrare *c*. Mox
Saulus evigilans, Domine, inquit, quid me
vis facere? At verò nefarii homines illi,
quidquid Noëmus diceret, moneret, de-
hortaretur, occineret, omnia ipsi nihili
habentes, quo coeperant pede, pergebant
audacissime. Imò salutis monita in risum
jocum-

a Horat. l. 2. Sermonum, Sat. 3.

*Quondam lethargo grandi est oppressus —
Hunc medicus multum celer atque fidelis
Excitat hoc pacto.*

b Eccl. c. 12. v. 11. *c* Actor. c. 9. v. 5.

jocumque vertebant : Clama , mi Noë
 clama, vaticinare, mone, concionare, sua-
 de, minare, dehortare quamdiu placet, nos
 lati pergimus, has ex pelvi minas cura-
 mus scilicet. Tu architectare, quid ad nos?
 His terriculamentis non movemur, nobis
 benè est. Quàm erat, mi Deus! gravis hic
 veternus ? Nihilominus vindicta divina
 non ex abrupto punit, nec protinus vi-
 vendi spatium præsecuit, sed resipiscendi
 moras concessit concionatorem eis Noe-
 mum dedit, quem B. Petrus Iustitiæ præ-
 conem nominans, Originali, ait, mundo
 non pepercit, sed octavum Noe justitiæ
 præconem custodivit, diluvium, mundo
 impiorum inducens a. Atq; hic conciona-
 tor orbis optimus, non monitis solum, sed
 & exemplis sanctissimis poenitentiam assi-
 duè ingerebat; nî parerent, iram Numinis
 in poenas meritas exarsuram. Interim ar-
 cam spectantibus omnibus, futuri suppli-
 cii jube monumentum, ædificabat. Ita
 Noemus non viginti solum, aut triginta,
 non septuaginta tantum, aut octoginta,
 sed ipsis centū annis, aut, ut Chrysost. lo-
 quitur, annis quingentis concionatus, poe-
 nitentiam jugiter inculcabat. Hac Noemi
 monita, has conciones interpretabimur.

a 2. Pet. c. 2. v. 5.

S. I.

Tam bonus est Deus, ut prius omnia
 tentet, diversisque ad poenitentiam occa-
 siones subministret, quàm omni gratia
 merentem priver. Cùm nullus remediis
 locus, jamque beneficia in noxam tra-

hantur, demum æquissimus Pater & Dominus, Quid est, inquit, quod debui ulcisci facere vineæ meæ, & non feci? An quia expectavi, ut faceret uvas, & fecit labruscas? Et nunc ostendam vobis, quid faciam vineæ meæ, Auferam sepem ejus, & erit in direptionem: diruam maceriem ejus, & erit in conculcationem ^a. Exi causam nemo in me conjecerit; periculum servare volui, sed ille auxiliares manus rejecit, & noluit servari. Vigilantissima sollicitudo mea neutiquam desiderata est, & patrem egi, & monitorem: frustra omnia, tam consilia mea quam precepta sunt neglecta Iacturam ego & contemptum tuli, non tantum uvas edules & maturas non accepi, sed insuper vites optimæ in silvestres labruscas degenerarunt. Ideò non ampliùs putandæ, sed excidendæ sunt in ignis pabulum. Ita Deus cum omnibus, atque cum singulis hominibus solet agere, remedia suggerit poenitentiae: humani arbitrii est, ea vel admittere, vel abjicere. Ita cum perditis illis mundi juvenilis civibus est actum.

1. Frequenter & fideliter sunt moniti.
2. Videbant equidem quotidiana funera & vel inde discebant, se non esse immortales; non nesciebant, aliam post hanc suscipere vitam.
3. Noëmi & familia, quam duxerat, ad sanctos mores compositæ videbantur exempla.
4. Spectabant ingentem ad arcæ fabricam apparatus, nec ignorare poterant minirabunda Dei con-

filia, complurium annorum opus, Deum ipsum esse architectum. Quis non movendus tot argumentis? 5. Tantum pabuli pro tot feris undequaque comportabatur, non dubium prædictæ calamitatis argumentum. 6. Ipsa tot ferarum & animantium confluxus quid aliud testabatur, quàm illam ipsam, quæ imminabat, orbis eluviem? 7. Noëmus constanter & continuè monebat atque hortabatur, resipiscerent, mores emendarent, malum imminens caverent. Et monstrum videri potuit, nullum, & nec quidem unicum ad hæc monita è vitiis emeruisse. Sed nemini hoc mirum videatur; idem hodieque fit, hæc monstra etiamnum durant. E cathedris assiduè clamatur, & nihil proficitur, objurgantur mali mores, sed non emendantur. Grandi premimur lethargo.

Noëmi conciones dignissimæ consideratu. Siquidem beatus. Petrus Noëmum justitiæ præcomen nominat. Hinc Chrysostomi sensu in ipsis incunabulis concionari cœpit Noë hac ratione. Nato puero quærebant cives, quod nomen esset infanti. Dictum, Noë, hoc est, quies, quòd cupiat Deus humanæ nequitiae finem imponere, & flagitiosos demum cessare ac quiescere ab assuetâ improbitate. De quo Chrysostomus differens, Hic, obsecro, inquit, animadvertite dilecti, quomodo puellus iste paulatim crescens, omnibus ipsum videntibus discendi occasio sit. Nā mox ut quis pueri nomen sciscitatus est, ex interpretatione vocabuli didicit, even-

turum generalem interitum. Porro ob-
 stupefcentia est ineffabilis misericordia
 Dei, & prodigiosa hominum, qui tunc
 erant, ingratitude. Ecce enim quingen-
 tos annos vixerat iustus ille, clamans &
 testificans suo nomine, futurum per uni-
 versum orbem diluvium ob nimias homi-
 num malitias, & neque sic à malitia ab-
 stinere voluerunt.

Hæc à se dicta Chrysostomus ipse con-
 firmans. Didicistis heri, ait, quomodo à
 nativitate sua iustus ille accepto à patre
 nomine obambulabat, omnibus, qui tunc
 erant, doctor calamitatum, quasi cla-
 mans, & dicens per nomen suum, Desi-
 site à malo, operemini bonum, time-
 te preparatam poenā. Commune diluvium
 in toto orbe erit, magna & excellens Dei
 indignatio est, quia magna & in malitiam
 proclivitas. Et hoc non tantum duobus
 aut tribus annis faciebat, sed quingentos
 vixit hæc admonens *a*. Berosius Anianus
 existimat per omne illud temporis spa-
 tium concionatores & Prophetas missos,
 qui idemtidem hortarentur ad meliora,
 præter Noemum, qui ordinarius & conti-
 nuus erat exhortator, uti Iosephus & Ru-
 pertus sentiunt. Et potuit is certè ingens
 verbis pondus addere spectaculo præsen-
 ti, quod intento digito monstrabat. Et
 voces hominum nullæ fuerint, sola tamen
 silens loquebatur & monebat arca.

Credibile proisus est has arcæ ac Noe-
 mi

*a Chrys. tom. I. hom. 21. & hom. 22. in
 Genes. mihi pag. 130. & 134.*

mi conciones cunctis urbibus & oppidis
 sparsas. Hic namque Dei mos est, univer-
 sali supplicio non vindicare, antequam
 admonitio præcesserit generalis. Eapro-
 pter Elias & Enoch exequiarum orbis &
 supremi iudicii erunt prodromi, ad de-
 nuntiandam divini tribunalis viciniam.
 Deinde Noemus à Petro Iudæ præco
 appellatur. Atqui præconem non agit, qui
 latebras & reconditos provinciarum angulos
 complet clamando, sed qui urbe, vel pro-
 vincia tota, prout res exigat, præconium
 facere consuevit. Ita & Noemus non in
 recessibus Numinis iras minasque denun-
 tiavit, sed peragravit orbem, quod qui-
 dem ea occasione factum, qua ipse cum
 Semo & Japheto filiis ex orbe feras un-
 dique collegit, & illas velut oviculas ante
 se agens ad arcam deduxit. Ecquis hic
 hominum sensus, quæ cogitationes, quæ
 dicta, quis rumor populi, qui bestiis lon-
 gè fuit hebetior. Varius utique concursus
 hominum ad coepram erat fabricam, va-
 rii spectantium motus & sermones, prom-
 ptum semper paratumque admirantibus
 à Noemo redditum responsum. Verosi-
 mile est, Mathusalem & Lamechum ne-
 potis & filii fervens studium adjuvisse plu-
 rimum: sed nec filios huic operi defuisse
 sic institutos à parente, ut non tantum
 suæ, sed & alienæ salutis curam agerent.

Hic expendamus, quam molestum fue-
 rit hoc officium, omnibus exosum se red-
 dere, in offensionem omnium incurrere.
 Neque enim sicuti Jonas, tergiversatus est
 Noemus

Noëmus id muneris obire, etsi convitiis, cachinnis & sibilis omnium notaretur. Non dubitem, quin occentatum illi fuerit, quod Isaia vati: Manda, remanda, expecta, reexpecta, modicum hâc, modicum ibi *a*. Nam istud pravi homines illi ad perfectæ cumulataque nequitiae consummationem habebant, omnia deridere, monita cavillis eludere, objurgationes & minas joco digerere. Hominū genus pessimum nullis facilè monitis aut consiliis juvandum; quo magis monentur, crebrius instruuntur, eò plus rident. Væ vobis, qui ridetis nunc, quia lugebitis & flebitis *b*.

Ab illusoribus istis Noëmus creditur appellatus Prometheus, qui vulturem pectore pascebat, uti vetustissima Græcorum fabulæ docent, ob ignem è cælo subreptum Jovi, in pœnam vinculis affixum Caucaaso. Hæc fabula cudebatur in Noëmum, cui jugiter irrisores occinebant: O filicernium? ô mi capularis senex, vulturem alis pectore, superfluas coquis curas, quæ cor tuum exedunt? ignem videris è cælo furatus, ideò nunc aquam minitaris affundendam. Hæc diæteria in Noëmum jacta post diluvium à filiis narrata, fabulæ ajunt ansam dedisse, dictumque Prometheum Caucaaso alligatum, quod Noëmus ad Caucaasi radices perdius & pernox hærens, arcæ fabricam elaborarit. Nihil est dubii, quin cavillatio dicacissima Noëmo fuerit deglutienda. Si sarcasms & sibilis necare potuissent senē optimum, non illius

canis

canis pepercissent. Oleum & operam perdidit Noëmus; æthiopes illos frustra lavit, incassum monuit irrisores, nemo, ne quidem unicus ad frugem se correxit. Visus est eis quasi ludens loqui a.

a Gen. c. 19. v. 14.

§. VI.

Et quid hodieque tot concionibus ac cohortationibus promovetur? Nihil admodum, cum tamen huc aliunde plurima accedant auxilia, Sacramentorum usus, sanctorum hominum exempla, doctrina, vita, & mors Christi. Hæc variè inculcantur, concionum satis est, clamoris & exhortationum satis; quid inde proficitur? quæ vitia corriguntur? qui abusus tollantur? quæ virtutes inferuntur? quæ demum sequitur emendatio? Aut exigua, aut rectius nulla. Sunt qui cantent, at verò, non sunt qui saltent. Poterunt olim Ecclesiastæ dicere: Cantavimus vobis tibiis, & non saltastis; lamentavimus, & non plorastis a. Culturam frustra solo tam sterili adhibuimus. Sed ubi serius non est proficiendi animus, quid mirum, si nullus subsequatur profectus? Sunt non pauci, qui conciones audiant, sed in iis parum attendant, fabulentur, garriant, dormiant, ab auribus ad animum nihil transmittant. Sunt, qui quidem attendant, sed dictorum nihil ad actionem referant. Plurimi sunt, qui divina nec quidem audiant. Dicite, Christiani, quis obsecro, Magnatibus præsertim, verum sine velo & ex ani-

mi

mi sui sententia ausit sub oculos ponere, nisi solus concionator? quem audire si nolit, actum est, o cives, perdidimus veritatem. Christi voces ad Pilatum non ignoramus: Ego in hoc natus sum, & ad hoc veni in mundum, ut testimonium perhibeam veritati: omnis, qui est ex veritate, vocem meam audit *a*. Sunt tamen plurimi, qui nec Christi, nec eorum quos Christus mittit, vocem audiunt, concionibus nullis, aut sanè paucissimis interfunt, unicam hebdomadis horulam Deo divinisque dare renuunt. Neglectus, aut contemptus manifestissimus audiendæ veritatis.

Id quod quemvis in maximè impellat ad audiendas conciones, istud est. Quorundam vitiorum à nemine unquam mone-mur nisi à concionatoribus, hos audire nolle, est admonitiones salubres respuere: ita mali & pertinacis incepti studia pessimè perpetuamus; & hic quidem inolita consuetudine ducitur, iste familiaribus vitiis trahitur, iste assuetis voluptatibus inescatus mergitur; ita monitoribus reje-ctis perginus, dum in mortis vicinia si-mus. Hic jam templis ceram, oleum, tabu-las, vestes sacras vovemus, largissimam stipem promittimus, omnium divorum ge-nua inceramus: Nimirum, cum occideret eos, quærebant eum, & revertebantur *b*. Non damnat Deus pia vota, sed cuperet maturiora. Et memineris, mi Christiane, quàm æquo jure Deus non auditus non diat!

diat! Monitores ad te missos rejicebas, concionatores tibi destinatos non audiebas, tuus ipse tibi & discipulus & magister, sed una & seductor eras, salutis documenta constanter negligebas, quid iniquè fers, si tibi fiat quod faciebas: pari redditur, monitorum contemptor aquissimè eo, quo deliquit, modo puni-
tur. Serum est in undis luctantem, & pæ-
nè jam haustum suppetias clamare.

Sed dices: Quæ in concionibus dici solent, jam decies, jam vicies, jam centies audiui, ea jam antè scio, & forsan facundius, quàm concionator, eloqui possem. O virorum optime, sed plus equo nasute. Anna am Senecam tibi huc sisto, qui eruditè, sapienter, & Christianè, In duas, inquit, partes virtus dividitur, in contemplationem veri, & actionem contemplationem institutio trahit, actionem admonitio. Ita primum à scholis & praeceptoribus, alterum à templis & concionatoribus habemus. Sed addit Annæus: Virtutem & exercet & ostendit recta actio, acturo autè si prodest, qui suadet, & qui monet, proderit. Ergo si recta actio virtuti necessaria est, rectas autem actiones admonitio demonstrat, & admonitio necessaria. Duæ res plurimum roboris animo dant, fides veri & fiducia, utramque admonitio facit a.

Imperitissimus quorundam error est, conciones eo nomine non magni faciendas, quod tanti eas faciant Catholicorum
ad-

adversarii. Fatua prorsus ratiocinatio, perinde si continuo malum sit, quidquid adversæ parti probatur. Ergo & Christum colere desinemus, quod cum pars colat adversa. Sed geminum hic documentum nectamus.

I. *Monita ne sperne.* Variè Deus nos monet per Angelos, Prophetas, Apostolos, Concionatores: monet verbis, exemplis, minis, suppliciis, per suam quemque conscientiam monet. Monita ne sperne. Notemus, quod sui muneris est, exequitur, fidelissimus admonitor, quisquis parentem non vult, peribit inter turbas; iam versa est clepsydra, ad finem properat: parendum est aut pereundum: Monita ne sperne. Quisquis monitoribus asper est, plerumque nec frugi, nec homo bonus est.

II. *Conciones frequenta.* Luculentum Christi oraculum est: Qui ex Deo est, verba Dei audit, propterea vos non auditis, quia ex Deo non estis *a*. Beati, qui audiunt verbum Dei, & custodiunt illud *b*. Ne quaeso, somnia, Christiane, nullis te legibus ad audiendas conciones adigi Deus jubet, natum, & ratio præcipiunt. Naturalis & divini juris est, Verbo Dei, Oratoribus Evangelicis parientem accommodare aurem. E Christianis homo sapiens, Ego, ajebat, toto orbe tres viros quæro, quos nuspiam reperio. Primus, qui verè sollers, industrius, & diligens sit, victu tamen necessario careat. Multos reperias sua culpa, egentes & miseros, quos

ad

ad mendicitatem detrudit socordia. Alter est, quem quaero, & non invenio, qui abstinentia, moderatis jejuniis, inedia, valetudini obfuerit : eorum qui valetudinem, insuper & vitam vorando aut potando perdidierint, innumeros est invenire. Sed nec tertium, inquiebat, uspiam locorum indagare licet, qui conciones, cum eas audire possit, negligere soleat. homo tamen frugi sit, & moribus integris: maximus illorum numerus est, qui conciones audiendas subterfugiant, sed intus & in cute nequam sint. Res certa & ad amissum examinata : nec homini verè sedulo victus, nec prudenter abstinenti valetudo, nec obsequenter audienti virtus deest. Qui verò præcones Evangelii, & conciones fugiunt, camelis & similibus non absimiles sunt. Cameli, quum transeunt aut bibituri sunt aquam, turbant, ne deformitatem gibbi sui videant. Simia, cum corpus pilosum, minimè glabrum, cum turpem vultum cernunt, speculum confringunt, & ita turpitudinis suæ indicem defugiunt: haud aliter illi concionem fugitantes, navos suos objurgari graviter ferunt, suos defectus nosse nolunt, mone-ri & ad meliora impelli respuunt, sed illi alias culpæ causas prætexunt, ideo conciones sacras refugiunt, homines plerumque sui cerebri sine Deo, & sine lege, seipsos docent & decipiunt. Deus audiri se prius vult, tum demum suis jussibus obediri. Beati qui audiunt verbum Dei, & custodiunt illud.

C A P U T VII.

*Nemo Deus distat Arcam, & de Arca
amplitudine.*

TRIA admodum sunt memoratu dignissima, quæ Deus olim non tantum fieri præcepit, sed ordine ipse velut Architectus dictavit singula. Primum erat tabernaculum, quod Moyses instruxit: alterum erat templum, quod Salomon edificavit: tertium arca, quam fabricavit Noëmus, sed hæc illis magis admiranda quinque partibus. 1. Mirabills hæc fabrica, annis centum operas tenuit. 2. Magnitudine & habitationum multiplici varietate tabernaculum longè superavit arca. In aquis certè ab omni ævo nil visum tale. 3. Totum conclusit orbem arca Noëtica: siquidem octo homines orbis futuri erant principium. 4. In arca tale fuit ornithotrophium, tale vivarium, qualia nemo Regum aut Imperatorum habuit; in aviario omne genus volucrum, in vivario omne genus animantium, cicurum & ferarum pascebatur. Neque hoc obstupescendum navigium humanâ solum arte confectum, sed Numinis potentiâ, & Angelorum tutelâ atque operâ. 5. Tot mysteriorum arca parens fuit, quot vix simul in aliis reperienda.

Hoc igitur capite percensendum, quo tempore, quoque modo supremus Architectus Deus, Noëmus velut fabro lignario ingens hoc opus dictarit, quam longitudinem, quam porro latitudinem, quam de-
aque

rique totius operis esse voluerit amplitudinem, explicatè trademus.

§. I.

Anno ab orbe condito Millesimo quingentesimo trigesimo septimo denuntiavit Deus Noëmo, decretum esse post annos centum & viginti, omnem gentem humanam suffocare aquis. Atque hoc Deus Noëmo patefecit, anno, quo diximus, ab ipsis mundi incunabulis millesimo quingentesimo trigesimo septimo, cum Noëmus annum ageret quadringentesimum octogesimum primum. Anno autem ab orbis natali die millesimo quingentesimo septimo, cum Noëmus annum ageret quingentesimum primum, Deus illi arcæ fabricam dictans, Fac tibi, aiebat, arcam de lignis lævigatis. Hic sanè plurimum mirari subit, cur Deus modum hunc servandæ gentis humanæ operosissimum elegerit, cum divinæ potentia facillimum fuerit, & genus hominum restaurare, & Noëmum servare modis aliis quàm plurimis. Quid opus labore tanto, tam diuturno, quod fieri nisu multo faciliore poterat? Mirari hæc licet, sed aliud sentire vel loqui non licet, quàm ita divinæ bonitati placuisse, sic Deo visum. Hinc illa iussio: Fac tibi arcam.

Hæc Chrysostomus facundè ac sapienter expendens, Ne obiter, inquit, hæc præterieris dilecte. Cogita quantum pepererit iusto curarum tumultum, cogitanti apud se quantam hæc omnia curam exigent, non enim ei sufficiebat cura mulieris, &

puerorum, & nuruum, sed & sollicitudo tot brutorum & educatio annectebatur. Ita incumbere ei præter curam uxoris, filiorum, & totius familiae, ædificium insuper tam laboriosum, tamq; diuturnum. ipse manum admoveere, fabrum lignariū agere, tot animalia in unum cogere, annuum eis pabulum inferre, sibi suisque comeatum pro anno solido providere debuit, non immerito res infiniti laboris visa: hærebat utique quid primo quid posteriore loco ageret, unde potissimum tanti moliminis initium duceret, interim urgebat iussum: Fac tibi arcā de lignis lavigatis: mansuinculas in arcā facies, & bitumine lines intrinsecus & extrinsecus. Et sic facies eam: Trecentorum cubitorum erit longitudo arcæ, quinquaginta cubitorum latitudo, & triginta cubitorum altitudo illius. Hic quæstio ferè mechanica nascitur, an cubiti naturales communes, an verò fuerint Geometrici. Communis & naturalis cubitus sesquipedalis est; Geometricus verò novem pedum, sive sex communium cubitorum. Certantes hinc opiniones aperiam. Et quæstote, mi Lector, tuā veniā de re mechanica Architectonicā loquamur mechanicè architectonicè; scaphā appellemus scapham.

Origenes ad positam quæstionem asserit fuisse cubitos Geometricos, ita ut cubitus unus pedes novem, aut communes sex cubitos continuerit, qualis apud Aegyptios esse solet Geometricus. Nec de-

sunt

unctiones. 1. Origenes istud non sine auctoritate asserens. Quæ, inquit, à prudentibus viris, & Hebraicarum traditionum gnaris, atque veteribus magistris didicimus, ad auditorum notitiam deferemus. Quid autem nostri avi opifices priscis illis oblucentur, è quibus hæc Origenes hausit? 2. Moyſes, Geneseos scriptor, apud Ægyptios natus, educatus, in Geometriâ Ægyptiâ probè institutus, de hac absque dubio locutus est. Quis Suevorum in Sueviâ, cum ulnarum est mentio, de ulnâ Gallicâ, vel Belgicâ, vel Hispanicâ loquitur? 3. Origenis sententia optimis probata est Auctoribus, cum primis Augustino, qui objectionem de arcæ magnitudine calumniam ineptissimam vocat, & arcam urbi magnæ comparat. Ab Origene & Augustino stant Isidorus, Clarius, Thomas Cajetanus, è recentioribus Martinus Delrius & Benedictus Fernandus Lusitanus. 4. Noëmus cum omni familia, & tot aliis mercenariis operis vix centum annis integris arcæ fabricam elaboravit. Hinc colligere est, eam incredibilis & maximæ molis fuisse: & quidem si ad ulnas dimensionem hanc revocemus, longitudo ulnas nongentas, latitudo centum quinquaginta, altitudo habuisset nonaginta.

§. II.

Vnam Origeni, mi Lector, dediſſi aurem; alteram, non dubitem, servaſſi aliter sentientibus, quorum rationes non leviter

difflanda. 1. Moyſes de tam longo Geometrico cubito nuſquam alibi locutus eſt, ergo nec iſto loco. Verofiſmillimum, hic eum omnia iis metiri cubitis, quibus altare, tabernaculum, aliaque talia menſus eſt: ſed in iis omnibus dimetiendis communitebatur cubito, alioqui ſcalis ad altare aſcendendum fuiſſet; ergo hunc communem cubitum in huius etiam fabricæ menſura uſurpavit. 2. Architec̃ti noſtri ſedulo interrogati de cubito tam extenſo, nil habent dicere; monſtrum illis & ſigmentum eſt cubitus tam longus. 3. Si quidem ſententia Origenis cenſenda ſit vera, proſecto arca duo millia & ſeptingentos pedes fuiſſet longa, quadringentos quinquaginta lata, & alta ducentos ſeptuaginta, prodigium navigii, quod fidem excedat. Si autem fabricæ huius menſuram ad communem cubitum exigamus, longitudinem deprehendemus pedũ quadringentorum quinquaginta, latitudinem ſeptuaginta quinque, altitudinem quadraginta quinque, qua quidem ratione totum interius ſpatium & capacitas arcæ quadringenta quinquaginta millia cubitorum complexa eſt. Qua in re proportionem Architec̃tus ſervavit iſtam: Decies erat arca longior, quàm altior *a*. Eadem ſexies longior, quàm latior. Hæc humani corporis bene conformati proportio eſt: illud enim decies longius, quàm à pectore ad tergum penetrando profundum, & ſexies longius quàm

a Nam decies 30. faciunt 300.

quàm latum ab extrema parte lateris ad alteram.

Sed quando inter ipsos pedes Architectonicos est discrimen, nam Toletanus, Parisinus, Syriacus, Hebraeus, aliiq; differunt; nos ad pedem Hebraeum exigemus singula. In fundamentum statuimus, communem cubitum, omnium ore, sesquipedem esse Hebraeum. Atque ad istum cubitum hujus fabricæ dimensionem omnem explicabimus. Enimverò ut ipsis etiam oculis ædificium hoc ligneum subjiciamus, utemur comparatione. Templum Monacense sancto Michaeli Archangelo inscriptum, cui vix simile Germania monstrabit, in paradigma statuimus. Spatia hujus templi quanta licuit diligentia & accuratione dimensus sum ex omni parte. Et longitudo quidem centum quinquaginta cubitorum est; si alterum tantum addamus, & templum duplo longius esse dicamus, compertissimam arcæ longitudinem, videlicet trecentos cubitos habebimus. Latitudo ejusdem templi, quàm latissimum est, quinquaginta septem cubitis: arca vero quinquaginta solum cubitos lata fuit. Templi altitudo, unus, & quinquaginta cubitis: arca verò triginta tantum cubitis alta fuit, quam altitudinem Collegium Monacense Societatis I E S U ab imo solo ad usque tectum ostendit.

Quod si opinionem Origenis probeamus, præfidenter asserendum erit Noeticam arcam Monacensi templo duodecies longiorem, latiore quinquies, ter &

femis altiore fuisse. Cras credam, hodie non; credat hoc, qui volet. Accedit, quod Origenes arcae formam descripserit prorsus ineptam, vix ulli facile probandam. Non miremur aliquam multos Origenis errores ab Ecclesia damnatos. Arca igitur longa pedes (non cubitos) Hebræos quadringentos quinquaginta, lata pedes septuaginta quinque, alta pedes quadraginta quinque cubitorum, quos vocant cubitos, quadringenta quinquaginta millia est complexa. Habemus dimensionem arcae, Nunc porro arcam ipsam ingrediamur, & singula ejus domicilia ab imo lustremus.

Habuit arca partes omnino quinque. Prima pars illius infima omnium fuit sentina, quatuor, cubitos seu sex pedes Hebræos alta. Hic saburra ad arcam libramentum & fimetum erat; nam eò per laxiores ligneos canales stercora sordesque animalium potuerunt dejici. Putat Delrius, has fornicas ita dispositas, ut omnis generis sordes in aquas potuerint emitti, & quis non admittis. Quid si finis sursum attractus, & per unam illam communem fenestram, de qua locuturi, ejectus? Hæc igitur arcae pars prima; primus & infimus locus tabulato tectus.

Pars secunda & proximus priori locus erat contignatio prima, seu primum cancellum, decem cubitis altum, habitatio animalium trecenta ferè stabula, prout Deus jussierat, Mansiunculas in ea facies. Hic omnia animalia, terrestria, reptilia, & gradientia. Hæ stabulationes asseri-

bus distinctæ , mediæ illarum viæ.

Pars arcæ tertia , contignatio secunda, five secundum cœnaculum octo cubitis altum. Hic penarium & universi pabuli conditorium. Hic straminis & fœni plurimum. Hic semina, hordeum, avena, frondes, legumina, hic fructus omnigeni, molles & duri. Hic complura dolia dulcis aquæ plena, porioni , lotioni destinata. In locis vacuis rustica & urbana suppellex post diluvium usurpanda. Ex hoc loco tubi & foramina laxiora in pecoris mandras derivata, ad fœnum , stramen, pabulum submittendum.

Pars arcæ quarta , seu tertia contignatio , cœnaculum tertium octo cubitis altum, in tres classes divisum, hominibus & avibus assignatum , classem mediam homines occuparunt , extremas duas volucres tam feræ quàm cœvres habitarunt, media classis sua habuit cubicula virorum separatim ac mulierum. Hic etiam culina & focus, hic trusatiles molæ ac clibanus, hic lignorum ac carbonum, & quæ necessaria vitæ, receptaculum. Huc lumen obliquum & suspensum per arcæ fenestram immittebatur. In alia habitacula accensis cereis eundum; aut si plures una fenestræ (quod Auctoris ferè dubium) potuit in totam contignationem hanc duasque cæteras immitti lumen. Credibile , fenestram è lapide speculari factam. Multæ scalæ ascensui & descensui, foramina multa tam ad deferendum commeatum, quàm ad sordes efferendas.

Pars arcæ quinta, Tectum illius tam modicè declive, ut in medio non altius uno cubito fuerit. Quod Noëmo Deus singulariter præcipiens, In cubito, aiebat, consummabis summitem ejus. *a.* Id ideo factum, ut & ventis resistere, & nimbos posset effundere. Hæc omnia divino jussu & consilio sunt perfecta. Hanc enim partium divisionem Deus clarissimè præscribens. Deorsum, inquit, canacula & tristega facies in ea *b.* Quod Hebræi sic efferrunt: Inferiora, & secunda, & tertia facies eam. Voluit ergo Deus tres esse contiguationes in arca. Infimam, uti Hieronymus interpretatur, vocat deorsum, mediam canacula, supremam seu tertiam appellat tristega.

Multa hic prorsus admiranda: ipsa maximè compages arcæ, multitudo trabium & magnitudo, omniumque inter se partium firmissima connexio. Hanc autem obstupescendam fabricam appellari Deus voluit non navim, sed arcam, nam arcæ aut feretro longè similior erat, quam navigio. Asseres non curvati, sed directi; supra infraque clausa omnia, nam ex omni parte inpetebatur pluviis, saltem per illos quadraginta dies; arte regebatur, non humana ut navis, sed divina. Arca Varro ni quòd fures arceat, hæc aquas. Deinde hic totus velut arca inclusus tam diu natabat orbis.

a Gen. c. 6. v. 16. b Ibid.

§. III.

Hoc loco accuratius observandum, arcae compaginem adeò minutim & membra-
tim esse dictatam à Deo, perinde si ipse
nullam habiturus esset illius curam, quàm
tamen habuit providentissimè, Nihilomi-
nùs omnia Noemi curæ videbantur trans-
scripta: quidquid enim adversus aquarum
vim repellendam, ad sustentationem vitæ
spectabat, curis Noemi mandabatur, spe-
ciatim illud: Bitumine linies intrinsecus
& extrinsecus ^a. Bitumine, non pice. Bitu-
men Syriacum censebatur optimum, tena-
cissimum. Omnes ergo parietes totumque
opus intus oblitum, ut si quid exterius
aquæ vis abraderet, interior firmitas re-
sisteret. Dein foetorem animalium, in lo-
co concluso ceteroquin intolerabilem,
bituminis & cedrorum odor dispellebat.
Sed & istam habuit utilitatem hic bitu-
minis illitus, ne fabrica, priusquam sui fi-
nem attingeret, vitium faceret, ruinam
minaretur, aut vermes cariemq; reciperet.

Opinatur Joannes Buteo, in supremo
tabulato ad renovandam aëram, erecta
utrimque spiracula velut caninos, sub ar-
cae tectum pertingentes, eo artificio, ut
aquarum nihil admitteretur. Prætereà Noe-
mo sic erant disponenda omnia, ut in neu-
tram partem nimium arca vergeret, sed
æquilibrio ferretur.

Ergo mandata Numinis ad præscriptam
formam exhaustiendi erant exactissimè,
signi-

Siquidem nemo unus erat, qui minis crederet, monitis pareret, vitiis emergeret. Frustrà exhortationes, frustrà fatidicum arca spectaculum, jam pridem luxu & deliciis submersi nil audiunt, nil admittunt sani consilii, dies noctesque pergracari & libidinari unum omnium erat negotium. Heu statum orbis miserrimum! Sed hic geminum pro more documentum neſtimus.

Primum: *Delicitas abdica*. Felices & quieti dies, otium voluptati junctum, certum hominis exitium: lasciviens felicitas morbus est panè immedicabilis. Pauli Tarsensis dicto: Quæ in deliciis est, vivens mortua est *a*. Ejuscemodi mortuis concionari difficile; nil audiunt. Apud hos nec Noë, nec Isaias, nec Ezechiel, nec Hieremias, nec Oſeas, sed nec Petrus, nec Paulus quidquam proficiunt. Petrus quidem contentissimè concionatus, Hi vero, inquit, veluti irrationabilia pecora, naturaliter in captionem & perniciem, in his, quæ ignorant, blasphemantes, in corruptione sua peribunt, percipientes mercedem injustitiæ, voluptatem existimantes diei delicias coinquinationis & maculæ, deliciis affluentes, in conviviis suis luxuriantes, oculos habentes plenos adulterii & incessabilis delicti, pellicientes animas instabiles, cor exercitatum avaritia habentes, maledictionis filii derelinquentes rectam viam erraverunt *b*.

Nil

a 1. ad Tim. c. 5. v. 6.

b 2. Pet. c. 2. v. 12. & seqq.

Nil horum audiunt, mortui sunt, & arcam & Noëmun flocci faciunt; deliciis suffocati sunt. Ergo delicias abdica, & fac tibi arcam. Deliciæ corrumpunt & perdunt. Arca operosa defendit ab interitu. Quæso te, mi Christiane, ne quietem otiosam & suaves vitæ periodos hic cogites. Nondum domi, nondum es in patria. In calo quies est numquam turbanda, super astra veræ sunt deliciæ. Hic inter ventos & fluctus, inter procellas & tempestates eluctandum: ne trepida, neve animum demitte, Medius undarum fluctuat Noëmus, sed ita servatur, aliter periturus. Ad portum non nisi per fluctus tenditur, ad cælum non nisi per adversa pervenitur.

Alterum documentum: *Dei protectionem implora.* Cum Psalte hilaris canta: Qui habitat in adjutorio Altissimi, in protectione Dei cæli commorabitur a. Expende tecum, obsecro, qui Deus impiorum gaudia turbarit. Eluvione finivit nefarios lusus. Interim suos idem optimus Deus in ligneum carcerem conclusos, in orbis interitu servavit incolumes; cista eos robustissima velut sacra pignora custodivit. Quisquis supremum hunc protectorem agnoscit suum, seque illi quàm integerrimè committit, salvo animo indenariis & securus agit: ruat cæsum, non ferient, illum ruinæ, in adjutorio Altissimi habitat, in protectione Dei cæli commoratur; liber est & tutus. Fecit sibi arcam,

Deo

Deo se tradidit penitissimè. Dixit Domino, Susceptor meus es tu, refugium meum, fortitudo mea, firmamentum meum, liberator meus, protector meus, misericordia mea, virtus mea, Deus meus sperabo in te *a*. Idcirco Dominus cum ipso est in tribulatione, exaudiet eum, proteget eum, liberabit eum, eripiet eum, glorificabit eum, longitudine dierum replebit eum, & ostendet illi salutare suum, quoniam in Domino speravit.

a Tsal. 17. v. 3. & tot alijs Psalmis.

C A P U T VIII.

Noemus adificat Arcam.

PLUVIA, si naturam ejus spectemus, humectat terram & fecundat: est tamen alicubi solum, quod pluviis infusum siccus fiat & durius. In Narniensi agro, teste Plinio, tellus siccatur imbribus, aestu humescit *a*. Admonitiones, hortamenta, conciones eò sunt, ut is qui monetur, mitior fiat ac tractabilior. Verùm sicut subinde pluviis, ita sæpè monitis non respondet, qui sperabatur effectus. Non rarò asperi ingenii homo commonitionibus deterior redditur & obstinatio, quemadmodum immitis & degener tellus magis magisque indurescit imbribus.

Noemus eos habuit auditores, qui quanto plus monebantur, plus ridebant & jocabantur, tanto contumaciores, quanto

cre-

a Plinius l. 31. Natur. histor. c. 4. initio, m. si pag. 667.

crebrius admoniti. Decretum igitur suum Deus exequi coactus, non solum dictavit arcam fabricari, sed & expeditas manus admoventi iussit fabricæ illi horrendæ. Itaque Noemus operis initium fecit, & industriâ fabrili ligna cœpit construere, ut vel ipso ædificii aspectu tabulis terrerentur, & ad poenitentiam emollierentur impii. Quo autem loco Noemus ædificare cœperit, quo tempore, qua materia, num solus, an cum filiis & operis mercenariis, & quomodo denique omnia Dei iussa exhausserit, jam explicabimus.

§. I.

Sicut Deus in minutis partibus ad arcam spectantibus dictandis admirabilem ostendit providentiâ, ita Noemus in exequendis iussibus divinis insignem exhibuit obedientiam. Quam providus Deus in iubendo, tam promptus Noe in exequendo. Quod divina pagina testatur: Fecit igitur Noe omnia, quæ præceperat illi Deus *a*. Idque in confirmatione repetitur: Fecit Noe omnia, quæ mandaverat ei Dominus *b*. Idque spe singulari, eximia fide, charitate maxima, nec vovula, nec apice, nec litterula omiſſa, nec solum fecit omnia, sed eo etiâ prorsus modo, quo illi fuerat imperatum, & in eo quidē opere, in quo sexcenta tædia tempore tam prolixo facili obrepserint. Quod cœpit, finiit, mille molestias devoravit, laborem centum-

a Gen. c. 6. v. 22.

b Gen. c. 5. v. 5.

tum annorum constantissimè perfectum. Satis ei erat, Deum ita velle; Voluntas Dei suavia illi fecit omnia.

Quod ad locum attinet, quo arca fabrica surrexit, paginae divinae nihil asserunt. Conjectura est pronissima, ad Caucasum montem, qui in Indiam porrigitur, hoc opus elaboratum, ubi facilius & ex monte & per aquas haberi ligna poterunt. Huc profecto fabula Prometheus spectat, qui Noëmum jugi labore Caucasum alligatum priscis representabat. Hoc certum satis videtur, arcam extra urbem in planitie ubi tandem locorum in oculis omnium ædificatam, ut sic assidue monerentur resipiscentiæ, & vel serò dicerent: Dies annique transeunt, surgit opus, fatale tempus imminet, agamus poenitentiam. Quis umquam vidit ipsam concionari cathedram? Hic factum, ut Rupertus loquitur; prædicante ipsis publica arcae fabricatura. Ita Noëmus monitis & exemplis, ipso silentio, ipsa cathedra sua, & arcae incremento concionatus est.

Quod ad fabricæ tempus spectat, Origenes, Augustinus, Gregorius, alii centum annis elaboratum hoc opus asserunt. Nil Deus, quàm assiduus, quamque diuturnus labor! Sexcenties illum fastidire ac nauseare, sexcenties in perficiendo desperare, quid adeo fuisset miri? Plurimi alii in hanc operam conducti liberè dixissent: Malo mori, & horulam tristiores unam subire, quàm tamdiu, annorum serie

tam prolixâ , tantis laboribus exerceri, convivii omnium & calumniis peti. Cur ego solus sum eximius & singularis , cur excipi velim numero, & conditione esse præcipua ? si quid omnibus & universis imminet mali, me quoque feriat. Quantum hic Noëmus, quàm erectus , iagens, quàm excelsus laborem tot annorum conductitium admittit, operam infinitam in se recipit, quod Deus verbulo, quod nutu in Angelorum aliquem transferre potuisset. An Noëmus Deum absurdè rogasset, hunc in modum : mi Domine, quid me meamque familiam fatigare vis frustra ? Tot tibi millia sunt Angelorum, præne dixerim, otiosorum, quorum unus hæc omnia mihi præcepta confecerit celerrimè. Quid opus huic structura tot annos, valetudinem, vitam impendere ? Nihil horum opposuit expeditissimo Noëmi obedientia. Nos sapius ante laborem fessi, non annos tantum numeramus, sed dies & præne horas, uti queruli vinitores illi, Nos, aiebant, portavimus pondus diei & astus a. Nos excepimus solis jacula, nos sudavimus, nos perseveravimus in vineâ. Ita servorum plurimi, Huic domino, inquit, tot annis servimus fidelissimè, vix tenne ac præparatum ad nos salarium reddit, nihil præmii, nihil amplioris gratiæ sperandum, sed nec æstimatio ulla est obsequiorum. Sed dic tu, obsecro, quisquis hæc quereris, cui serviisti ? Huic domino soli, nonne ? quandoquidem à solo remunerationem expectas.

Hic

Hic ego ingratum durumque animura
tui domini non laudo, sed hac tibi meri-
tissimo contingere, ajo; hac poena te di-
gna est qui Deum non cogitabas, sed hu-
manis solum oculis placere affectabas, so-
lius domini tui favores ambiebas: en-
mercedem, quam quarebas. Hac tibi,
inque similibus jure sunt æquissimo.
Hoc illis pramium debetur, qui divinis
favoribus neglectis, tam studiosè ambiunt
humanos. Noëmus centum annorum o-
peram, promptus, paratus suscipit, quia
soli placere Deo quasivit. Cum igitur
sumpti laboris tedium obrepit, cum fati-
gatio deiecit, in oculis sit annorum cente-
norum labor Noëmi, cui perpetuando
pane adamantina opus erat patientia.

III. Materia porro fabricæ diversi
generis fuisse ligna, cum alia aliis partibus
sint commodiora. Nimirum tecto, parie-
tibus, scalis, pavimento, aliud præ alio li-
gni genus magis conveniebat. Multi cum
Paraphrasæ Chaldaeo existimant arcam
parte maxima è cedro factam. Durat hæc
cedri materiatio in aquis, levitate præ-
stat, supernatando excellit, cariem nescit.

Magnam cedrorum copiam gignit Sy-
ria, nec arbor ulla ferè melior ad asseres
proceros. In Cypro succisa cedrus ad De-
metrii regis navigium, pedes triginta &
centum longa, ad trium hominum com-
plezum crassa fuit. In divinis voluminibus
cedrorum proceritas laudatissima; altiora
quæque cedro conferuntur, De profectu
virtutem amantium Hebraus Psaltes, lu-

stus, ait, ut palma florebit, sicut cedrus Libani multiplicabitur ^a, ad meliora jugiter succrescendo. Ita cedrus ad arcam struendam commodior visa, quia firma, levis, odorifera. Qui pineam aut abiegnam arca materiam affirmant, facilius hæc, putem, asserunt, quàm probant.

^a *Psal.* 91. v. 13.

§. II.

Sed hic quæstio sit, an solus cum filiis Noëmus tantam machinam confecerit, an socios opifices adhibuerit. Equidem centenis annis ab industriis quatuor viris maximæ molis machinas exasciari potest. Credibile tamen, plures mercede conductas operas in arca condenda laborasse. Perinde ut impius miles, vel ducem sequeretur diabolus, modò is castrense peculium numeraret: ita illi fabri lignarii homines improbi, tametsi minaciis divinis nihil tribuerent, & suos ipsi labores irriderent, tamen lucri gratia & mercede adducti auxiliares manus præbebant. Quod si complures in opere illo defuderunt, facile conjectare est, quàm prodigiosum opus annis centenis possit confici.

Athenæus fide dignus scriptor memorat, ab Hierone Siciliae rege navigium incredibilis magnitudinis structum. Tantus ad id apparatus ex Æthna convectus, quantus sexaginta triremibus faciendis sufficeret. Fabri lignarii trecenti, præter alias subservientes operas, fuere. Habuit ea navis contignationes tres, remigum

migum ordines viginti. In eadem aquarium amplissimum, pice illitum dulcis aquæ plenum duo millia metretarum capiebat. Attica metreta, qualis hic, mensuras triginta sex nostrates continet. Universè igitur picatus hic aquæ carcer septuaginta duo millia mensurarum continebat. Hic insuper piscina laminis plumbeis operta, copiosissimo pisce frequentata. In eadem hac navi, tres mali, duodecim anchoræ, octo turres visabantur. Ad comæcatum spectantia hic erant decem millia salsamentorum dolia, oræ carniū viginta millia, aliarum sarcinarum totidem, mediorum frumenti sexaginta millia. Hic cum sacello domicilia plurima, hic stabula & exercendis equis circus. Hæc navis inventum Archimedis dicitur, quod Archimelus Poëta epigrammate celebravit, eoque modios tritici mille sibi peperit. Verbo, hæc structura potius *Vrbs ambulans*, quàm navis appellanda. Atqui unius anni spatio manus ei ultima fuit imposita. Quid igitur de arca dicendum, quam vix centum annorum industria ad umbilicum deduxit? Ne, quæso, sese Hieronis navigium cum Noëmi arca exæquet, fortassis illa majus fuerit, aliis tamen pluribus ea fuit inferius.

Quanta porro incredulitas eorum hominum & improbitas erat, non solum oculis spectare præsens opus, sed & manus ad id commodare, ut alii evadant, seipsos perditè negligere. Miratus id Augustinus. Arceæ fabricatores, inquit, præstitunt

fraterunt aliis, ut evaderent, non sibi. Proinde Paulus Noënum prædicans, Fide, inquit, Noë responso accepto de iis, quæ adhuc non videbantur, metuens aptavit arcam in salutem domus suæ, per quam damnavit mundum, & iustitiæ, quæ per fidem est, hæres est institutus *a*. Fecit Noë omnia quæ præceperat illi Deus, & eo etiam modo quo præceperat.

Cur autem Deus ad strictam adeò formulam, & perquisitè ad unguem facienda exigit? ita, ut si paullulum à præscriptâ forma exerremus, frustrà & perniciosè laboremus. Complures numerantur causæ.

a Iustitia hæres Noemus, de quo & Sibylla l. i. Inter eos omnes unus iustissimus, atque verax Noe fuit, fidusque & rebus honestis addictus.

§. III.

I. Ut debita in cunctis servetur ordinis connexio, quod in artibus & opificiis fieri videmus, cum alia aliis adjumentum subministrant. Typographum ingredi; hic cernes, qui formas æneas componat, illic qui sepiam typis illinat, istic qui prælum regat, si eorum unicus sit negligentior, chartæ sordidæ, mendosi libri, characteres & versus fugientes exciduntur. In Belgio pictores studiis nonnumquam pingunt partitis. Est qui solum pingat quidquid florum & frondium imago desiderat, alius vestes tantum, iste vultus, animantes ille penicillo exprimit; alter

alteri fert suppetias. Ita Deus nobiscum paciscitur: Fac tu quod in te est, & fac gnaviter, ego meis partibus non deero. Deus Hebræo populo annis quadraginta ideo dedit manna è nubibus, quando agricultura in vasta solitudine non poterant vacare; ut ubi Iordanem transmiserunt, subtraxit eis hanc alimoniam, tunc enim ferere poterant & metere. Iussi ergo sunt, quod suum erat facere. Ita Deus cum unoquoque nostrum paritur operas, monetque fideliter: Hoc mei muneris est, hoc mihi curandum linques; hoc autem tui est officii, hoc tu curas; tuas mete segetes, in alienas ne falcem mitte. Ita in Republica cavet Magistratus, ne quis alienis inhiat commodis, ne partes alterius præoccupet. Ad præscriptum autem nos laborare vult Deus, quoniam ipsius voluntas, omnis humanæ actionis regula est; curvum est, quidquid ab hac aberrat.

II. Causa, cur Deus tam exquisitè sibi velit servire, est, ut noverit homo pauperculus, quantum Deo debeat pro assidujs, quibus afficitur, beneficijs. Quantillum verò est omne id, quod humana præstat actio, si conferatur cum eo quod Deus actioni confert humanæ. Inspiciamus pomum Punicum, aut de vitæ botrum, quis grana componit, quis acinos jungit, quis colore tam nobili pingit, quis liquorè tam suavem infundit? si humana hoc efficiendum sit industria quanto tempore, quibus ad id instrumentis opus foret, & parum tamen efficeretur. Vult igitur Deus opt. ut
quis,

quis, quod potest, faciat, cetera divinę providentię commendet: quemadmodum filiolus in paternā domo de frumēti pretio sollicitus non est, parentis id curā relinquit. Vnicus sit parvuli labor, sollicitudo unica, exactissimē parentibus obedire.

III Causa, ut conciscat homo accuratē obsequi Deo, testeturque quā dictis quā factis illum esse Dominum omnium. Deus olim imperans Hēbræo Ionæ. Surge, ajebat, & vade in Niniven civitatem grandem & prädica in ea a. At vero bonus Ionas divina jussa suavissimę suo arbitrio interpretatus, navim conscendit, & torfit iter in Tharsis. Inde calum omne turbari, mare furere, naves atrocibus procellis concussæ, ea maxime, qua Ionas vehebatur, decumanis fluctibus impugnata, proximum minabatur interitum. Ionas missis sortibus velut Neptuno victima in aquas præcipitatus, & ab immuni ceto, in escam exceptus est. Triduum hoc vivo carcere latitavit miserē, sepultus antequam mortuus. Triduo elapso cetus bolum hunc indigestum, quem præcipitanter glurierat, removens, Ionam in littus ejecit. Deus iterum urgens, Vade, ajebat, in Niniven. O mi bone Deus! potuisti præcipere pisci, ut esset Ionæ triduo pro navi, eodem jussu, eadem prorsus potentia, eidem belluę imperaret licuisset, ut Ionam usque Niniven deveheret: quanto vir iste supersedisset labore? itineris, quod erat conficiendum, ingens habuisset

buisset compendium. At Deus in priore sententia perseverans, Vade, inquit, in Niniven. Pedibys hoc iter conficiat, & obedire discat. O mi Propheta, mi optime Jona! en mare tibi schola, condiscipuli nautæ, cetus magister: ita nimirum docendus eras ritè omnia ad præscriptum exequi, non ut Tharsis, sed ut Niniven ires imperabatur. Deus quæ mandat, ea exactissimè, ad unguem accuratissimè vult confici. Vbi negligitur, aut respuitur, aut minus studiosè perficitur imperium, ibi mox subit peccatum.

Dic enim verò, quid est peccatum? Voluntarius daemon, ait Chrysostomus, & spontanea infania. Si verbo respondendum huic quæstioni quid peccatum est? Dicimus: Transgressio. Liceat ulterius rogare: Quid est transgressio? Petulans ultra metam salus. Deus & ipsi mari metas ponens, Usque huc venies, inquit, & amplius non procedes *a*. Has metas pelagus, has creatæ res omnes obsequiis strictissimis observant. Nempe terminum posuisti eis, quem non transgredientur *b*. Homo rationis compos transilit & ridet. Vbi ratio? ubi obedienti? Quid Deo respondebis homo fatue? Quid hoc aliud quàm cum ratione furere? Salomonis effatum est: Sapiens declinat à malo & timet, stultus transilit & confidit *c*.

At dices: Nimis vehemens est appetentia, cohiberi sese non sinit; laxandæ sunt

a Job. c. 38. v. 11. *b* Psal. 103. v. 9.
c Prov. c. 24. v. 16.

sint aliquantulum genio habenæ. Quæso
 tibi mi homo, quid aquarum vortices,
 quid fluctuum impetus, nisi vehementis-
 simus appetitus egurgitandi se in terram?
 Et tamen continet se mare, & inconces-
 sos reprimit excursus. Tibi rationis fre-
 num, timoris retinaculum in manu est;
 nihilominus effundis te in vetitum, inque
 omnem carnis petulantiam. Cur non an-
 gustius freno uteris, cur habenas non ad-
 ducis? Promittit Isaias vicem Dei: Laude
 mea infrenabo te, ne intereas *a*. Frenum
 aureum est, laudis, reverentiæ, amoris
 in Deum: adduc habenas, & compe-
 prayas appetentias, ne transili metas. Ah,
 quoties positas transgredimur metas, fi-
 nes, terminos, quos Deus nobis fixit,
 transilimus, & non dolemus, in aliis sapi-
 mus, & acutum cernimus, hic talpæ su-
 mus, & dementia grandi laboramus. Ef-
 dras sacerdos hic erudit, qui panem non
 comedit, & aquam non bibit, lugebat
 enim transgressionem *b*.

IV. Causa. Vult Deus ad amussim,
 quam ille duxit, nos laborare, ut depri-
 mamur simul, & elevemur atque nobili-
 temur. Hæc duo sibimet opposita ad u-
 num tendunt finem. Nec mirum: Glo-
 riam præcedit humilitas *c*, ad submissio-
 nem plurimum facit, jugiter laboris ali-
 quid subire. Est labor noster defectibus
 tam plenus, ut modestiæ & submissioni
 augendæ maximè profit opus suum, præ-

G 5 fertim

a Isa. c. 48. v. 9. *b* 1. Esdr. c. 10. v. 6.

c Prov. c. 15. v. 33.

ferim ad præscriptam normam facien-
dum inspicere. Ad illud Christus nos
erudiens; Cum, inquit, feceritis omnia
quæ præscripta sunt vobis, dicite, Servi
inutiles sumus *a*. Imperito scribæ, qui
curvos pingit versus, nigræ lineæ subtus
chartam ponuntur traluentes, eique dici-
tur. Hos ductus sequere. Nempe disci-
pulis & artium tironibus leges defini-
mus, normam & regulam præscribimus.
Dum vivimus, in schola degimus, di-
scipuli sumus, Deus definit nobis, quid
faciamus, atque istud profecto maximo
nobis honori est; hoc unitatem nostram
insigniter nobi itat, quòd Deus formulam
rerum agendarum præbeat, homo labo-
rem adjungat. Hæc societatis proba est
conventio: suam partem dat Deus, dat
suam & homo: Deus normam & agendi
gratiam suppeditat, apponit homo indu-
striam, idque pro lucro communi & æ-
terno.

Deus Noëmo particulatim quid face-
ret, dictarat, perinde si diceret: Vir mi-
hi unicè charus, sed etiamnum tiro & di-
scipulus es, ideò ad præscriptum singula,
& prout jussero, fac. Fecit igitur Noë
omnia quæ præceperat illi Deus. Hic ge-
minum ad incepti rationem suggerimus
documentum.

I. *Deo labora*. Si tibi tuisque solum
commodis, si humanis tantum oculis la-
bores, frustra laboras, ventum seminas, &
turbinem metes; culmus stans non est in

co.

eo, germen non faciet farinam, quod etsi fecerit, alieni comedent eam *a*. Cum non laboratur Deo, saepe maximi laboris præmium meræ sunt ingratiæ. Merces æquissima laboribus tam variis. Deo igitur labora, cui non solum est dives arca, sed etiam exactissima scientia, quantum quisque laborarit, quantum promeritus sit. Labores nostros omnes præmium longissimè superabit. Ergo quidquid agas, Deo labora.

Industria vinces omnia. Certum; industria nihil inexpugnabile; perfrumpit hæc omnia mille arrium inventrix, in laboribus indefessa. Inspiciamus, obsecro, Noemum, cum caput, cum manus pedesque lassescunt, contemplemur laborem centum annorum assiduum, quàm grandis hic patientia, quàm insignis constantia inter tot calumnias & convitia eluxit! In mortis vicinia summo erit solatio, hanc auferre laudem: Fecit igitur omnia quæ præceperat ei Deus. Obedientiæ omnia sunt facilia. Vir obediens loquitur victorias *b*. Omnia sunt expugnabilia industria.

a Osea c. 8. v. 7. b Prov. c. 21. v. 28.

C A P V T IX.

Arca janua & fenestra à Noemio inserta.

ACCURATISSIME quidem omnia fabricandæ arcæ membra dictavit Deus præcipuè vero illi duo, Januam & Fenestrâ. Nam de primo sigillatim præcipiens,
Ostium

Ostium autem, inquit, pones ex latere. Hic Noëmus, ut superiori capite demonstratum, tironem se ac discipulum gere debuit, cui Magister ordine dicitur singula, & præscribit, non solum quid faciendum sit, sed etiam quomodo. In arca utique figenda fuit janua, ut ingressus ad eam pateret; utique & fenestra fuit aperienda, ne esset ex toto aut tenebricosus carcer, aut expers lucis sepulchrum. Quid opus hæc multis præcipere? Nihilominus præcepit ei Deus, peculiariter januam & fenestram patefaceret in arca, atque hoc ita præceptum est Noëmo, ut ne latum quidem unguem abiret à præscriptâ formula, non altiore, non depressiore, nec januam, nec fenestram faceret, sed nec alio loco, quàm quo præceptum esset. Serius est atque severus hic Ædilis, qui non vult, ut Noëmus adificator suus suoapte ingenio aut arbitrio quidquam faciat, sed prout ipsi faciendum monstratur. Quid autem hoc ostium & fenestra ista significatus & mysterii habuerit, hoc capite dicemus.

§. I.

Ostium habuit arca unicum, idque, quod volebat Deus, ex arcæ latere. Credibile prorsus, hoc ostium non in arcæ imo, sed ab imo pedes septenos & semis numerando, nempe uno ac dimidio pede altius sentinâ ita collocatum, ut catenis attrahi ac dimitti, sicut pons versatilis, potuerit, ita ut omnia animalia veluti per pontem

portem ascenderint. Eo modo ostium istud recta ad tertiam & infimam contiguationem pertingebat, ita quidem, ut pectus omne ingressu primo in suas statim mansiunculas & stabula deduci potuerit. Putatur hoc ostium quindecim pedes longum, septem aut octo latum fuisse, foris claudi, intus aperiri ad instar fenestræ potuisse.

Ita unica in arcam janua dabat ingressum. An unica tantum fuerit fenestra, incertum. Plurimorum opinio est, nec incelebris, plures fuisse. Cum autem pagina divina nullam ejus rei mentionem faciat, difficile est plures una statuere. Hinc autem sciri poterit, Deum structuræ hujus fuisse architectum, quando se noscendum exhibet è stylo suo. Omnes pæne artifices certis dignoscuntur sui artificii notis. Sic architectos non difficulter nôris ex ipso ædificandi modo: iste operosa, hic gracili, iste durabili structura; speciosè alius & ad pompam ædificat: ita pictores, iste leni penicillo, duriore alter, ille volante pingit; hic è proportionè ac symmetria, alius noscitur è coloribus; iste amœniores vultus, ille vestes, & omnes earum plicas pingit felicius, suo quisque stylo & pingendi modo animadvertitur: ita musici dignoscuntur, iste solum spectat artificium, sed minus probatur auribus, iste canit templis graviter & accommodatè verbis, hic suavitatem maximè sectatur; cantum alius pingit, flexiones & ornamenta cromatica præcipuè quarit.

suis

suis quisque modulis arguitur. Ita scri-
 bendi Latine ac loquendi stylus diversif-
 simus; hic lacinias laxæ, ampullatur ver-
 bis, & sesquipedales jactat voces, hic
 verò non longos logos, sed orationem
 adstrictè factam in usu habet: hic pictam
 amat & floridam dictionem; ille vulgari
 ac flaccida phrasi utitur, iste erigit sese &
 plebem non sapit, tersam alius & castiga-
 tam Latinitatem amulatur. quisque suo
 loquendi, scribendi, cantandi, pingendi,
 ædificandi gaudet stylo.

Primus omnium architectus ingens
 initio, & pane dixerim, infinitum struxit
 ædificium. Principio creavit Deus calum
 & terram. Ampla profectò domus. Am-
 plitudinem terræ difficulter capimus;
 immensitatem calì quomodo capiemus?
 Hic quaestio sit, qua porta calum ingressi
 sint Angeli, qua nos? per amplissimam
 sanè, per grande nihilum: Terra autem
 erat inanis & vacua. Unus ergo, Sapien-
 tia teste, introitus est omnium ad vitam,
 & similis exitus *a*. Sed idem hic Archite-
 ctus magni hujus ædificii adumbrationem
 in homine delineavit; in ædificio hoc mo-
 dico magni imagine fenestellas duas, ge-
 minos locavit oculos, sed unam dumta-
 xat januam, os seu linguam, pontem pla-
 nè versatilem, modò submittendum, mo-
 dò attrahendum. Ex ipso ore procedit
 benedictio & maledictio *b*. Ecce igitur
 hic stylus est Architecti summi; plerum-
 que unam tantummodò januam suis inse-

rit.

in ædificiis, imò in suam ipsius domum dumtaxat unum unicuique patefecit ostium, Christus apertissimè, ego sum ostium, inquit, nemo venit ad Patrem nisi per me *a*. Hic stylus est hujus Architecti, ad maxima ædificia unicam plerumque januam pandere, ut tantò melius custodiat domus, quantò paucioribus clauditur ostiis. Multæ januæ vitiis non paucis favent, hac Mercurius, hac irrupit Venus, per alias alia vitiorum monstra sobrepunt. Cum igitur unum sit corporis humani ostium, os seu lingua, sollemmè attendendum, ne quis ingredientium aut egredientium furetur & expilet domum.

An autem in arcâ plures unâ fuerint fenestræ, incertum esse diximus. Non pauci opinantur, in tertiâ contignatione, in hominum & volucrum domicilio fuisse plures minores, è vitro aut speculari lapide, qui perinde ut cornu, teste Plinio, in lamellas tenues secari potest *b*, ita ut per illas lux, non item aqua potuerit penetrare. Rabbinii Hebræorum è veterum origine somniarunt, grandiozem gemmam lychnitem, aut carbunculum illic loci, ubi homines habitarent, positum, ut ea saltem ratione splendoris aliquid & luminis domicilium acciperet. Hoc certum, fenestram, quæ aperiri & claudi potuerit in arca, patefactam. Alphonsus Tostatus existimat fuisse

a Ioan. c. 10. v. 14.

b Plin. l. 35. Natur. histor. c. 22.

fuisse foramen, non pellucidum, sed toto euuionis tempore clausum, Joannes Buteo, qui complura hic bene adumbravit, fuisse unam tantum fenestram iudicat, eamque pellucidam in hominum usus: lumine non egebant pecudes, quarum contiguatio pæne tota natabat aquis. Hanc fenestram Oleaster credit in summitate arcæ locatam, cælum versus, quod per eam potuerit spectari. Sed numquid forsan consultius fuisset aquarum incrementa & decrementa per fenestram prospicere, indeque tempestivum ex arcæ egressum metiri? sed videtur Deus noluisse, ut cerneret Noëmus miserabilem hominum pecorisque interitum. Triste nimis spectaculum, cernere cum undis & morte luctantes, domos, oppida, civitates, provincias fluctibus sorberi. Mœrore acerbissimo Noëmum affecisset hoc genus spectaculi. Ergo, mi Noëme, satis tibi sit te servari. Quid vis videre, unde debeas dolere?

§. II.

Hic nobilissimum spei symbolum ingeritur. Quicumque nos eventus rerum turbent, quantumcunque adversa sæviet fortuna, undequaque nos venti & feri maris fluctus impugnent, mœrores & dolores certatim nos dividant, modo unica hac fenestella non obstruatur: In te, Domine, speravi, non confundar in aeternum^a. Non semper & olim sic erit: non
semper

^a Psal. 30. v. 1.

semper irascetur mare, nec æternum turbines & procellæ in nos incurrent, permittamus suum & mari & ventis imperium. Deus suorum pauperum non ulquequaque obliviscetur: ad hoc loci, & temporis, & turbationis nos deduxit: educet demum ex his fluctibus. Hanc mihi fenestram spei confirmatissimæ nemo obstruxerit, per hanc & cælum, & cæli Dominum suspicio: Etiam si occiderit me, in ipso tamen sperabo *a*. Cunctis diebus, quibus nunc milito, expecto, donec veniat immutatio mea *b*. Immutationem Jobus appellat felicem à luctu transitum ad gaudia. Expecto in dies singulos, dum mori desinam, dum ad vitam immortalis deliciis affluentem perveniam. Expecto, dum per hanc spei fenestellam cælum eminus saluto. Militiam Jobus nominat hanc mortalem vitam, miseriis & ærumnis plenam. Quid enim vero militem in prælia protrudit, nisi spes stipendii, spes victoriae ac prædæ: alioqui certè labor & rigor militaris videri posset intolerabilis. Ita prorsus futuræ spei vitæ continuas hic quas patimur mortes supra modum mitigat. Beatus Paulus hanc nobis fenestram aperiens, Fortissimum, inquit, solatium habeamus, qui confugimus ad tenendam propositam spem *c*. Itaque si modo fenestra hæc unica lucem in animum admittat, omnia toleratu facilia erunt. Videri quidem poterat Noemicæ familiæ vita

H miser-

a Job. c. 13. v. 15. *b* Idem c. 14. v. 14.

c Ad Hebr. c. 6. v. 18.

miserrima, cui non concessum aliud aspicere quàm cælum, & quidem iratum, spes tamen certa & constans patientia hæc pettulerunt omnia. Si quæm moror & pavor dejiciat, argumento id est, hanc ei fenestram esse obstructam, spem parè omnè colapsam. In spem igitur erigatur mœritus, ut sentiat de Domino in bonitate, & in simplicitate cordis quærat illuminationem.

Cur verò Deus, obsecro, Noemum tot ærumnis & angoribus voluit exponere? non defuissent tot alia subsidia, quibus servari potuisset. Ita sanè non defuissent; sed nec defuerunt causæ, ob quas optimus Deus Noemum pati plurima, & unà laborare ad præscriptum voluit. Sequæ laborandi, ea etiam tolerandi fuerunt causæ. Sed ex iis pauculas numeremus.

1. Si rerum omnium Conditor tanta sustinere, si tam gravia pati voluit, & quidem adeò sine mensura, ut ipsius vicem queratur Psaltes: Omnes fluctus tuos induxisti super me. In me transierunt iræ tuæ, & terrores tui conturbaverunt me *b*. Veni in altitudinem maris, & tempestas demersit me *c*. Si tanta, inquam, passus Creator, quid reluctaris res creata, homuncio vilis? caliculum, quem tibi propinat Dominus, exhauri.

2. Non est obsequium gratuitum, sed planè debitum, etsi plurima, etsi gravissima patiamur. Agnosce ac fateri tot mille nominum obarate homo; decem millia talentorum

a Sap. c. 1. v. 1. b Ps. 87. v. 8. & 17.

c Psal. 68. v. 3.

torum debes, nec solvendo es; pelle igitur luas, quod non potes are; subi carcerem, & aliquid incommodorū tolera, ut vel millesimam tuorum nominum partem expungas. Et scito nihil tam grave te passurum, quin tua debita petulanter contracta sine comparatione sint graviora: obolum reddis centum millibus Philipeorum. Nec enim unquam are alieno exires, nisi tuus pro te Servator solveret patientia inestimabili. Bernardus hac expendens, Agnosce, inquit, ô homo, quàm gravia sint vulnera, pro quibus necesse est Dominum Christum vulnerari *a*. Ad eò peccati malum impunitatem habere non potest, ut celestis Pater quod condonavit servo, vindicavit vel in Filio. 3. Qui triste quid patitur, parere discat, & Deo se subditum profiteri. Ad parendi studium maxime spectat, immisas à Domino calamitates non repugnanter pati. Cùm rusticis imponitur onerum vehendorum bajulorumque necessitas *b*, velint nolint parendum est, hoc clientelæ opus recusare non possunt. Ita Deus nobiscum clementissime agens, & variis nos miseriis exercens, Ut sciaris, inquit, quia ego solus sum Dominus, & non est alius præter me. Afflictio clientelare opus est, omnes tangit, nemini licet se subducere, patiendum est. Sic Isaac, sic Iacob, sic Moyses, & omnes qui placuerunt Deo, per multas tribulationes

H 2 transie-

a Bernard. serm. de Nativit. Domini.

b Iurisconsultis Angariorum exhibitio.

ἀνάσσει, ἐργασία,

transierunt fideles a. 4. Submissioni ac Humilitati vel obtinendæ, vel augendæ jam obtentæ atterimur adversis. O quantos cetera indomitos redegerunt in ordinem ærumnæ! Antiochum Epiphanem videte: jam panè sidera tangebatur, rex sua opinione invictissimus, maris fluctibus imperare, & montium molem in lance appendere sibi visus, ignem spirans in Iudæos, minabatur superbissime Hierosolymam in congeriem sepulchri à se redigendam & solo æquandam. Cùm verò eurrus excussus gravi corporis collisione affligeretur, cum eum dirus viscerum dolor torqueret, cum è putridis ejus membris ebullirent vermes defluente carne, & mœror ingens animum laceraret, quàm modestus, quàm oris placidi, quàm submissus esse cœpit! Hic demum impius in seipsum descendere, superbia alas submittere, in sui notitiam venire, Deum se longe potentiolem agnoscere. Iam denique piscator ictus sapit, jam sceleratus rex sanctissimas voces erumpens, iustum est, inquit, subditum esse Deo, & mortalem non paria Deo sentire b. Iam & cælum pollicitationibus implet, & summam Hierosolymæ libertatem promittit, jam Iudæos, quos inhumatos feris obijcere decreverat, Atheniensibus æquales se facturum, sumptus sacrificiis è suo arario præstiturum, vasa sancta multiplicaturum, templum maximis donis ornaturum, imò

a *Judith. c. 2. v. 38.*

b *2. Machab. c. 9. v. 12.*

super hæc omnia Iudæum se futurum, & omnem locum peragrandum, Dei potentiam ubique prædicaturum amplissimè sponderet. Quantus promissor è quanto tortore! Quomodo lupo migravit in oviculam, quomodo tigris in agnellum est mutata? Ita, mi Antioche, verbera & plaga divinitus immixta, si non plenè sapere, saltem modestè te loqui docuerunt. Est quod maximas agamus gratias calamitatibus, quæ submissionem ac modestiam, alioqui neglectissimam, amare ac colere docent salubri compendio. 5. Meritis cumulandis & augendæ gloriæ, rebus incommodis & asperis exercemur. Et beatus vir, qui suffert tentationem, quoniam cum probatus fuerit, accipiet coronam vitæ, quam repromisit Deus diligentibus se *a*. Quem enim diligit Dominus, castigat, flagellat autem omnem filium, quem recipit *b*. Tobias, viro ad omnem virtutem facto, dicitur: Quia acceptus eras Deo, necesse fuit ut tentatio probaret te *c*. Tobias ipse animo ad Deum erectissimo, Hoc autem, inquit, pro certo habet omnis, qui te colit, quod vita ejus, si in probatione fuerit, coronabitur: si autem in tribulatione fuerit, liberabitur: & si in correptione fuerit, ad misericordiam tuam venire licebit. Non enim delectaris in perditionibus nostris: quia post tempestatem tranquillum facis, & post lacrymationem & fletum exultationem

H 3 - infun-

a Iac. c. 1. v. 12. *b* Ad Hebr. c. 12. v. 6.

c Tob. c. 12. v. 13.

infundis *a*. Quid denique res afflictae & turbidas horremus? Quoniam per multas tribulationes oportet nos intrare in regnum Dei *b*. Sicut autem optimus Deus praescribit nobis mensuram laborandi, sic & patiendi. Quod affirmans Psaltes, Cibabis nos, inquit, pane lacrimarum, & potum dabis nobis in lacrymis, in mensura *c*.

a Tob. c. 3. v. 21. & 22. *b* Act. c. 14. v. 21. *c* Psal. 79. v. 6.

§. III.

Sed hic iterum ad arcae januam & fenestram duplex documentum instillamus.

1. *Spe gaude*. Notum Tibulli carmen: *Spes etiam valida solatur compede vinculum,*

Crura sonant ferro, sed canit inter opus.

Quis nostrum est, qui non suas ferat compedes? modò corpori, modò animae ægrè est; jam liberi, jam servi, jam cognati jam alii turbant; jam fama, jam facultates, & bona faciunt jacturam. Suis quisque compedibus vincitur, numquam deest quod cruciet. Sed erigamus animum, hortante Paulo, spe gaudentes, in tribulatione patientes *a*. O quoties aut ærumnae, aut ærumnarum nuntii in mœrorem nos dant, & salfos oculorum imbres excutiant! Sinamus hoc nimbos fluere, & interim spe gaudeamus; accedamus arcae fenestram, & inde cælum suspiciamus, *spe vita melioris & aeternae*. Cum Iob pro se quisque dictat: Expecto immutationem meam

a Ad Rom. c. 12. v. 12.

meam cunctis diebus, cunctis horis. Quotiescumque mœror, aut tadium, aut animi languor & dejectio subrepat, ad arcæ fenestram properemus, spe gaudeamus, quoniam debet in spe, qui arat, arare *a*.

II. *Calum crebro suspice.* Quàm multa quotidie in oculos admittimus effectû vario: multa nocent, quædam docent; hæc contristant, illa exhilarant. Ex omnibus oculorum spectaculis, præstantius non est, quàm calum creberrimè spectatum. Iter tutissimum eò habent oculi, quò Christus suis toties, & ingemiscens & illacrymans præcessit. Nemo illac vitam nobis obstruxerit. Omnia possideat, non possideat æthera mœror. Quis non intima voluptate gestiat, cùm illam Dei sedem, Beatorum viridarium & diatam aspicit.

Cùm circa Natales Domini ferias crescentem habemus diem, solamur nos, & de propinquante vere gaudemus. Hic multò magis gaudeamus: appropinquat ver æternum, quod nullus autumnus, hiems nulla excipiet. Inscriptum calo: Qui vicerit, possidebit hæc *b*. Brevis est lucta, audeamus & velimus vincere, jam nostra est victoria. Calum, nostri certaminis præmium, quàm frequentissimè suspiciamus, & inter omnes fortunæ turbines durati, decumanas etiam tempestates superare, & vel pugnantibus ventis, navem ad portum, quem edixit Deus, appellere condiscamus. Nemo hic nisi volens naufragatur.

H 4

CA-

a I. ad Cor. c. 9. v. 9. *b* Apoc. c. 21. v. 7.

CAPUT X.

*Pecoris & hominum in Arcam ingres-
sus; Arca claustrum.*

DIANÆ templum Ephesi, opus planè admirandum, cui perficiendo Asia tota auxiliares manus & aurum commodavit, quatuor annis perfectum est. Quis historicorum memorat unam aliquam domum annis quinquaginta, non dicam centum, seculari spatio, ædificatam? Arca, quam cali Architectus dictaverat, majorem partem aviarium, pecori claudendo stabulum, pabulo servando conditorium erat, & tamen centum annis in his receptaculis struendis laboratum est. Tandem laboris appetiit finis, sed necdum ullus nequitiae; nullum poenitentiae vestigium; hodiernus dies mores sanctiores non videt quàm hesternus, nec præsens annus, quàm præteritus. Estur, potatur, luditur; nuptiæ, convivium, choreæ, luxus & luxuria, universa imò vitia felicissimos habent progressus. Omnium idem studium, nequitiae insigniter operari.

Vindicta igitur divina ulterius se continere non potuit. Maluisset quidem Deus ligneam domum illam non esse usus, & ædificationem eam frustra susceptam, sed nullas fuit, nec quidem unicus, qui oblatam gratiam non respueret. Decretum ergo divinum calo missum Noëmo: Ingredere tu & omnis domus tua in arcam: te enim vidi justum coram me

in generatione hac *a*. Post hæc tamen omnia, septem insuper dies divina bonitas sustinens expectare. Adhuc enim, ait, & post dies septem ego, pluam super terram quadraginta diebus, & quadraginta noctibus, & delebo omnem substantiam, quam feci, de superficie terræ *b*. Qui potuisset tandem Deus majorem patientiam & longanimitatem humanæ genti exhibere? & qui tandem humana gens potuisset Deo graviorem injuriam inferre, quàm nequitiam tam contumaciter obstinatam? Hic tria nobis sollertius expendenda. 1. Quomodo Deus denuò severas cū summâ benignitate minas intendarit. 2. Lugubrem tam pecoris, quàm hominum in arcam ingressum spectabimus. 3. Quomodo Deus Noëmum cum familia in arca concluderit.

a Gen. c. 7. v. 1. b Ibid. v. 4.

§. I.

Ab omni ævo in omne ævum semper verissimum illud Hebræi Psaltæ: Miserationes ejus super omnia opera ejus *a*. Mirabilem proflus se justitia Dei exhibet, longè mirabiliorem patientia Dei & misericordia; centum & viginti annos expectat resipiscentiam summa longanimitate. Non vult Deus perire animam, sed retractat cogitans, ne penitus pereat qui abjectus est *b*. Ille quidem gladium & ignem, mortem & inferos manu claudit,

H 5

&

a Psal. 144. v. 9.

b 2. Reg. c. 14. v. 14.

& tamen dissimulat, connivet, parcit, honorem suum atrocissimè violari permittit. Cunctatur, & moram adhibet; vindictam in annos decem, in annos quinquaginta, in centenos differt. Ita Noëmi avo centum viginti annis summè misericors & longanimis expectavit, nec desideravit aliud, quàm poenitentiam. Nemo vel pedem vel digitum movisset poenitentia agendæ. Et tamen post tot annorum & olympiadum decursus, necdum impatiens Deus, necdum vi agere, & sceleratos interimere, imò novam supremi termini dilationem constituere, & ita promulgari jubet: Adhuc enim & post septem dies ego pluviam super terram quadraginta diebus & quadraginta noctibus.

Adhuc enim, adhuc unam do hebdomadam ad resipiscendum: properate, poenitentiam agite, ad finem festinat clepsidra, vicinus est interitus, resipiscite. Frustrà fuerunt hætenus admonitiones, minæ, conciones. Spectaculum arce jam consummate neminem movet. Pabulum animantibus, annona hominibus in annum arce illata neminem terret. Tot volucrum, tot quadrupedum confluxus nec vel unico quidem homini poenitentiam persuadet. Fortassis ubi viderint omnes ordine animantes, sed & homines in arcam velut asylum ultimum se recipere, toto cogitabunt animo: Iam denique serio res agitur, resipiscamus; dies instant novissim; res est jam ad extremum perducta. Nemo quidquam horum, quin imo alia
omnia

omnia cogitabant; etiamnum ridebant & jocabantur : vitiorum dulcedinem nemo ejurabat, libidinis canum nemini displicebat. Summe Deus, quàm occæcati cupiditatibus & vitiis, quàm perversi & obdurati, quam refractarii & surdi! Num illi soli? Imo omnes vitiis assueti, hæc enim est peccati indoles, excæcare, in perniciem dare, ad omne vetitum indurare. Ah quàm incredibilis patientia Dei & longanimitas! Verè miserationes ejus super omnia opera ejus. Post centum viginti annos etiamnum moras interponens, supplicia jam pridem infligenda extrahens, Adhuc enim, inquit, adhuc, adhuc. Post longissimum hoc temporis spatium, jam elapsum, cor paternum à pœnis expectendis adhuc sese continet : agerrimè adducitur, ut quos condidit, perdat. Misericordia infinita, dum potest, plagas arcet à reis, speratque etiam de desperatissimis. Sed an nimium festinant pœnæ post tot annos? Sed obsecro, ait misericordia, septem adhuc dies, unam adhuc hebdomadam ad resipiscendum impetrem, fortassis enim ad Deum revertentur.

Tam leni & placido animo Deus in hostes suos, in luxuriosos, in superbos, in alios vitiosos est, ut eos longanimitate mitissima expectet, vindictam usque & usque differat, & solam quærat pœnitentiam. Sed terminum Deus non omnibus ponit æqualem. Huic annum unum, huic septem, huic viginti, plures aliis indulget annos; illi aliquot dies, isti horas pauculas in-

dulget. Cur illi tam multum, isti tam parū spatii concedat, solus novit justissimus Deus, cujus judicia falli non possunt. Moram oppidò brevem constituit opulento illi, qui frugibus inferendis cogitarat ampliare horrea, & vitam consecrare voluptatibus. Dixit autem illi Deus : Stulte, hac nocte animam tuam repetunt à te, quæ autem parasti, cujus erunt a? Habuit miser horas pauculas, qui multos sibi promittebat annos. At illis Noëmi ævo tam obstinatis, tam perditis spatium temporis prælongum mitissimus Deus concessit, eo tamen nec unus quidem unicus bono suo voluit uti, ita omnes libidinis & vitiorum furor occuparat. In eam rem Chrysostomus, Vidisti, ait, ingratitudinis excellentiam? vidisti stupidas & doloris sensu carentes animas? Neque poenæ timor, neque longanimitatis tempus acuit illos à malis operibus: sed semel in præceps dejecti, & oculi mentis excæcati, à malâ concupiscentiâ, quasi ab ebrietate quadam demersi redire ultrà noluerunt, quoniam modum & Sapiens dicit: Impius cum in profundum ceciderit malorum, contemnit. Grave enim, grave est, dilecti, capilaqueis diaboli. Anima enim postea, quasi in retibus comprehensa trahitur: & sicut sus in luti volutabro oblectatur, sic & ista à mala consuetudine obruta, ne sentit quidem peccatorum foetorem. Ideò opus est, ut sobrii & vigiles simus, ne ab initio diabolo ingressum concedamus, ut

noy

ne, dum obtenebrata fuerit nostra ratio
& excecata mentis perspicacia, faciat qua-
si privatas hujus solis lumine, ne valeas in
radios solis justitiæ contueri, & ita in præ-
ceps feraris: id quod & illis accidit *a.* Si
in tenebras has deveniamus, frustrà cla-
matur: *Adhuc enim, adhuc.* Nec homi-
nes nec Angeli hanc pervicaciam expu-
gnaverint. Hoc primum.

*a Chrysof. hom. 22. circa medium, mihi
pag. 137.*

§. II.

Alterum. Quando igitur patientia Dei
& longanimitas adhibitis tot remediis ne
tantillum quidem profecit, Noëmus juf-
su divino eruditus, supplicationem &
pompa admirabilem in arcam instituit.
Siquidem ingressus est Noë, & filii ejus.
uxor ejus, & uxores filiorum ejus cum eo
in arcam propter aquas diluvii, eratque
sexcentorum annorum Noë. Pecus omne
in hujus supplicationis ordinem compofi-
tum, arcam, grandem hanc lipsonothecam
subiit. Hanc pecoris supplicationem publi-
cam facer Historicus describens, De ani-
mantibus quoque mundis, inquit, & im-
mundis, & de volucibus, & ex omni
quod movetur super terram, duo & duo
ingressa sunt ad Noë in arcam, masculus &
femina, sicut præceperat Dominus Noë *a.*
Instituerat antè Deus non per Noëmum,
sed per Angelos venationem grandem &
admirabilem, qua cicures & feras, agrestes
& domesticas bestias coëgit. Ita omnis
ge-

generis animantes obediētes ad arcam confluxerunt: leones, ursi, tigrides, bardi, similesque feræ, velut agnelli & oviculæ suum pastorem Noëmum sunt secutæ. Adamus protoplastus hoc dominium in feras perdidit; Noemi, Daniele, alii singulis sanctimonix viri recuperarunt, & sub imperium immanes belluas redegerunt. Ita Noëmus omnes feras veluti parvas oviculas in unicum collegit stabulum.

Non omittendum, quod Jacobus Edesenus, Ephremi sanctissimi viri magister, memorat; Noemus, eodem Edeseno teste, Adami protoplasti ossa religiose in arcam intulit, eaque diluvio finito ita filiis distribuit, ut Semo natu maximo calvam, & cum ea Judæam, totamque Palestinā tradiderit. Tanta scilicet priscis Patribus cura sepulturæ fuit ob immortalitatem animi celebrandam. Hinc multi Adæ calvam in monte Golgothæo defossam, & Christi Sanguine rigatam asserunt a. Vult Deus memo-

a Tertullianus l. 2. adversus Marcionem
pōst med. mihi pag. 1060.

*Golgotha locus est, capitis calvaria quondam,
Lingua paterna prior sic illum nomine dixit,
Hic medium terra est, hic est victoria signum.
Os magnum hic veteres nostri docuere reperiū,
Hic hominē primum suscepimus esse sepultum,
Hic patitur Christus, pio Sanguine terra ma-
descit,*

*(Christi
Pulvis Ada ut possit veteris eum Sanguine
Commixtus, stillantis aqua virtute levare.*

*Vide etiam Cyprianum tract. de Resurrect.
Christi, cum annotat. Jacobi Pamelii.*

memoriam mortis inter suos propagari. Et eo quidem tempore peropportunum erat, mortem commeditari, cum moriendū esset omnibus, exceptis solis octo hominibus, quorum septem gratias egerint Noemo, & suam illi salutē in acceptis re-
tulerint. Quenadmodum in naufragii pe-
riculo Angelus dixit Paulo: Ecce donavit
tibi Deus omnes, qui navigant tecum *a*.
Erant homines ducenti septuaginta sex.
Ita pauculi illi Noemo velut donati, quod
voces illae satis indicant: Ingredere tu, &
omnis domus tua, te enim vidi iustum
coram me. Noëmo neutiquam pares ce-
teri, quamvis non aequē cum pereun-
tibus improbi. Nec dubitem ego, quin
in arcam receptus quoque fuisset, si alius
iustus bonae mentis reperiri potuisset.
Hinc Chrysostomus ingenuē professus,
Melior, inquit, est unus faciens volunta-
tem Dei, quam decem mille pravarica-
tores *b*.

a Actor. 6. 27. v. 24.

b Chrysost. hom. 22. mihi pag. 134.

§. III.

Tertio loco quod hic expendendum ve-
nit, est occlusa arca. Et inclusit eum Domi-
nus de foris *a*. Iam actum est, pereundum
est omnibus, quicumque arca recepti non
sunt. Quisquis perit, seipsum exclusit, sibi
ipse culpam impingat. Noëmus cum suis
timens, ingressus est arcam, & clausa est
ianua. Inclusit eum Dominus. Noëmus
qui-

a Gen. cap. 7. v. 16.

quidem attrahere potuit januam, sed eam divino jussu Angelus bitumine oblevit ne quid aquæ penetraret. Ita Angelus victorem egit, & arcæ ostium pice ferumminavit. Angeli nihil non promptè agunt in nostrum bonum; Noëmus decretum de diluvio, arca, ingressu, ab Angelo secum loquente accepit. Ferae ad arcam congregatae sunt non sola Noëmi industria, nec enim orbem peragravit, ut ferarum cogeret senatum, immensi res laboris fuisset. Angeli eas ut pastores gregem congregarunt.

Quod verò paginae divinae dicant, Inclutit eum Dominus de foris, id insigniter demonstrant, qua Deus cura in Noëmum fuerit, ne quid ei contingeret mali. Chaldaeus paraphrastes, Protexit eum Dominus, inquit, verbo suo. Chrysostomus rem paucis dixit: Præbuit se janitorem Deus. Quis hic non obstupescat, & res creatas omnes ad Conditoris laudes non impelat? Enimverò dicite, quid commoverit Deum Noëmo centum & viginti annorum assiduos labores injungere, sibi januam tantum obferendam reservare, cum opus integrum tam facile fuisset per Angelos conficere, atque ostium unum claudere? Sed in promptu causa est. Poterat Noëmus ædificare arcam, etsi plurimum temporis labor hic absumpserit, non potuit foris obferare januam. Hinc pronum est perspicere, quem morem teneat Deus. Solus ipse facit, quod facere non possunt homines, Arcam Noëmo fabricandam man-

mandarat, sibi alia, quæ Noëmi vires ex-
cesserant, reservabat. Atque hoc peculia-
riter conscribi voluit, ut ejus bonitas, pro-
videntiæ, æquissima volūtas constaret om-
nibus. Hoc nimirum exigit Deus, ut, quod
possumus, faciamus. Fac ergo, quod po-
tes; studiosissimè omnia diligentissime-
que cura; pro viribus labora, cetera secu-
rus ac hilaris Deo committe; suo munera
providentissimus Pater non dceat.

Noëmun autem januâ obseratâ ided-
hic inclusit, ut ab aquarum irruptione
cunctisque periculis tutus ageret; ita ci-
melia claudimus & custodimus dactylio-
theca, quam subinde annulo sigillari fir-
mamus. Prius autem eripit justos Domi-
nus, quàm perdat impios; prius subducit
Lothum, quàm inflammet Sodomam;
prius oves à dextris statuit, quàm hædos
ad sinistram rejiciat. Deinde inclusit
Noëmun Dominus, ne angustias pereun-
tium cerneat, re lamentantium voces
audiret. Sunt enim boni in miserationem
pronissimi, ided & orant pro improbis,
ut Abraham pro Sodomitis, Propheta
pro Judæis. Ne igitur Noëmus spectacu-
lo tam horribili turbaretur, & cohorreret
rei novitate, inclusit eum Dominus. Verè,
jam clausa est janua. Iam actum est. Iam
omnibus pereundum est, effugium vici-
nissimæ mortis nullum est. Credibile
prorsus jam aliquos fluctibus abreptos
jamjam faucibus aqua strangulandis ulti-
mum vociferatos, O Noë, Noë, ô si te-
cum sum! Votum bonum, sed nimis se-
rum;

rum ; ad finem ventum est : periistis, occidistis, auxilium nullum est, nec esse potest, spes omnis decollavit. Iam clausa est janua; centum & viginti annis dies & noctes patebat omnibus hoc asylum, & ad ingressum invitabat. Nemo erat, qui velle ingredi. Nunc posse negatum est ; moriendum, pereundum est. Hic iterum duplex pro more documentum suggerimus.

§. IV.

I. Oblatam Dei gratiam amplectere. Grætiæ humanæ metus aliquid inest, ne beneficium sit viscatum: divina nil habere potest periculi, nil mali, Dei gratia purissimum aurum, cuius vel minima pars pretiosior est omni favore humano, & montibus aureis. Nec occasione multum dissimilis est divina gratia, tempori vult admitti, sæpius rejecta tandē se subducit, desertitque refractarios. Ierusalem, Ierusalem, quoties volui congregare, filios tuos, quemadmodum gallina congregat pullos suos sub alas, & noluisti. Ecce relinquetur vobis domus vestra deserta *a*. Oblatā gratiam ne respue, alioqui ea sibi alas parat, & avolat. Impius Esau gratiā divinā toties rejecta, non invenit pœnitentiæ locum, quamquam cum lacrimis inquisisset eam *b*. Scelestus Antiochus orabat Dominum, à quo non esset misericordiam consecuturus *c*. Oblatam igitur à Deo gratiam

a Matth. c. 23. v. 37. *b* Ad Hebr. c. 12. v. 17. *c* 2. Machab. c. 9. v. 13.

sim obviis ulnis amplectere, ne lugeas
non redituram, quam praesentem con-
temnebas.

II. D E I *minas expavesce*. Minatur Deus
totis Bibliis. Apertissime Christus, Dico
vobis, inquit, nisi poenitentiam habueritis,
omnes similiter peribitis. Sicut illi decem
& octo, super quos cecidit turris in Siloe,
& occidit eos. *a* Ecquid horrendum ma-
gis illo iudicis decreto, quod centies,
quod sexcenties, quod millies jam oc-
centatur: Discedite à me maledicti in
ignem aeternum, qui paratus est diabolo
& angelis ejus. Et ibunt hi in supplicium
aeternum *b*. Hæ minæ plurimis sunt uti-
tempestas mitissima, quæ solum tonat,
non fulminat, aut sicut æstivis noctibus
sola crebrius repetuntur fulgetra, nullum
sonitu auditur; nemo terretur, nemo ira-
tum cælum perhorrescit, omnes cæli cle-
mentiam interpretantur. Ita Christus ful-
getrum misit per orbem: Ibunt hi in sup-
plicium aeternum. Sicut fulgur exiit ab O-
riente, & patet usque in Occidentem, ita
hæ minæ utramque mundi plagam pene-
trarunt. Sed nos has minas interpreta-
tione benignissimâ explicantes, Domi-
num bonum, dicimus, & mitem habe-
mus, qui nos cupiat sanctos. Pergamus ut
cepimus. Hæ nostræ sunt naviæ, dante
caluvium opprimat contumaces. Ita Pau-
lus tonans, & proximum fulmen nun-
tians, Manifesta sunt, inquit, opera car-
nis

I. 2.

niss

a Lkc. c. 13. v. 3. & 4.

b Matth. c. 25. v. 41. & 46.

nis, quæ sunt fornicatio, immunditia, impudicitia, luxuria, inimicitia, contentiones, iræ, rixæ, æmulationes, dissentiones, invidia, ebrietates, comestationes, & his similia, quæ prædico vobis, sicut prædixi quoniã qui talia agunt, regnum Dei non possidebunt 4. Hæc vociferatur Paulus, sed quàm pauci sunt, qui monita vociferantis audiant? ira & invidia, temulentia & luxuria pessumdant orbem. Quidquid calites minentur, nos vitiis indulgemus.

Quemadmodum ævo Noëmi passim infidelium voces iactabantur En senem metit: ipsum, ne ruat cælum metuit, Et quid tandem lignea hæc moles ultimam spectabit manum? Quibus denique futurum silicernium ædem hanc vacuum locabit? Quis lignei hujus ædificii finis? Finem hunc, ô nequissimi, jam spectate: ingressus Noë cum familiâ suâ, & inclusa eum Dominus, & clausa est janua; omnibus aliis occumbendum in aquis. Vices vobis anni iterum iterumque ac sexies viceni ad respiscendum dati sunt, demum clausa est janua. Vnam adhuc hebdomadam expectate, & Noemum inclamabitis: Aperi nobis, aperi, aperi: sed clausa est janua: perite, interite miseri: sera est in fundo pœnitentia. Verissimè Augustinus dixit: Non facilè inveniuntur in adversitate præsidia, quæ non fuerint in pace quasita. Ægyptius tyrannus Phrao Hebræam gentem cum exercitu infecutus eadem sibi via promittebat transitum. At ubi

ubi jam mediis clauderetur fluctibus, clamabatur undique. Fugiamus Israellem, Dominus enim pugnat pro eis contra nos *a*. O seros nimium clamores! Hebraum sanguinem sitiistis, jam pelagus totum bibite: in mediis undis sublata est omnis deliberatio. In oculis est interitus, jam clausa est janua. Ad rem opportunè Gregorius, Regni janua, inquit, lugentibus claudetur, quæ quotidie poenitentibus aperitur *b*.

Nimis serum est tunc vivere incipere, cum desinendum. Hos Annaeus Seneca irridens, Quidam, inquit, vivere tunc incipiunt, cum desinendum est. Si hoc judicas mirum, adjiciam quod magis admireris: quidam ante vivere defecerunt *c*, quàm inciperent. Vivere tota vita discendum est, & quod magis fortasse miraberis: tota vita discendum est mori *d*. Nunc arca janua diebus, & horis, & momentis singulis patet. Gratia Dei & misericordia nemini non obvia, venia noxarum vel gemitu impetranda; jubileum offertur omnibus paratissimum. Veniet dies, aderit hora, cum claudetur janua. Agamus quod agendum.

a Exodi c. 14. v. 25.

b Greg. hom. 12. in Evang.

c Quid si, defecerunt?

d Sen. epist. 23. in fine & de brevitate vitae, c. 7.

CAPUT XI.

*Qua animantes Arcam ingreſſa, quale mun-
darum & immundarum ſit diſ-
crimen.*

Q UÆSTIONEM injiciens beatus Paulus, Numquid, ait, de bobus cura eſt Deo a? Hæc ſanè quæſtio non eò ſpectat, perinde ac ſi Deus pecudes, oves, ærietes, boves penitus non curet, ſed quia Paulus unam aliquam è Deuteronomii legibus ſibi ſumpſerat explicandam, affirmat, principem curam Numinis in eâ legem non deſuiſſe de bobus. Profecto noſtra nos religiones docent, pecudes divinâ cura non excludi. Qui enim immenſa providentia paſſerculis etiam alimoniam deſignat, qui corvorum pullis vitam non negat, qui univerſis animalibus ſuum ſubmittit pabulum b, hic idem providentiſſimus Pater ſollicitus fuit, ut omnium animantium genus & propago ad cujuſvis indolem accomodatè conſervaretur. Nec enim eis locum tantum conſtituens in arca, Manſiunculas, inquit, in ea facies, ſed etiam ſuum cuique papulum deſignavit, quod Noëmus comparavit in annuam pabulationem. Eadem ſollicitudine atque accuratone juſſit quot animalium mundorum, quot immundorum in arcam recipienda: nec enim tantum quadrupedia gradientia, ſed & raptantia, ſed & omnia volucrum genus in arca diverſari & Noë

a 1. Cor. c. 9. v. 9. b Pſal. 103. & Pſa. 146.
c Gen. c. 6. v. 19.

no voluit consuescere, ut nec minimæ quidem aviculæ progenies interiret. Sic enim edixerat Deus: Ex cunctis animantibus universæ carnis bina induces in arcam, ut vivant tecum *a*. Factum ordine, nam ex omni, quod movetur super terram, duo & duo ingressa sunt ad Noe in arcam *b*.

Si ergo acanthi & troglodytes, si serpentes & viperæ Deo curæ sunt, multo magis boves ceteræque animantes erunt. Hoc igitur jam explicandum, quæ animalia, & quot in arcam ingressa, unde mundorum & immundorum discrimen; quomodo in arca sint nutrita.

a Gen. cap. 6. v. 19.

b Gen. cap. 7. v. 8.

S. I.

Noemo sæpius ab Angelo imperatum est de omnigeno pecore cogendo: Ex cunctis animantibus universæ carnis bina induces in arcam, ut vivant tecum. Expressius hoc præceptum: De volucris juxta genus suum, & de jumentis in genere suo, & ex omni reptili terræ secundum genus suum, bino de omnibus ingredientur tecum, ut possint vivere. Tertium decretum longè luculentissimum: Ex omnibus animantibus mundis tolles septena & septena, masculum & feminam. De animantibus vero immundis duo & duo, masculum & feminam. Sed & de volatilibus. Ali septena, masculum & feminam *a*. De-

I 4

cretum

a Gen. c. 7. v. 2. & 3.

cretum quartum: Tolles tecum ex omnibus escis, quæ mandi possunt, & portabis apud te, & erunt tibi quam illas in esciam. Admirabilis providentia Dei; verè de bobus cura est Deo, qui curæ sibi habet etiam passerulorum vitam, quæ aviculis illis providentiissime conservat.

Omnia igitur animalia in arcam deducta sunt, quorum quinque omnino classes faciendæ. Prima volucrum, ab aquila, struthione, osore, ceterisque usque ad regulum ordiendo. Altera reptilium & serpentium. Tertia quadrupedum carnivororum. Quarta grandium aliorum quæ carnibus non aluntur. Quinta minorum, quæ pariter non vescuntur carnibus. Arias Montanus numerat animalium terrestrium familias centum quinquaginta, serpentibus & reptantibus exceptis, quorum viginti quinque species esse creduntur. Ita animalium paria centum septuaginta quinque, universe trecenta quinquaginta animalia, avibus exceptis, in arcam ingressa. Apud Gesnerum & Aldrovandum species avium centum quinquaginta numerantur. Hic aliquorum Arithmetica nimium liberalis: quæ in re signifer Origenes, qui illud, *Ex omnibus mundis tolles septena & septena, de immundis verò duo & duo*, ita interpretatur: Ex animalibus mundis omnibus quatuordecim, ex immundis quatuor, è volatiliis singulis etiam speciebus pariter quatuordecim.

Cum

Cum ergo volucrum species sint centum quinquaginta , & è quavis septem in arcam fuerint immittenda , nongentas aves dicemus in arcam convolasse. Numerus sanè prodigiosus , & animalium nimia turba.

Origene rectius senserunt Iosephus, Ambrosius, Chrysostomus, alii, qui asserunt, jussu Dei è mundis animantibus non nisi septem, ex immundis dumtaxat duo, ex avibus earumque quavis specie septem solum in arcam receptas. Quod Deus eo fecit consilio , ut par unum propagationi, alterum sacrificio, tertium usui & esui servaretur. Perinde ac si præcepisset: Pars una mihi, altera pars hominibus, ipsis denique bestiis ad propagandas species pars tertia conservetur. Septimum autem ideò jussit diluvio subduci, quia sciverat à Noemo ad cataclysmi finem sacrificandum è mundis omnibus unum: ne ergo tria illa paria dividerentur, aut animalium propagatio impediretur, providentissimè septimum quoque jussit seligi , & in subliciam domum illam induci.

Sed unde mundorum & immundorum discrimen, præsertim Decalogi tabulis nondum constitutis? Et numquid Deus omnia à se condita probavit? Nam vidit Deus cuncta quæ fecerat , & erant valdè bona *a*. Vnde igitur hæc animalium immundities, & unde illam scire potuit Noemus? Hanc quæstionem Romanus Pontifex Hieronymo posuit. Ad eam respondit

I s

Hic-

Hieronimus, ea de re Tertullianum copiose agere libro singulari, quem tamen temporum injuria vivere non permisit.

Nobis vero simillimum videtur, ea quæ Moyses lege sanxit, ulu piorum hominum pridem invaluisse, idque ab orbis incunabulis. Ejuscemodi sunt, Aras struere: sanguine & suffocato abstinere, vovere decimas & offerre *a*. Ita differentia mundorum & immundorum animalium non quæ esu, sed quæ sacrificio facta, & hanc didicit Noëmus à suis majoribus. Hinc accuratior iste selectus animantium earum, quas Deus ab arca rejiceret, idque abditio Dei instinctu & majorum usu. Porro animantes mundas lex eas pronuntiabat, quæ ruminarent & dividerent ungulam. Plura vero mundorum animalium in arcem convenire voluit Deus eam etiam ob causam, ut plura essent utilia hominibus quam noxia, siquidem post orbis eluvium omne genus animantium permissum est mensæ incibus. Id autem clarè pramonstravit Deus, cupere se plures esse mundos in Ecclesia futura, quam in immundos. Non enim vocavit nos Deus in immunditiā, sed in sanctificationem. Hæc est enim voluntas Dei, sanctificatio nostra *b*. Sicut elegit nos in Christo ante mundi constitutionem, ut essemus sancti & immaculati in conspectu ejus in charitate *c*.

a Gen. c. 8. v. 9. c. 28.

b 1. ad Thess. c. 4. v. 7. & 3.

c Ad Ephes. c. 1. v. 4.

S. II.

Sed quæsiuerit non nemo : Cur Deus hanc mundarum & immundarum animantium differentiam non etiam in avibus designat? Numinis voces sunt: Sed & de volatilibus cæli septena & septena. Mysterii aliquid hic latet, quod aperiendum. Quos rerum blandimenta, quos voluptatum illecebræ, quos cupiditates effrenatæ, quos libidines in omni intemperantia effusæ etiamnum detinent, immundi sine alis, sine castis desideriis, pecudes sunt ad pabulum natæ; qui vero mentem ad divina erigunt, quorum conversatio in cælis est, hi volucrum simillimi, hi mundi & Deo conjuncti sunt.

Ab arca vero duplex animalium genus exclusum est. Primum, è putredine nasci solitum, uti mures, gires, scarabæi, vermes, sordidæque similes bestiolæ. Aliorum nec avicula quidem, nec sciurulus desideratus. Alterum; pisces & omnes animantes, quæ in aquis degunt. His diluvium non nocuit, neque enim in eadem domo cum homine deprehensæ sunt. Fit in urbibus nonnunquam ut Magistratus civicus in domum mali criminis suspectam cubitores immittat, qui fontes in illisce ædibus deprehensos abducant; iis autem qui extra eas ædes sunt, vis nulla infertur: ita hic factum in orbis eluvie, universa animalia in eadem quasi domo cum flagitiosis hominibus deprehensa, in eandem sup-
plici-

splicii societatem tracta sunt. Quod aperte minatus Deus, Delebo, inquit, universam substantiam, quam feci, de superficie terræ, Pisces igitur ceteris animalibus nequitiam hominis minus juverunt, putat enim Tostatus, usum piscationis & navigationis nondum viguisse.

Quod animantium pabulationem attrinet, Noemus tam pro illis omnibus, quam pro domo sua, comportavit alimoniam. Ita Deus jusserat : Tolles igitur tecum ex omnibus escis quæ mandi possunt, & comportabis apud te, & erunt tam tibi quam illis in escam *a*. Quid autem pabuli cuivis bestię conveniret, Noemus partim experientia, jam sexcentorum annorum vir, partim indicis & patefactione divina facile nosse potuit. Sed numquid Deus has & pecoris & hominum familias absque alimentis servare, quemadmodum in locis desertis Christum; aut numquid Angelus vel unicus satis commeatus omnibus convehere potuisset? Vtique non defuerunt Deo modi plurimi ad inquilinos arcæ pascendos; sed, quod sapius inculcandum, vult Deus, ut pro viribus laboret homo, & quidquid facere potest faciat, cetera sibi facienda committat. Quando igitur congestus pabuli vires humanas non excessit, quamvis operosissimus fuerit. Noemi tamen indutriæ demandatus est. Hinc & sufficiens in annum annona, & dulcis aqua in arcam fuit convehenda.

Num vero carnivoris belluis, quantum

iri-

triginta quinque species numerantur, inter quas leones, pardi, dracones, pantheræ, crocodili, tigrides, lupi, num his, inquam, satis carniū in pastus annuos pararit, non immerito addubitat Augustinus. In eam denique sententiam potius concedit, ut credat carnivoras etiam bestias communi ceterarum papulo contentas visitasse, idque Numinis peculiari placito, præsertim cum carniū penuria castaneis & ficubus potuerit sarciri. Fames cocorum magister crudas fabas mirificè condit; fami panis avenæceus, mucidus, fursuraceus, supra primarium, siligineum, dominicum sapit. Fames edulium omne aromate gratissimo perspergit. Quemadmodum verò tam multigenas animantes non sine prodigio coactas, ita non sine miraculo pastas, dicendum.

Sed fingamus, quod aliqui contendunt, animalia carnivora non nisi carnibus nutrita, ubi demum locus tot ovibus, & aliis pecudibus in lanienam servandis? ubi macellum in arca, ubi quotidie tantum pecoris mactaretur, & per stabula dispensaretur? Sed ponamus carnivora omnia in singulos dies non plus fuisse absumptura, quàm ferè soleant centum lupi. Non malè congruet alterius ad alteram proportio. Atqui cuivis lupo in dies singulos octava pars ovis minimum assignanda in quotidiana cibaria. Qua quidem ratione dies singuli oves duodecim & dimidiam, trecenti sexaginta quinque dies, seu annus, quatuor millia sexaginta duas oves & dimidiam

dimidiam exigent. Num verò in arca centum illa septuaginta quinque paria animantium tantum spatii reliquerunt an tantos greges alendos in aliorum saginam? Non ignobilis scriptor conceptis verbis. Non omittam, inquit considerate notare bubulas & ovillas carnes ad esum hominum salitas, ut mos est navigantibus, in arcam illatas. Quo quidem Deus singulariter significare voluit, humanam carnem luxuriis corruptissimam, deinceps pudicitia ut sale siccandam. Proba omnino explicatio, si tamen verum sit, quod esse verum ponit, animalium carnes ante diluvium comestas, quod agrè, putem, è sacris paginis demonstrabitur. Sed hic pensum damus, & geminum, uti capimus, documentum nectimus.

§. III.

I. *Dei providentiam venerare.* Bonus Deus pater sollicitus, & amans rerum quas condidit, quam providentissimè curavit, ut omnes animalium, tam gradientium, quam volantium atque repentium species conservarentur; una suum cuique pabulum, suum cuique locum, suas omnibus mansiunculas destinavit. Verè Deo cura est de bobus; neque de his solum, sed & de avicula minima, de vermiculo vilissimo. Quod Christus assidue cogitandum luculenter docens, Respicite, inquit volatilia cæli, Pater vester cælestis pascit illa.

Nonne duo passeress. asse veneunt, &

unus

unus ex illis non cader in terram sine Patre vestro? nolite ergo timere, multis passeribus meliores estis vos *a*. Idem & aliorum calamo ingeminaus, Nonne quinque passeris, inquit, veneunt dipondio, & unus ex illis non est in oblivione coram Deo? Sed & capilli capitis vestri omnes numerati sunt *b*. Si aviculas & pecus tam amanter sua cura complectitur Deus, quomodo vivam effigiem suam habebit tam neglectim? Custodit Dominus omnia ossa eorum, unum ex his non conteretur *c*. Idem Dominus eadem cura, & defendit ossa suorum, & auget ossum medullas: si medullas & ossa, ergo & carnes quæ ossa vestiunt. Multæ tribulationes iustorum, & de omnibus his liberabit eos Dominus *d*. Qui penuriam rerum patitur, cum cura & diligentia expendat, Deum non tantum promum condum, sed & medicum agere. Et quidem promus condus est liberalissimus, qui alimoniam omnium viventium in manibus habet, & partitur eam amantissimè, sed & medicus est, qui multis cibum imminuit, quibus inediam iudicat salubriorem. Indigentia corporis multis est occasio salutis. Novit peritissimus iste medicus, quid pharmacorum cuique conveniat: hunc frigidis, illum calidis, acidis alium & austeris, istum medicatur amaris; temperiem uniuscujusque exactissimè perspectam habet.

Tu

a Matth. cap. 10. v. 26. *b* Matth. cap. 12. v. 6. *c* Tsal. 33. v. 21. *d* Ibid v. 20.

Tu tantum arti & providentiæ hujus medici fide, teq; illi quàm integerrimè committe: valetudo tua in manu illius est.

II. *Curam domesticorum gere.* Noenum oro, sapius consideremus, qui non tantum pro se ac suis, sed pro animantibus cunctis, quidquid ad victum est, studiosissimè comportavit, sollicitudine summa distribuit; familiam sanè grandem duxit, multas centurias convictorum sua mercede aluit. Tam cuniculo & sciuro, quam ursulo & elephanto conveniens pabulum dedidit, suum omnibus cibum potumque subministravit, omnium domicilia cum suis purgavit; nulla bestiola, avicula nulla est neglecta, in omnes tam feras quam homines sollicitus hic paterfamilias curam dispensavit, domesticos omnes amantissimè complexus. Si quis suorum & maxime domesticorum curam non habet, fidem negavit, & est infideli deterior *a*. Domesticorum corpus solum curare, modicum nimium & exilis cura est; animus etiam curandus est. Cibum & vestem domesticis præbes; ubi animi, partis nobilissima cura est? Familiam igitur ad templa mitterem divinam audiant, conciones frequentent, disciplinam Christianam, & pudicos mores condiscant. Queruntur non rari patres ac matres familias de famulorum & ancillarum corruptis moribus, sed ipsi qui familiam ducunt, in culpa sunt, qui suos ad templa, ad expiandam conscientiam, ad obeunda sacra rarissimè mittunt.

Sua

Sunt famuli & ancillæ, quæ totis annis
 conciones nullas adeant, nihil eruditionis
 sacræ è suggestu accipiant, ut jumenta cli-
 tellaria oneribus portandis nata vivant.
 Subinde herus & hera sævum stomachan-
 tur, & fures domesticos accusant. Pace ve-
 stra dixerim, ô domine, & ô bona do-
 mina, vos ipsi fures, quos facitis, foveris,
 alimoniam parcissimè, mercedem sordidam,
 sortentem, verminorum oggentium sala-
 rium præbeis tenuissimum vix calceis
 præstinandis sufficiens, honeste mihi homi-
 nibus vestitos cernitis. Quæ erumena vestrum
 suppeditabit? Ita non docetis tantum fu-
 rari, sed panem cogitis. Et quomodo fidos
 vobis speratis, qui quàm fidi sint De-
 penitus non curatis? Antiquus domesticorum
 ante omnia curandus, doctrina Chri-
 stiana, præceptionibus optimis induen-
 dus. Eò Dominici festinque dies ad tem-
 pla vocant, mores in domibus edocen-
 dos in templis discant. Docentur obedi-
 re, non otari, non mentiri non furari, non
 impudica, non lasciva loqui, opportunis
 horis precari. Hæc illis domi forisque in-
 culcanda, monitis & exemplis urgendi.
 Quàm malè sibi consulunt, qui nec moni-
 tis, nec exemplis domesticos formant, qui
 ingentem convitiatorum & maledictorum
 nomenclaturam semper in promptu ha-
 bent, nec ferè quidquam sine convitiis &
 appellationibus probrosis imperant. O
 nullam domesticorum curam! ô gubernationem
 pessimam! Hebraus Sapiens, No-
 vit justus, ait, jumentorum suorum animas,

viscera autem impiorum crudelia, amoris & miserationis adeò pleni sunt probi, ut nec in ipsas quidē pecudes, nedum in homines sibi commissos faviant. Viscera autem impiorum crudelia: & licet quandoque benignius videantur aliquid dare, dum tamen cunctantur, dum opprobrant, dum comunt & jactant sua, cruciant. Quod Seneca jure ut vitiosum reprehendens, Plerique, ait, beneficia asperitate verborum & supercilio in odium adducunt, eo sermone; ea superbia usi, ut impetrasse poeniteat. Curam ergo domesticorum gere; sed ut congruè cures corpus, prius curā animum.

a Seneca l. 2. de Beneficiis. o. 4.

C A P V T XII.

Cur una cum homine omne genus animalium in aquis perierit.

HEBRÆUS rex David, vir mansuetissimus, imo idea & archetypon mansuetudinis fuit, cum tamen fatuus Nabal eleemosynas ab eo modestissimè petitas recusasset, insuper & convitia addidisset, David capulo manum admoveans, & signa jubens canere. Accingatur, inquit, unusquisque gladio suo. Et accincti sunt singuli gladiis suis: accinctusque est & David ense suo. Iamque omnibus ad pugnam paratis, David ad eandem excandescens. Hac faciat Deus, inquit, inimicis David, & hac addat, si reliquero de omnibus, quæ ad ipsum pertinent usque mane, min-

gen.

gentem ad parietem a. Omnem Nabalis familiam occidione occidam, ut nec domesticus quidem canis evadat.

Profecto demum patientia læsa fit furor, & quandoque justitiæ est, serio in ejusmodi noxas animadvertere.

Deus exerrantis orbis flagitia diu satis dissimulare, connivere, & annos quingentos tolerare tot injurias; tandem mitissimus Rex jure meritissimo post tot sæcula irasci, classicum canere, è nubibus & ex abyssis aquas evocare ad vindictam & ad inferendum supplicium pridem committum emittere. *Et accinãti sunt gladiis suis* tam nimbi supernè ruentes, quàm aquæ suo Conditori obedientissimæ ex imo emergentes. Nec in hominem tantum, sed in omnia animantia motum est maritimum hoc bellum. Ita Rex supremus edixerat: *Si reliquero de omnibus qua ad ipsam pertinent.* Quid quid hominis est, pereat, ut nec avicula quidem, nec lepulculus, nec scarabæus, nec vermiculus evadat. Magna Dei ira, sed justissima. Quid autem miserum pecus deliquit? cur bestia alienum luant peccatum? Persolvat pœnas, qui admisit culpas. Homines peccarunt, non pecudes. Atqui debuerunt persolvendis pœnis sociari hominibus scelestis, idq; pluribus de causis, quas hoc capite aperiam.

a 1. Reg. c. 25. v. 13. & 22.

§. I.

Causa prima, ob quam Deus animalia unà cum homine suffocârit aquis, est

K 2

ista.

ista. Ad hominis obsequium animalia Deus omnia condidit, ut eum vestirent, alerent, servitiis juvarent. Quis eorum alioquin indigebat? Ab eis homini cibus, potus, vestitus est; serviunt trahendo, portando, vehendo: ab eis etiam homo recreandus. Utilitatibus illorum, carere homines haud possunt. Sublatis igitur hominibus, & ipsa etiam erant è medio tollenda; perinde uti in domo, mortuo domino exauctorantur servi. Est qui dicat illis, Operâ vestrâ non egemus amplius, ire licet. At Deus, inquis animalia, retinere voluit, cur igitur non retinuit priora? Hic itidem prorsus factum, quod in lugubri, quam diximus, fit domo: alius dominus, alii servi, ita hic alii homines, aliae pecudes.

Altera caussa, in majus hominis supplicium, punita sunt & ipsa etiam animalia, quorum dominus erat homo. Iure merito Deus homini ademit, quidquid prius concesserat fruendum, facultates, delicias, opes, cognatos, vitæ gaudia, vitam ipsam. Capitalement fraudem admiserat. Et sicut parentes sapius puniti filiorum morte, cum morientium spectaculo interesse coacti sunt. Ita Mauritiî Imperatoris quinque filii sub oculis patris occisi, quibus finis ultimum ipse pater accessit. Hoc revera est in suis sapius mori. Ita Beata Felicitas in septem filiis per mortem præmissis septies est mortua. Ita homines scelestissimi, qui mortem sæpè sapius commeriti, non simplici morte fuerant perimendi.

Tertiam causam subiciens Ambrosius, Naturā, inquit, nemo accusat, quod membra omnia moriantur capite præciso. Manus, pes, brachium amputari possunt, reliqua tamen vivere; imò ut ista vivant, illa nonnumquam amputantur; adempto capite, actum est de membris omnibus: atque ob hoc naturam nemo arguit. Ideò cum caput omnium animalium homo fuerit perimendus, aliis omnibus velut membris ob cohesionem pereundum fuit. Hæc sese mutuò sequuntur. Pereant ergo cum homine omnia, propter quem nata sunt omnia. In suis divitiis consumatur homo, cum sua dote moriatur *a*.

Quarta. Vix ullū est dubium, quin multæ animantium hominis nequitia insigniter juverint, usum sui præbebant homini. Sileo foedissimum illud flagitiū consuetudine bestiarū committi solitum, cui pœnas lex Moysis sancit. Sunt & alia hominū crimina, quibus suum & laborē & ministerium largiter impertiebantur animantes, aves, pisces, feræ silvestres, nec tantum se se ad victum, sed etiā ad gulam, luxū, luxuriam homini præbuerunt. Sic aliæ pilos, lanam, pelles, serica, pannos bombycinos non ad tegendum dumtaxat, sed ad superbiendū subministrant. Animalia venenata suum porrigunt venenum iræ, odiis, invidiæ, ut alter alterū clam & silentio possit tollere: edendum aut bibendum ponitur, quod toto anno, aut tota vita non digeratur.

K 3

a Ambros. tom. 4. l. de Noc & Arcâ c. 14. mibi pag. 151.

tur. Nec infrequentia sunt illa delicta, cum pecadum longè major geritur cura quàm hominum: sæpè cani objicitur, quod homini negaretur: sunt qui mallent suarum dominarum esse catelli, quàm famuli, mensa profecto longè nobiliori uterentur. Reperias domininos nec adeo paucos, qui canes suos & equos multo exquisitius curent, lautius tractent, quàm suos servos. Theophylactus, Patriarcha Constantinopolitanus, præclarus, ut ajunt, custos ovium lupus, viginti tribus annis tam excelsam sedem occupavit. Equos aluit ad præsepe aulicum ducentos, quos dactylis, amygdalis, pistaceis, pinorum fructibus, item croco, cinnamomo, balsamo, vino odoratissimo, aliisque fructuum & aromatum generibus pavit. Adeò enim equorum amore insaniit, ut eis tam pretiosum pabulum offundere non erubuerit. Pridie Parasceves, die Cænæ Dominicæ, cum in templo sub re divina de insignis equæ partu nuntium accepisset, ille divinum officium deferens mox properavit ad stabulum, ut videret pullum, spectato satis recenti partu rediit ad templum. Talem insaniam, tales pariunt amores. Sed suum, ut solet, ab equis præmium tulit Theophylactus. Nam parieti adequitans, à petulantiori equo illisus muro sanguinem coepit vomere. Hoc morbo biennium laborans, demum hydropem incidit, & mortuus est. Quando igitur bestię cum hominibus magna fide societatem gerunt in peccatis, gerant etiam in suppliciis.

Quin-

Quinta. Ius bellicum in lege prisca valde usitatum secutus est Deus. Cum Hebraeus miles regem Chananzum Arad, cum regem Amelec, cum Gabaonitas, & urbem Iericho expugnasset, iussit Deus tam pecudes quam homines jugulari, ut, quidquid ab hostis parte viveret, periret. Idcirco rex Saul tam graviter impegit, & omni gratia excidit, quia melioribus gregibus & armentis pepercit. Sceleratus orbis poenè à sui primordio annis mille sexcentis cum Deo bellum gessit. Deus cedere, dissimulare, pœne se victum dicere. Tandem viritum suos ad arma evocavit, & quartum elementum aquas omnes in hostem immisit cum imperio strictissimo. Parandum nulli.

S. II.

Ultima causa. Potissimus hic Dei finis fuit, divinæ & offensæ & iræ magnitudinè orbi monstrare. Qui diu iram colligit, tandem iratissimus erumpit, furit, obvia quæque ferit & sternit; omnes se abdant, nemini parcit: ita Deus irasci cœpit ante annos quingentos; tot jam annis collegit iram, & quia jugiter crescebant scelera, ira etià semper augebat: demum erumpens, Omnia, inquit, pereant, unico Noëmo dempto fideli servo, cui uni ac soli, & propter ipsum septem hominibus ad ipsum spectantibus parcam. Qua in re Deus hoc fecit, quod ad solet fieri, cum crimen læsæ majestatis committitur: nec enim reus tantum plectitur, sed nonnumquam

etiam domus comburitur. In testimonium publicum nefandi criminis. Sic reverà Deus non tantum omnes homines, omnesque ferè pecudes morti addixit, sed ipsam etiam terram sceleratorum domum eluvie vestavit. Quod nimirum antè prædixerat: Disperdam eos cum terra *a*. Et supplicio jam sumpto, Nequaquam, ait, ultra maledicam terræ propter homines *b*. Hanc talem iram non repetam, Grande maledictum ferebat terram, vastabatur illa propter hominum vesanas libidines, alienis noxis trahebatur in poenæ societatem. Cum enim prius emineret aquas, quibus obvallabatur velut septo, pòst in merum mare transiit, tamquam si nulla umquã terra fuerit. Omnia terræ ornamenta undis hausta, fluctibus sepulta, Quã pulchra & amœna varietas illa montium, vallium, pratorum, fontium, hortorum, fluminum, silvarum, nemorum, oppidorum, civitatum, provinciarum, regnorum, omnia hæc aquis pessumdاتا. Nec terra flores tantum, & plantas, arboreseq; perdidit, vastatis ac duratis omnibus edificiis, sed & filios suos amisit, exhausta jam tota & vacua. Hieremias vates lacrimans, Confusa est, inquit, mater vestra nimis, & adæquata pulveri, quæ genuit vos, deserta, invia & arens *c*. Diluvio certè jam superato, terra postliminio patefacta, neutiquam ita fertilis, ut antè, fuit, nec fructus æquè bonos ac salubres tulit.

Cre-

a Gen. c. 6. v. 13. *b* Gen. c. 8. v. 21. *c* Hier. c. 50. v. 12.

Credunt Rabbini, terram falsis marinis aquis ad tres palmos corruptam.

Ita hominū scelera tam pecudes quàm terra luere cogeantur. Imò utraq; suam commodarunt operam, ut homines rei plecter ētur. Cū vindicta Dei exardescit, res creatæ omnes concurrunt, & in exitiū Dei hostium conspirant. Sapientia monet in anteceßum: Armabit creaturam ad ultionem inimicorum. Acuet autem diram iram in lanceam, & pugnabit cum illo orbis terrarum contra insensatos. Ibunt directè emissiones fulgurum, & tamquam à benè curvato arcu nubiū exterminabuntur, & ad certum locum infilient. Et à petrosa ira plenæ mittentur grandines, exardescet in illos aqua maris, & flumina concurrent duriter. Contra illos stabit spiritus virtutis, & ad eremum perducet omnem terram iniquitas illorum. Ignis sapius sui carceris impatiens rupit habenas: exlo lapsus Pentapolim inflammavit, bis quinquaginta milites interfecit. Aër in David regis noxiam armatus ita veneno pro Dei gloria pugnavit, ut exiguo tempore septuaginta millia hominum interemerit. Inobedientiam & tumultuationem rebellem Abironis ac sociorum non tulit terra, sed hiatu horribili discedens glutiit contumaces. Cum Dei Filius in crucem actus expiraret, sol vultum abdidit, terra movit, tumuli reßerarunt, cautes dissiluerunt, infremuit orbis. Aqua ad sumendum de homine supplicium merfit orbem.

Bestiæ

a Sap. c. 5. v. 18. & seqq.

Bestiæ quoque sua arma, cum opus, expediunt, dentes, cornua, ungues: nec solū venenate, aut grandiores feræ, leones, ursi, dracones, colubri; sed animalcula minima, culices, locustæ, cyniphes, muscæ, crabrones, apiculæ pro Deo pugnant. Hoc vaticiniis prædictum: Consumuntur fame, & devorabunt eos aves morsu amarissimo: dentes bestiarum immittam in eos cum furore trahentium atque serpentium: foris vastabit eos gladius, & intus pavor *a*. Idem præmonuit Isaias: Sibilabit Dominus muscæ, quæ est in extremo fluminum Ægypti, & api quæ est in terra Assur, & venient *b*. Illatam mortem ab his bestiolis testata Sapientia, Illos enim, inquit, locustarum & muscarum occiderunt morsus *c*. Idcirco Augustinus ad veterem excutiendum expergefaciens, Ne putes, inquit, Dominum dormire. Quando tu vides quæ facta sunt in impios, cave ne fiant in te. Ad hoc enim & contra illos facta sunt, ut tu transires, & eos non imitaberis, & talia non patereris. Vide quoniam flagellum Domini est super omnem carnem *d*. Imò Dei hostibus peccare perseverantibus demum omnia spinæ fiunt, quæcumque pedem figunt, spinas calcant. Hæc rerum conditarum dialectica est, hæc illarum argumenta: Tu Deo non obedis, neque nos tibi: tu Deo non das quæ debes, neque nos tibi: antea tui eramus servi, nunc tui sumus capitales triumviri,

&

a Deut. c. 31. v. 25. *b* Isa. c. 7. v. 18.*c* Sap. c. 16. v. 19. *d* Aug. in psal. 134. fine.

& multam à te Domini vicem exigimus. In rem optimè dixit Gregorius: Qui in cunctis deliquimus, in cunctis ferimur *a*. Certè quod Nahum clamat, Deus emulatur & ulciscens Dominus; ulciscens Dominus & habens furorem, ulciscens Dominus in hostes suos, & irascens ipse inimicis suis, Dominus in tempestate & turbine ejus. Increpans mare & exiccans illud, & omnia flumina ad desertum deducens *b*.

Ita Noëmi avo homines scelerati Dominum irascentem & ulciscentem experiti, qui in cunctis deliquerunt, in cunctis feriebantur: quia omnibus abusi animalibus & elementis, aëre, terra, aquis; omnia ipsius, aër, terra, aque in vindictam versa: aër & terra illis subducta, aqua in carnificem mutata. Hic denuo duplicem ex more præceptionem tradimus.

a Greg. hom. 35. in Evang.

b Nahum. c. 1. v. 2. & seqq.

§. III.

I. *Servis non abutere.* Omnia vestra sunt, inquit Paulus, in obsequium & commodum vestrum conducta; tot servi, tot ancillæ, quot res creatæ. Dei mensa vivunt omnes. Deus omnibus suum salarium persolvit. Nobis sapius cogitandum, quod domino fortunæ admodum modico. Alit is quidem domi suæ famulum, sed non suis expensis, è Principis ærario hi sumptus fluunt. Atque hic talis dominus, si quidem sapiat,

sapiat, modestè aget, ne illi famulorum aliquis occentet: Quid iste regulus mendicissimus nos adeò exagitet, & imperet nobis quæ nostri muneris non sunt, cum tamen illius peculio non vivamus? Ita nos homines mera mendicabula sumus, & quid rebus creatis pro earum obsequiis rependimus? à Deo ipsis explicatissima solutio, Deus repræsentat. Deus etiam in antecessum dat, ex ærario Dei omne pretium enumeratur. Ergo his famulis nostris modestissimè utamur, & nullam umquam rem creatam in Creatoris offensam pertrahamus. Impiæ voces sunt, & in supremum Dominum admodum injuriosæ: Huc ades vinum, potandum es, etiam ultra sitim: Veni gallina, veni perdix, veni columba, devoranda es, etiam ultra famem: Huc adeste nummi, expendendi estis, (quid enim arcam occupatis?) etiam in luxum, etiam in libidines. Huc corium, huc tela byssina; vestis Coa, huc sericum & holosericum, non tegendo tantum, sed ad pompam comendo corpori. Hoc sanè res creatæ in mandatis non habent, ut gulæ famulentur, ut serviant temulentia, ut superbiæ ancillentur. Hæc summa in Deum injuria est, quòd servis, quos ipse nobis conduxit, quibus & salarium persolvit, in ipsius contemptum, ignominiam, probrum, injuriam utamur. Pugnat cum illo orbis terrarum contra insensatos. Creatura enim tibi factori deserviens excandescit in tormentum adversus injustos, & lenior fit, ad benefaciendum
pro

pro his , qui in te confidunt *a*. Ergo his
servis tuis rebus creatis, quàm potes, mo-
destissimè utere.

II. *Vindictam DEI reverere atque adora.*
De Numinis pervigili vindicta Paulus, Vo-
luntariè enim, inquit, peccantibus nobis,
post acceptam notitiam veritatis, jam non
relinquitur pro peccatis hostia ; terribilis
autem quædam expectatio judicii, & ignis
emulatio , quæ consumptura est adversa-
rios *b*. Ita ignis in Dei hostes furit & pu-
gnat. Si quis sibi malè conscius sit hominis
læsi, metuit & cavet, ne se periculis expo-
nat , facile enim conjectat injuriam non
impunè dimittendam, ideò se munit, fer-
ream tunicam induit, sollertissimè atten-
dit, ne alteri occasionè præbeat sui aggre-
diendi. Hæc in hominem valet armatura.
Christus subinde vigilantissimo dormit
oculo, patientissimè agit, injurias sibi fa-
ctas supplicio nullo punit. Tandè excita-
tur tamquam dormiens, tamquam potens
crapulatus à vino *c*. consurgit in hostes.
Non jam hostiæ, non veniæ, non gratiæ,
sed Dei vindictæ justissimè locus est. Quòd
si quid vindictæ debeamus divinæ, nec
modus , nec tempus, nec locus ullus est
effugiendi. Verissimus Tobias, Non est, in-
quit, non est qui effugiat manum tuam *d*.
Eximie , & ad rem sapienter dixit Zona-
ras : Sui muneris non oblita Dei vindicta,
tamen si lento gradu procedit , venit tan-
dem

a Sap. c. 16. v. 24.

b Ad Heb. c. 10. v. 26. & 27. c Ps. 77. v. 65.

d Tob. c. 13. v. 2.

dem *a*. Vti fur subinde magistratui se ultro ingerit, & suppliciis offert, vel invitus. Ita Nemesein divinam nusquam est effugere. Adscendis in cælum? expectat te. Abis ad inferos? jam adest. Maris extrema petis *b*? Prævertit te. Quocumque fugias, sub unguibus jam captus hæres. Ita Noëmi tempestate effugium non erat ullum. Non est sapientia, non est prudentia, non est consilium contra Dominum *c*. Dubium non est ullum, quin plurimi metu, alii providentiâ extemporales domos transtulerint in altissimos montes, quo credi poterat non perventuram eluviam. Frustra omnia, nil opis superest, auxilium omne concidit, præsidii tempus omne periit. Jam actum est. Agamus, dum licet, poenitentiam.

a Zon. tom. 3. in Romano Leæpæno.

b Psal. 139. v. 8. eò allusum. *c* Prov. c. 21. v. 30.

§. IV.

Sed antequam ipsum diluvii spectaculum horrendum in oculos, inque animum admittamus, Elegiographum veterem de diluvio, quod vocabant, Deucalioneo carentem audiamus. Hoc metrum est, sed herois pedibus instructum.

*Pœna placet diversa, genus mortale sub undis
Perdere, & ex omni nimbos dimittere calo.
Protinus Æolis Aquilonem claudit in antri,
Et quacumq; fugant inductas flumina nubes,
Emittitque Notum, madidis Notus evolat alis,
Terribilem picea testus caligine vultum,*
Barba

Barba gravis nimbis, canis fluit unda capillis,
 Fronte sedent nebula, rorant pennaque sinusq;
 Vique manu late pendentia nubila preßit,
 Fit fragor, & densi funduntur ab athere nim-
 bi,

Nuntia lunonis varios induta colores
 Concipit Iris aquas, alimenta; nubibus affert,
 Sternuntur segetes, & desplorata colonis
 Vota jacent, longique perit labor irritus anni.
 Nec calo contenta suo est Iovis ira, sed illum
 Caruleus frater juvat auxiliariis undis.
 Convocat hic amnes, qui postquam testä ty-
 ranni.

Intravere sui, Non est hortamine longo.
 Hunc, ait, utendum, vires effundite vestras;
 Sic opus est, aperite domos, ac mole remota
 Fluminibus vestris totas immitte habenas.
 Iusserat, hi redeunt, ac fontibus ora relaxant,
 Et defrenato volvuntur in aquora cursu.
 Ipse tridente suo terram percussit, at illa
 Intremuit, motuque vias patefecit aquarum.
 Expatiat a ruunt per apertos flumina campos,
 Cumque satis arbußta simul, pecudesque viros-
 que,
 Testaque cumque suis rapiunt penetralia sa-
 cris.

Siqua domus mansit, potuitque resistere tanto
 Indejecta malo, culmen tamen altior hujus
 Vnda tegit, pressaque latent sub gurgite turres.
 Iamque mare & tellus nullum discrimen ha-
 bebant :

Omnia pontus erant, deerant quoque littora
 ponto.

Occupat hic collem, cymba sedet alter adunca,
 Et ducit remos illic ubi nuper ararat.

*Ille super segetes; aut mersa culmina villa
Navigat, hic summa piscem deprendit in ul-
mo.*

*Figitur in viridi (sic fors tulit) anchora prato.
Aut subjecta tegunt curva vineta carina,
Et modo quæ graciles gramen carpere capella,
Nunc ibi deformes ponunt sua corpora phoca.
Mirantur sub aqua lucos, urbesque domosque
Nereides, silvasque tenent Delphines, & alii
Incurstant ramis, agitataque robora pulsan-
Nat lupus inter oves, fulvos vehit unda le-
nes,*

*Vnda vehit tigres, nec vires fulminis apro,
Crura nec ablato prosunt velocia cervo,
Qua sitisque diu terræ ubi sistere possit,
In mare lassatis volucris vaga decidit alii.
Obruerat tumulos immensa licentiæ ponti,
Pulsabantque novi montana cacumina flu-
ctus.*

*Maxima pars unda capitur; quibus unda pe-
percit,*

Illos longo domant inopi jejunia victu:

*Hæc ludicra in antecessum videbantur
præmittenda. Nunc animum in nimis
quàm seria defigamus.*

C A P U T XIII.

*Miserabilis tot hominum in diluvio in-
teritus.*

SP E C T A C U L U M iræ divinæ inaudi-
tum, infandum, nimisque horribile
hoc capite proponendum, quod Gene-
seos scriptor paucis executus, Factumque
est, inquit, diluvium quadraginta diebus,
&

& quadraginta noctibus super terram, & multiplicatae sunt aquae, & elevaverunt arcam in sublime à terra *a*. Hebraeus Psaltes rex David quàm pavidus dixit: Quis novit potestatem irae tuae, & prae timore iram tuam dinumerare *b*. Fulminatrix est ira Dei, quam nulla vis arceat. Iratus Deus ob unicum peccatum hominis unci omnem humanam gentem capite damnavit, & morti addixit, omne vivendi spatium laboribus, miseriis, doloribus, ærumnis infinitis opplevit. Argumentum irae multo quàm vivacissimae. Quae tamen hic non consistit, sed insuper mortales innumeros morte prima sublato in alteram eamquæ æternam præcipitat, flammis objicit æternis. Hoc prorsus humanam intelligentiam excedit. Quis novit potestatem irae tuae? Et quis non timebit te, ô Rex gentium *c*?

Ira Dei non præcipitat, ubi autem sumpsit initium, in furorem crescit implacabilem. Hinc David rex toties precatur: Domine, ne in furore tuo arguas me. Annis Deus quingentis iram æquissimam cohibuit. Erupit demum tot annis compressum fulmen. Nihilominus cùm irascitur Deus, misericordiae recordatur. Quod idem Hebraeus Psaltes confirmans, Iratus es, inquit, & misertus es nobis *d*. Hac ipsa Dei gravissima ira summæ habuit mixturam lenitatis. Potuisset Deus tam perditè malos momento mergere, noluit

L

tamen

a Gen. c. 7. v. 17. *b* Psal. 39. v. 12.

c Hier. c. 10. v. 7. *d* Psal. 59. v. 3.

tamen bonitas divina subitis eos fluctibus obruere, sed aquas iussit sensim crescere, ut esset etiamnum resipiscendi spatium, dum aquæ omnium montium cacumina superarent.

Josephus diluvii mentionem injiciens, Hujus diluvii, ait, & arcæ meminerunt omnes barbaricæ historiæ scriptores. De eo explicando nos primo loco diximus, Quis eo tempore orbis status fuerit, quid impulerit Deum ad omnem humanam gentem exscindendam. Secundo loco, in quanta Noëmus gratia, quibus virtutibus ornatus, quàm Deo unicè charus fuerit, quot annis imminens supplicium prædixerit. Tertio, quanta Deus accuratone arcam singulaque ejus membra dictaverit, quàm longam, quàm altam illam esse voluerit, quæ contignationum discrimina, quo loco januam, quo fenestram particulatim esse jusserit. Quarto, quomodo Noëmus denique cum familia, & omni pecore ingressus, quis pecoris numerus, qui Noëmus à Deo in arca occlusus. Nunc ipsum sequitur diluvium, præcipuè quo modo immisum fuerit, explicandum.

a Josephus l. i. *Antiquit. Judaic. c. 4.*

S. I.

Diluvii tempus sacræ paginæ hunc in modum designant: Mense secundo, septimo decimo die mensis, rupti sunt omnes fontes abyssi magnæ, & cataractæ cali apertæ sunt, & facta est pluvia super terram quadraginta diebus & quadraginta nocti-

noctibus *a*. Primus Hebræorum mensis
 Yar Marfonane appellatur, nostratem
 Martium & Aprilem occupat. Secundus
 Nisan Aprilis & Maji partes complecti-
 tur. Ita diluvium mense Majo cœpit, an-
 no ab orbis conditi principiis millesimo
 sexcentesimo quinquagesimo sexto, cum
 Noëmus annum ætatis sexcentesium
 jam explēset. Idcirco autem omnium
 amœnissimo mense Majo initium sum-
 pfit eluvies, ut luculentè doceret Deus,
 causam irruentium aquarum non esse na-
 turalem è pluviis hiemalibus, sed id-jussu
 suo fieri, idque sub æstatis principium,
 quo calor & siccitas solerent invalescere.
 Ut igitur tanto majore dolore torquere-
 tur obstinata impietas, tantoque acerbius
 flagitia vindicarentur, tempore anni
 amœnissimo rapiuntur ad supplicium,
 quo sibi læta omnia polliciti *edebant*
 & *bibebant* *b*. Moriendum miseris, cum
 maximè cogitarent genio ac voluptati
 vivere.

Hoc Nabuchodonosori, hoc Amano,
 hoc Herodi, hoc Epuloni purpurato, hoc
 aliis innumeris evēnit, cum potentiam &
 opes, cum favorē & dignitates, cum deli-
 cias & voluptates avidius inhiarent, perdi-
 derunt. Ita futurum Christus apertissime
 prædicens. Quā horā, inquit, non putatis.
 Filius hominis veniet. Quod confirmans
 Paulus, Cum enim, inquit, dixerint pax &
 securitas, tunc repentinus eis superveniet

L 2 inte-

a Gen. c. 7. v. 11. & 12.

b Luc. c. 17. v. 27.

interitus, sicut dolor in utero habentis, & non effugient a Incredulis prorsus mortalium ea est cæcitas In alia re nulla præferim pecuniaria, eventibus incertis fidimus. Omnium vox est Non fido, non fido; da syngrapham, da chirographum, subscriptionem volo; certus, securus esse cupio. Tu meam pecuniam petis? ego verò non solum tuam fidem, sed tui chirographi cautionem exigo; pecuniis meis plenissimè cautum volo. Tanta est in locandis aut commodandis nummis accuratio nostra. At vero in rebus animi (hæc, o' secro, probè notentur) & in iis qua felicitatem perpetuam, aut exitium æternum spectant, planè incuriosi, oscitantes, somniculosi, negligentes sumus. Inutiligentia vix umquam laudanda. Nil autem æquè vituperandum, aut adeo nocivum, quàm rei maximè necessariæ incuria, qua nos maximè laboramus, cum de thesauris & deliciis agitur æternis. Et quod culpam insuper plurimum auget, quando etiam, idque sapius, & quidem à fidelissimis monemur, nihilominus tamen ad frugem sapere negligimus, & expertes curæ securum avum agimus. Quo nomine hos animi sensus compellenti, fatuitatis & stultitiæ, an cæcitatæ & insanitiæ? Hos tales deplorans Hieremias, Renuerunt, inquit, accipere disciplinam, induraverunt facies suas supra petram, & noluerunt reverti. Ego autem dixi. Forsitan pauperes sunt & stulti, ignorantes viam Domini, iudicium Dei

Dei sui. Ibo igitur ad optimates, & lo-
quar eis: ipsi enim cognoverunt viam Do-
mini, iudicium Dei sui: & ecce magi hi
simul co-fregerunt iugum, ruperunt vin-
cula *a.*

Ita diluvium mense Majo, sique octavo
die Maji, ut Scriptorum nemo censet,
eo certè tempore cœpit, quo minime
supplicium hoc intuebatur. It sup-erunt
omnes fontes, & cataraeta cali aperta
sunt. Et facta est pluvia super terram qua-
draginta diebus & quadraginta nocti-
bus *b.* Fossa, antra, specus, omni-que a-
quarum receptacula referarunt, maria
omnia suis terminis egressi, effuderunt
se, quidquid latuit aquarum sub terrâ,
erupit; omne barathrum, omnis aquarum
matrix, voragines omnes ebullierunt;
abyssus ad flumina & maria venis pertin-
gens aquas totâ vi evomit, in aquarum
locum aë successit *c.* Hæc aquagia, has
undarum cellas Rex cælestis aperuit in
supplicium tot noxiorum capitum. Nec
enim infernè solum, sed & supernè rue-
bant flumina, cataraeta cali aperta sunt,
perinde si dixisset Deus: Vtrinq; vos im-
pugnabo, includam ab omni parte, unde-
quaque mors captos in sua retia compel-
let. Ita Deus aquaria sua in noxios effudit,
ut ipso illapsu suo quasi dicerent: Iam tem-

L 3 pus

a Hier.c.5.v.2. & seqq.

b Gen.c.7.v.11. & 12.

*c Ita Franciscus Valesius in sacrâ Philo-
soph.c.63: Ita Basiliius, Hieron. Damase. Ber-
nardus, ita Plato & Philo.*

pus est puniendi; latamur summam hominum nequitiam tandem ad finem perductam.

En, obsecro, quæ Deus armamentaria in nubibus, & sub terra, abdiderit, Miratus ea Iobus, Numquid ingressus es, inquit, thesauros nivis, aut thesauros grandinis aspexisti? Quæ præparavi in tempus hostis, & in diem pugnae & belli *a*. Vtrumque hoc armamentarium Deus aperuit, & tamen ad cucullum pulverarium non pervenit, nec enim opus; aquariam turrim sic nutu movit, ac si omnes nubes totusque aer colliquatus fuisset. Flavius Iosephus jugulatrices has aquas describens, Ceterum, inquit, Deus signo dato imbres emisit, qui cum quadraginta continuis diebus ruerent, ad quindecim cubitos aqua super terram extitit, quæ causa omnem salutem ademit, non habentibus quo sese in tutum reciperent *b*. Cum vindictæ tempus appetit, Deus paratissimus est ad puniendos noxios, ad perdendos hostes. Conditor supremus est, Iob teste, Qui ligat aquas in nubibus suis, ut non erumpant pariter deorsum. Si continuerit aquas, omnia siccabuntur; si emisit eas, subvertent terram *c*. Emisit, subvertunt. Habenas aquis laxavit, & tam ex alto, quam ab imo ruebant impetu, idque, ut diximus, anno mundi millesimo sexcentesimo, quinquagesimo sexto, octavo die

a Iob c. 38. v. 23.

b Iosephus l. 1. Antiquit. Iudaic. c. 4.

c Iob c. 12. v. 15.

die Maji, cum Noëmus annum ageret sexcentefimum. Atque hæc de diluvii tempore. Nunc ipsæ turbæ pereuntium contemplandæ.

§. II.

Emittamus in orbem oculos, iisque sol-
lèrter & attentè contueamur, quomodo
ubique locorum homines passim ab aquis
abrepti, ubi diu resisterunt, succumbant
demum & suffocentur: non potuisset non
animo percelli & dolere, quisquis vel par-
tem tragœdiæ tam lugubris spectasset.
Quàm graviter afficit animum, vel uni-
cum hominem videre morientem: tot
turbas miserrimè pereuntes cernere, quis
sine gemitu ac lacrimis potuisset? Idcirco
Deus hanc etiam ob causam Noëmum
tam sollicitè inclusit, ne, si vellet, aspicere
posset tot cadentia funera. Nos etiamnum
in tuto Misericordiæ clivo locati confide-
remus non perfunctoriè extremam hanc
calamitatem, spectaculum luctuosissimū.
Videamur nobis videre sensim crescen-
tē aquam, huc illuc discursantes homines,
seminudos, pavoris plenos, penè insanos,
semimortuos. Matres rapiebant parvulos,
sed quo fugerent, nesciebant. Alii mensam
deseruerunt, effugii locum indagantes.
Alii, quantumvis ægri, lectulis excussi
profilierunt in apertum, ut locum quæ-
rent securum, nusquam inventuri. Alibi, ut
se se casus subiti dabant, vir manu trahebat
uxorem, illa puerulum, uterque prolem
vehebant, dorso enisuri in altum, sed
in lubrico labuntur, cadunt, hauriuntur.

Alibi familiæ totæ subitis fluctibus oppressæ, eo ipso loco sepeliuntur. Multi supremum tectum, alii quas potuerunt celsissimas arbores conscenderunt. Alii perreptârunt in montes, sed nec ibi effugium ullum. Hinc illinc jam vere naufragi de tabulis, quas ministrabat necessitas, certabant, adjuti illis, sed exiguo tempore, denique nihil poterat tueri pereuntes. Alii natantia jam cadavera cernebant, nec aliud fatum sero lacrimantes expectabant. Nunc hi, nunc itti, nunc illi, nunc alii ab undis abripiiebantur. Ingens ubique fletus, clamor, ejulatus, mugitus, ululatus, horrenda ubique desperatio. Nulla jam domus, nullum tectum, nulla arbor, mons nullus servare potest certæ neci destinatos. Assilientes fluctus veluti dracones, aut immanes ceri glutiebant noxios. Pavor, angor, horror maximus occuparunt omnia. Miserandæ morientium voces locis omnibus audiebantur. Mutuam quidem opem implorabant, & verò etiam juvare laborabant, sed inuito conatu: dum clamant & ululant, abripiuntur fluctibus & merguntur. Huic inevitabili mortis necessitati vis nulla valuit resistere. Horis singulis incrementum sumpsit calamitas. Spectaculum pereuntis orbis atrocissimum.

Hic altâ mente pertractandum, qui tandem aliqua sese prodiderit poenitentia, sed nimium serâ; dolent, sed frustra, Noëmo non paruisse. Nunc animo commoventur, quod optimum senem ut fatuum irriserint.

rint. Nunc undique acclamatur : Quàm felix es tu cum tuis, ô Noë, quàm vera vaticinatus es ! O utinam etiamnum pateret arca, quàm toleranter famem & sitim ferremus omni vita, modò in illa liceret vivere. Potuissèmus illa recipi, si voluissèmus. Sed negleximus, minis non credidimus, improbè insanivimus. Eheu ! quàm fecimus malè ! Ah ! si Deus etiamnum nostri misereatur ! Hæc benè, sed nimium serò : Serò sapiunt Phryges : diu satis expectatum Sæculum totum in poenitentiam concessum. Erant qui monerent, qui erudirent, qui frustrà prædicerent, sed non erant qui audirent. Cunctantem Deum impulistis ad expetendas poenas. Iam parendum est fatis.

At contrà plurimi haud dubiè, velut jam ad orcum detrusi, impias voces jactarunt in Deum, veluti sævum & crudellem tyrannum, qui tot homines velut catellos recens natos mergeret. Ita undis occupati, ut nec réforbere quidem voces impias liceret.

Hinc verò discamus, Christiani, quid demum mali sit peccatum, quod orbem universum in extremas deduxit calamitates. Hinc etiam liquet, in quas iras exardescat Deus, si peccatis non ponatur modus & finis, si cohortationes flocci pendantur, si sola curæ sit voluptas, emendatio seria sequatur nulla. Hæc vivendi temeritas solam cogitat Dei misericordiam, justitiæ oblita. Quod accuratius expendens Gregorius, Quisquis eum, in-

quit, iustum nunc non timet, postea non valet invenire misericordem, & omnipotentis Dei misericordia dicitur ejus non recordari, qui omnipotentis iustitiae fuerit oblitus *a*. Hunc vana certe somnia solantur, dum sibi ipse idemtidem promittit: Nondum eò periculi res deducta est: ubi ad extrema venero, Deus, spero, non omne tempus mihi præripiet, spatium ad colligendum me habebo. Sed numquid tempus & spatium est ei negatum, qui licet repente opprimatur, duos tamen, tresve, quatuorve, ac plures etiam annos, ut resipisceret, monitus, dum rediret expectatus est? At spreta toties misericordia, neglecta gratia, insurgit demum iustitia, punit vindicta. Ita Deus denique obliterat, delet, eradit, abolet, expurgat fame, ferro, peste. Ita cluendum est scelus obstinatum. Quod si tale sit diluvium aquæ in terra, quale diluvium erit flammæ in gehennâ? Quàm terribilis Deus in consiliis suis super filios hominum *b*! Qui convertit mare in aridam, & aridam in mare. Mirabiles elationes maris, mirabilis in altissimis Dominus *c*.

a Gregor. l. 16. Moral. c. 31.

b Psal. 65. v. 5.

c Psal. 92. v. 4.

§. III.

Quid ergo fiet supremi iudicii die, qui similiter omnes obruet ex improvviso? Id Christus ipse in divinissimis concionibus suis in exemplum commemorans Sicut autem,

autem, inquit, in diebus Noë, ita erit & adventus filii hominis. Sicut enim erant in diebus ante diluvium comedentes & bibentes, nubentes & nuptui tradentes usque ad eum diem, quo Noë intravit in arcam, & non cognoverunt, donec venit diluvium, & tulit omnes: ita erit & adventus filii hominis *a*. Quò cunctantiùs Deus ad sumendum supplicium descendit, eò terribilius. Et quemadmodum in iram vehementer accensus, præ ira membris omnibus tremit, ita Deus in omnibus creatis rebus, ut aliqui sentiunt, terrores concitados & iracundos præ se tulit. Cælum omne infremuit, audiebantur crebra tonitrua, fulgura & fulmina emicabant, atratus incessit æther atris nubibus vestitus, perinde si diceret: Funus orbis vobis omnibus indictum, qui ducendo Deus suas faces accendit. Ad extremum flere coepit, & grandibus guttis terram obruere, nec mirum, ipse Dominus tactus dolore cordis intrinsecus. Atque ut morientis orbis funestissimum luctum attentius commeditemur.

Fingamus animo in editissimi montis vertice nos stare, & inde oculos in omnem partem circumferre, & vegetissimo visu acutum cernere, quàm tristi spectaculo viri, femina, liberi, senes, juvenes, huc illuc per montium juga velut amentes & rabiosi discursent, & asylum ab aquis
jam

jam vicinissimis investigent : interim inundatio magis magisque excreseat, jamque domos, castra, pagos, oppida, civitates tegat, & quidquid residui vivit, impetu abripiat, & in inum mittat gurgitem, jamque pane summorum montium capita horribilis eluvies transcendat. Hinc inde simul audiantur voces : Pereo, absuor, obruor, mergor, morior. Spectaculum luctus plenissimum.

Sed, ô Christiani, etiam nos nostrum hauriet diluvium ; mari mortuo submergemur omnes, in ipso brevi opprimemur lectulo. Et forsan hoc diluvium jam genua, jam lumbos, jam collum tangit. Eximiè Anselmus & Bernardus tam non hoc diluvium, quàm præteritum illud oratione complexi sunt : Angustæ erunt vix undique reprobis. Suprà iudex iratus, infrà chaos horrendum, à dextris peccata accusantia, à sinistris dæmonia ad supplicium trahentia; intus urens conscientia, foris mundus ardens. Sic depressus miser, quò effugies ? Latere impossibile, apparere intolerabile. Sed quæris, quis te accusaturus sit ? Totus mundus, quia offenso creatore omnis creatura odit offendentem. Rogo, inquit, Bernardus, quid inter hæc mentis erit peccatoribus, qui nunc latantur cùm malefecerint, & exultant in rebus pessimis ? Quid, inquam, animi tunc habebunt, ardentibus elementis, terra dehiscente, & hiatu terribili chaos demonstrante tartareum, consurgentibus mortuis, & iudice illo,

Pater omne iudicium dedit, cum omnibus Angelis cælitus adveniente? Mirum me, dum hæc scribo, hument oculi, & cor timore palpitat *a*. Sed hic iterum pensum solvimus, & geminum in paronidem adjungimus documentum.

1. *Mortem ubique expecta*, nam & illa te expectat ubique. Bone Deus, quàm cau-
te, quàm sollicitè fugimus, cum mor-
tuum hoc mare vicinum sentimus, cum
morbus lecto affigit, ligari nos, uri, seca-
re sustinemus, nec ullius amarorem phar-
maci horremus, toleramus omnia, mor-
tuo vitam tueri liceat. Sed etiamsi viri-
dem colliculum aliquanto tempore tenea-
mus, mortis tamen assultum non evade-
mus. Fatale hoc diluvium tandem os oc-
cupabit, & auferet. Decretum istud ne-
mini evitare licet. Statutum est, quidquid
contrà moliamur, statutum est homini-
bus semel mori *b*. Quod sapiens illa The-
cuitis familiariter omnium auribus instil-
lans, Omnes morimur, inquit, & quasi
aquæ dilabimur in terram, quæ non re-
vertuntur *c*. Vti nix ad solem liquefcens
affiduè defluit, dum evanescat, sic vita
nostra horis omnibus sui aliquid perdit,
dum tota defluat. Hodierna certè brevius
est vivendi spatium, quàm hesternæ die:
pars bona defluxit, dilabimur, idque ju-
giter & sine morâ. Mortem igitur ubique
expecta. Respice, à tergo te sequuntur
fluctus

a Anselmus de similit. Bern. tom. 2. serm.
de decem virginibus, mihi pag. 423.

b Ad Hebr. c. 9. v. 27. *c* 2. Reg. c. 14. v. 14.

fluctus qui rapiant vitam; Respice, mors ponè te stat; Respice.

II. *Vitam continuè emenda.* Isidorus calcar admovens, & in hanc mentem perpellens, Festinare ad Deum, inquit, unusquisque debet dum potest, ne, dum non vult cum potest, tardè velit cum non possit. A malo in deterius vadit, qui tempus sibi ad poenitentiam indultum, ad libertatem pravi operis vertit. *a.* Noëmus quanto minus sceleratos homines sibi parere, & quanto magis eos vitiorum dulcedini succumbere vidit, tanto magis & regendæ familiæ, & perficiendæ arcæ attendit. Lapis quo propior terræ cadit, eo fertur concitator. Sunt cerei, qui quo magis ad finem tendunt, eo luculentiorum præbent flammulam. Ita omnino vita nostra quo magis defluit ad excessum, eo sese ardentior erigat ad Deum. Quisque sibi ipse dicat: En, huic tuo centro, terræ, sepulchro quotidie tendis vicinior. Festina igitur, & quo propinquior es fini, eo expeditior tende ad Deum. Diluvium sepelit obstinatè improbos.

a Isid. de summo Bono l. 2. c. 13.

C A P U T XIV.

De Noemi in Arca laboribus, & de aquarum incremento.

ATHENIS in solemniore convivio viri feminæque mixtim confederant, virgines & matronæ pleræque omnes stibio & purpurisso pictæ. Cum autem convivium suam hilaritatem ludo jocisque jam maxi-

maximè explicaret, convenit inter con-
 trarias risui augendo circulares facetias ad-
 mittere. Hic una feminarum ceteris
 longè formosior, nec stibio fucata, hoc
 consilii dedit. Pelluvium aqua plenum
 miseri jussit ea lege, ut omnes in orbem
 convivæ à summo ad imum faciem lava-
 rent. Ita illius unius forma inter omnes
 feminas in hoc balneo se insignissime
 probavit, ceteræ tametsi faciem parcente
 manu lavarent, pigmentorum tamen &
 cerussæ fucum maculis contractis coge-
 rantur fateri.

Diabolus Noëmi ævo ita orbem ad suas
 eges formaverat, ut perpetuæ celebra-
 rentur epulæ, assidua agerentur convi-
 via. In his veterator factitios colores fa-
 cillime vendidit. Nihil dubii est, quin in
 conviviis illis & symposiis omnis generis
 petulantia, levitates, nequitia protervita-
 tes, lascivia ac libidines acroamatum vi-
 cem usu & more fuerint receptæ, hilarita-
 tis & recreationis nomine fucata. Hoc
 enim stygius myropola solet, ubiq; loco-
 rum vitia, non ut vitia, sed ut mores hone-
 sta specie, titulo, nomine velatos vendit.
 Ita nequam pigmentarius cerussatam cu-
 tem, purpurissatas buccas nusquam non
 ostentat, vitia virtutis præliniit colore.

Hoc diaboli stibium, hanc cerussam &
 purpurissum istud acheronticum diutius
 Deus tolerare nequit, sed copiosam effu-
 dit aquam in orbem, ut elueret factitios
 hos scelerum colores, & aboleret tot fla-
 gitiorum turpitudines. Noëmus ex tan-

tis millibus se Deo eximiè probavit. Ille quidem in arca ab inundantibus aquis securus, ei tamen in ligneo hoc sepulchro plurimum laboris & ærumnarum erat tolerandum. Quod hoc capite, & unà inundationis incrementum, exponemus.

§. I.

Nemo quæsierit, quid Noëmus tanto tempore in arca fecerit. Annum & dies septemdecim in arca latuit, ut infra demonstrabimus. Deus illi non permisit in otio esse. Dies noctesque abundè habuit cum suis quod ageret. Expendamus aliquantulum viri labores. Convictores Noëmus nimis multos aluit. Plusquam septingentis animalibus cibum potumque subministravit. Neque vero omnibus ex una eademque olla, uti fit pluribus contubernalibus, inferre potuit fercula; suamque cuique mensam, suum pabulum parare debuit, prout specie, vel ipso etiam genere, distinctæ erant animantes. Nec solum pabulum afferre, & suam cuique offam obcipare, quotidiani officii erat, sed fimetum insuper efferre, stabulorum sordes purgare, & ne quid deficeret, singula quorumque domicilia quotidie lustrare. Ita Noëmus cum filiis suis famulus erat pecuarius, ancilla pecuaria cogebantur esse quatuor feminae, Noëmi & filiorum conjuges. Ita Paulinum illud quotidianum fuit: In multis laboribus, in patientia multa a.

Praefat.

Præsertim eo loci, quò nec auræ, nec
 lumini penetrare licuit, ubi nihil liberio-
 ris prospectus, ubi foetor animalium tan-
 tus, ubi merum stabulum Chrysostomus
 hæc animo volvens, Ego autem, inquit,
 super omnia virtutem iusti admiror, Do-
 minique bonitatem & ineffabilem mise-
 ricordiam, quando considero, quomodo
 potuerit versari in medio bestiarum, leo-
 num dicò, & pardorum, & aliarum im-
 mitium ferarum *a*. Qui tandem ista, &
 quidem tanto tempore ferre potuit, tam
 tenebricoso carcere, sepulchro tam foeti-
 do inclusus? Nil erat, quod gaudio, re-
 creationi, solatio esset, nisi hoc unicum:
 In manu Dei sumus. Si placeat Deo, ser-
 vabimur; sin minus, in arca etiam perire
 possumus. Imperium divinum & Volun-
 tas unicè solabantur. In ceteris omnibus
 laboris & molestiarum plurimum. Et
 quamvis alia omnia nihil turbassent, diur-
 na tamen nocturnaue arcæ iniquies, &
 assidui fluctuum assuitus, satis superque
 homines captivos afflixissent. Quod pa-
 riter expendens Chrysostomus. Anno to-
 to, inquit, novum & rarum illum car-
 cerem inhabitat, neque aërem respi-
 rare valens. Quomodo? unde quaque e-
 nim arca munita erat, quo modo substi-
 tit? quo modo duravit? dic mihi? nam
 si ferrea & adamantina illis fuissent cor-
 pora, quo modo potuissent, qui neque
 aëre fruebantur, neque vento, qui non

M

minus

*a Chrysost. tom. 1. hom. 25. in e. 7. Gen.
 mihi pag. 165.*

minus quàm aër ad refocillanda corpora nostra factus est, neque oculos pascere poterant, aut cæli, aut terræ floribus picta spectaculo? Quomodo non excæcati oculi eorum qui tamdiu ibi egerunt? Et si humanis rationibus hæc deprehendere volumus, & illud cogitandum, unde fluvialis & potabilis aquæ copiam habebant in arca viventes? Et ut hæc præteream, quo modo potuit justus ille cum filiis & uxoribus conversationem cum feris & aliis animalibus ferre? quomodo tulit foetorem? quomodo tulit cohabitationem? Prætereà quid passus est, quando apud se recogitabat solitudinem, vastitatem, vitam illam doloribus plenam, omni solatio undequaque destitutam, neque colloquio neque aspectu jucundam: & ignorabat, quanto tempore ferenda in illo carcere conversatio; sic enim strepitus aquarum, & æstus timorem in illo quotidie crescentem generabant. Quid enim jucundi suspicari ipse poterat, qui videbat centum quinquaginta dies aquas in eadem quantitate manentes, & in altum elevatas, & non subsidere *a*.

Et triplici autem argumento discimus aquas supra fidem humanam crevisse. Primum est sacre pagine verbis illis petitur: Multiplicatæ sunt aquæ, & elevaverunt arcam in sublime à terra *b*. Vis aquarum ingens fuerit necesse est, quæ tam-

obstu-

a Chrysost. tom. hom. 25, in c. 7. Gen. mihi pag. 164. & 167.

b Gen. 6. 7. v. 17.

obstupefendum pondus attolleret, uti
 naves attolluntur à mari. Credibile pror-
 sus, Noëmum eo artificio arcam iagenti-
 bus trabibus, tamquam basibus imposi-
 tam struxisse, ut aqua subiens molem
 elevare illam & veluti succollare potue-
 rit, ne in alterutrum latus vergeret, sed
 æquilibrio ferretur. Indicium incrementi
 secundum: Vehementer inundaverunt,
 & omnia repleverunt in superficie terræ:
 porro arca ferebatur super aquas *a*. Hu-
 go Victorinus opinatur arcam ad cubitos
 novem, Lyranus ad duodecim aut trede-
 cim cubitos aquismersam natasse. E
 divinis libris nil affirmandum. Tertium
 diluvii incredibiliter crescentis indicium:
 Et aquæ prævaluerunt nimis super terram,
 opertique sunt omnes montes excelsi sub
 universo cælo *b*. Nullo penitus excepto,
 nec eo, qui nubes transcendit Olympo.

Admirandum illud, quod additur:
 Quindecim cubitis altior fuit aqua super
 montes quos operuerat. Hoc denique fa-
 to quidquid vixerat, sepultum est. Quod
 auctoritas divina gravissimè testatur his
 omnino verbis: Consumptaque est om-
 nis caro, quæ movebatur super terram,
 volucrum, animantium, bestiarum, o-
 mniumque reptilium, quæ reptant super
 terram. Universi homines, & cuncta in
 quibus spiraculum vitæ est in terra, mor-
 tua sunt *c*. Præter morem copiosius hic
 est sacer historicus, perinde si dicat: Tam-

M z

for-

a Gen. c. 7. v. 18. *b* Ibid. v. 19.*c* Ibid. v. 21. & 22.

formidandos eventus non capit humana levitas, nisi eadem bis terve repetantur & inculcentur: ea enim hominum incuria est, ut damnis alienis non facile moveantur; tunc dolent, cùm suis capiuntur malis. Idcirco prioribus sat claris addendum: Et delevit omnem substantiam, quæ erat super terram ab homine usque ad pecus, tam reptile, quàm volucres cæli; & deleta sunt de terra, Remansit autem solus Noë, & qui cum eo erant in arca. Hic sane quinquies terræ fit mentio, ut magnitudo mali caperetur, & animalia in aquis degentia scirentur tantæ claudis immunia.

Quis vero illud intelligentia satis assequatur, quindecim cubitis altiozem fuisse aquam super universos montes, quos operuerat? Quis eo locorum ascendit, & hanc undarum exuperantiam mensus est? Eam certe Noëmus non videre, necdum metiri potuit. Verùm Geometer ille atque Architectus hæc aquarum incrementa mensus est exactissimè, qui & flammæ supra fornacem Babylonicam quadraginta novem cubitis evolantes dimetiri, & ad ulnam revocare potuit. Ex quo etiam patet, hanc diluvii historiam à divino Numine dictatam. Quod vero aquam eo voluerit excrefcere, ut Olympus & Atlas altissimi montes operirentur, & caput undis abderent, id factum ideo, ut viventium nihil evaderet, nec bestiola, nec avicula ulla, & nec homo quidem unicus, sed nec gigas maximus se posset exitio subdu-

abducere. Si enim non omnia montium
 iuga uadis fuissent testa, potuisset vir gi-
 ganteus editissimi montis culmen con-
 scendere, & illic tueri vitam. Pereundum
 fuit omnibus, Noëmo solo cum familia
 eximio. Quàm iratus Deus, quàm gravi-
 ter ab humana gente offensus, qui aquas
 ad supplicium sumendum evocatas ad
 eam eduxit altitudinem, ut ad mediam
 æris regionem credantur pervenisse.
 Censent aliqui, ad mundi finem supremo
 die deflagrationis ignem eo evolaturum.
 Cui sententiæ nec Augustinus repugnat.

Fabula est, quam Hebræi somniant;
 Og gigantem eluvionis impetum evasisse,
 eoque trahunt illud Deuteronomii: So-
 lus quippe Og rex Basan resistit de
 stirpe gigantum *a*. Quæ si vera interpre-
 tatio, rex iste ad octingentos annos ata-
 tem perduxisset. Tot enim à diluvio flu-
 xerunt anni, ad ingressum Hebrææ plebis
 in provinciam Chanaan, quæ quia illis in
 prædam cessit, Tradidit, ajunt, Dominus
 Deus noster in manibus nostris etiam Og
 regem Basan, & universum populum e-
 jus, percussimusque eos usque ad inter-
 necionem *b*.

a Deut. c. 3. v. 11. *b* Ibidem. v. 3.

§. II.

Itaque Noemus solus eluvionis impe-
 tum evasit incolumis, qui tamen annum
 suum hospitium largiter laborando, pre-
 cando, gratias agendo, patientiam cum-
 primis admirandam exercendo exsolvit.

Chrysoftomus hac de re ita differit, ac si Noëmus in perpetuis egisset tenebris, cum tamen alii navigantes aperto cælo fruuntur, suumque iter ad astrorum motus componant, & licet dies aliquot tempestatibus jactentur, vident tamen montes, oppida, civitates, & ubi in portum appulerint, reficiunt sese, procellarum oblit. Hic nihil tale, toto enim anno carcerem recenti aura carentem habitavit. Et tamen utique Noëmo hæc diuturna incarcerationio jucunda fuit, quia sic Deo placuit. Nempe omnia divinis consiliis transcripsit, non disputans, an non ista rectius alio modo peragi potuerint. Nil harum quæstionum movit, illud manere ac fixum esse voluit, in rebus omnibus voluntate Dei ac nutu acquiescere. Lex hæc & regula proborum omnium est, non id quod patiuntur, sed ejus causam, Dei voluntatem intueri.

Noëmus cognatos, amicos, domum tot annis habitatam deferere cogeatur, nihilominus serenam Deo conscientiam exhibere, idem cum illo sentire, probare factum, Dei justitiam adorare, suarum partium esse scivit. Omnes justitiæ ferii cultores generoso animo audent dicere: Si jus & fas exigant, pereat mea domus, imminuantur facultates, comburatur mea uxor, filia, soror, quid ego demum hæc curo, modò detrimenti nihil capiat Dei honor. Doluit Noëmus tot milliones hominum interire, id tamen omne Deo divinæque justitiæ commisit. Nam hic ipse omnium

omnium malorum interitus pauculis illis fuit fructuosus. Etenim ad diluvii finem nemo fuit, qui piam illorum vitam turbaret, qui convitiis aut maledictis afficeret, qui pravis exemplis, aut impuris illiciis corrumpere. Nequitia semen jam fuit extinctum. Deinde illa ipsa interitus tam horrendi memoria frenum erat, quod à vitiis abstraheret, & calcar quod adigeret ad honesta. Non dubium quin tempore postero quotiescunque pluvia vel iris visa, amplissima stragis præteritæ memoriam reducerit.

Hic illud observemus, diluvium mundi geminum esse metuendum, primum Culparum, Poenarum alterum. Nam sicut Noëmi avo, rupti sunt omnes fontes abyssi magnæ, ita diluvium culparum ex inferis velut flumen emergens, undas libidinum & pravarum appetitionum vomit. Quam eluviem impurissimam Oseas averfatus, Non est veritas, inquit, & non est misericordia, & non est scientia Dei in terra: maledictum, & mendacium, & homicidium, & furtum, & adulterium inundaverunt, & sanguis sanguinem tetigit, propter hoc lugebit terra *a*. Quod Beato Anselmo Christus ostento caelesti dicitur monstrasse. Videbat Anselmus flumen rapacissimum sordibus plenum, quod magno rueret impetu, & cænum orbis veheret. Quotquot hominum ad ripam hærebant, flumen abripiebat, viros, feminas, opulentos, egenos,

M 4 quibus

quibus nimirum volupe fuit tam impuris undis volutari. Obstupuit vir sanctus viso tam prodigioso, & nosse cum primis cupiebat, quid oblata species portenderet. Divinitus intellexit, fluvio mundum, undique fallacias: qui illo volutarentur, designari eos, quos pascere sordidissimæ mundi deliciæ.

Verè fluvius est, quidquid fixarum rerum possidemus, ab alio ad alium atque alium transeunt. Non tantum hic æternum nihil, sed nec stabile. Quisquis affectu inhæret tam caducis, trahitur & fordes bibit. Detestatus hanc sitim Iobus, Abominabilis, inquit, & inutilis homo, qui bibit quasi aquam iniquitatem *a*. Quo autem decurrit hæc aqua? In fauces Behemots. Nam eodem Iob teste, Ecce absorbebit fluvium, & non mirabitur, & habet fiduciam quod influat Iordanis in os suum *b*. Nec enim idololatrias solos, sed & Christianos in prædam sibi cessuros sperat.

Atque hoc effrenatarum cupiditatum & culparum diluvium ævo Noëmi primum erat; natabat in eo sceleratus orbis, homines ubi hominem exuissent, velut vituli marini in hoc vitiorum oceano luserunt. Hos fulminans è cathedrâ Chrysostomus, ob carnales, inquit, voluptates, quibus immersi erant, amiserunt esse hominis. Noë solus homo, ceteri non homines, sed ex hominibus in bestias mutati malitia voluntatis.

Post

a Iob. c. 15. v. 16. b Iob. c. 40. v. 18.

Post istud igitur culparum diluvium sequebatur alterum Poenarum à cælo terraque immissum tot sordibus eluendis. Quid miramur orbem plenissimum ærumnis, cum exundet peccatis? diluvium delictorum non claudio pede comitatur diluvium morborum, luctus & dolorum. Hic geminum ex more documentum appendimus.

§. III.

I. *Obscæna omnia & spurca fuge.* Quod carnem sapit, picis instar inhæret, inquinat, verbis & cogitationibus se miscet, inficitque omnia. Vnicus subinde nutus oculi hominem venenat. Si orbis olim adversus Deum succlamasset: *Eccur, Domine, tuam effigiem vivam, hominem perdis?* respondisset Dominus: Quia caro est. Cur tamdiu benignus non parcis diutius? Quia caro est. Sed cur, ô Domine, summum orbis artificium vis destruere? Quia caro est. Cur animantium regem tam infami damnas supplicio? cur calo conditum submergis? Haud aliud à priori dedisset responsum: Quia caro est. Nos sæpe libidines nostras specioso nomine humanæ fragilitatis præteximus, maximam continentiaæ difficultatem obijcimus, & plurima hic excusamus. Hæc dici speciosè possunt, nec enim saus vitis color deest, interim vociferantur factoræ paginae, orbem abolitum, homines extinctos, quia caro fuerunt. Hoc enim summè displicitum est Deo, hominem ra-

tionis, sed ad carnis dictamen pleraque omnia factitare. Atque hoc canosum illud ac turbidum flumen est, quod maximam orbis partem ad ventris curas & carnis voluptates trahit. Cave ripam fluminis, cave quidquid carnem & libidinem olet, pus est, foetor & turpitudine, canum est, certa pestis animi est. Obscena omnia & spurca fuge.

II. *Adversa tolera.* Humanæ miseriæ diluvium sunt pœnarum. Velimus, nolimus, omnes eo volvimur. Vbi culpa, ibi & pœna; ubi peccatum, ibi & peccati supplicium. Hic eximius nemo. Sed hoc soletur: Flumen est, non consistit; labitur assidue, defluit. Quod hodie patimur, cras non dolet. Imò quod hodiernâ luce toleramus, crastina exhilarabit, ob diæ præteritæ tolerantiam. Lætati sumus pro diebus, quibus nos humiliasti; annis, quibus vidimus mala *a*.

Hoc pœnarum diluvium omnibus hominibus destinatum balneum, hoc nostrum est lavacrum. Quoniam per multas tribulationes oportet nos intrare in regnum Dei *b*. Ne quis autem malorum molis succumberet, solatur & erigit Tobias his omnino monitis: Hoc autem pro certo habet omnis qui te colit, quod vita ejus, si in probatione fuerit, coronabitur *c*. Ecquid trepidamus, cum pœnarum nos diluvium una cum aliis involvit? Vox amantis etiam nota est: Ego, quos amo,

arguo

a Psal. 89. v. 15. b Actor. c. 14. v. 21.

c Tob. c. 3. v. 21.

ergo & castigo *a*. Certissimum: Quem diligit Dominus castigat, flagellat autem omnem filium; quem recipit *b*. Nemo quem abjiciat, nemo cadat animo. Judicia teste Abraham tentatus est, & per multas tribulationes probatus, Dei amicus effectus est. Sic Isaac, sic Jacob, sic Moyses, & omnes qui placuerunt Deo, per multas tribulationes transierunt fideles. Illi autem, qui tentationes non susceperunt cum timore Domini, & impatientiam suam, & improprium murmurationis suæ contra Dominum protulerunt, exterminati sunt ab exterminatore, & à serpentibus perierunt *c*. Quàm nerosè & ipse Tobias, Tu flagellas, inquit, & salvas, deducis ad inferos & reducis, & non est qui effugiat manum tuam *d*. Duremus, & nosmet cælestibus servemus deliciis: Iuxta est Dominus iis, qui tribulato sunt corde, & humiles spiritu salvabit. Multæ tribulationes justorum, & de omnibus his liberabit eos Dominus *e*.

a Apoc. 6. 13. v. 19. *b* Ad Hebr. c. 12. v. 6.

c Judith. c. 8. v. 22. & seqq.

d Tob. c. 13. v. 2. *e* Psal. 33. v. 19. & 20.

C A P V T X V.

Cur Deus diluvio tantum temporis permisit. Longanimis patientia Noemi.

IN rebus adversis & tristibus illud plerumque tristissimum solet accidere, cum exitus malorum nullus apparet. Hinc illæ querelæ nostræ: Et necdum ultus

lus est finis? & quando tandem desinet hæc tempestas? & quando cessabit hæc ægrimonia? quis terminus Iliadis tam luctuosæ? Cuicumque malè est, ei horæ videntur hebdomades, aut menses, aut etiam quandoque anni. Mora omnis molestia est mali finem expectantibus. Nec eis quidquam longius videtur, quàm tempus omne, quod miseriarum finem non apportat.

Noëmus hanc ipsam moræ tarditatem accusans dixerit: Ergone nullus calamitatis finis? necdum cælestes iræ deferbuerunt? necdum in portu sumus? Ecquando demum è carcere tam foetido eduemur? Cibus, potus, pabulum paullatim deficiunt: si diu differatur exitus, immunes à diluvio conficiet fames, penuria cibi consumemur. Quid juverit vulgarem mortem evasisse, si pereamus diuiores? Hæc, inquam, Noëmus queri potuisset, nisi aspera omnia, & ipsas longiores moras incredibili patientia & æquanimitate condidisset. Alia post aliam hebdomas, alius post alium mensis labe batur, nec tamen ullum Noëmus indicium audierat aut viderat subsidentium aquarum, nec Deus illi significari jusserat quis diluvii futurus finis.

Obtinueruntque aquæ terram centum quinquaginta diebus *a*. Anno prorsus dimidio, nullum nec minimum quidem indicium erat decre scentium aquarum. Ita ignoravit Noë, quando demum in libertatem

atem cum suis esset afferendus. Duo igitur hic explicanda, 1. Quid præcipuè Noëmum in arcâ perturbare, angere, sollicitare potuerit. 2. Quid sibi voluerit hæc Dei cunctatio, cur Noëmum arca non citius emiseric.

§. I.

Post exactos à diluvii principio quadraginta dies pluvios,

*Omnia pontus erant, deerant quoque littora
ponto a :*

nec enim apex ullius montis est visus. Latuerunt præfixæ sub gurgite turres. Hic magna sanè fides, fideique constantia poscebatur à Noëmo. Tam enim vario tentamine exploratus est in eo carcere, ut nobilis hoc ævo scriptor *b* ausus dicere, mirum eum non desperasse. Inspiciamus tentamenta.

1. Domum tot annis habitatam, cognatos, vicinos, amicos, cara omnia & jucunda deferere cogeatur, & velut victimam offerre morti. 2. In carcerem tenebricosum & foetidum unà cum feris compingebatur. 3. Terrebarur utique ira Dei tam ardente ac implacabili, velut innocentes parvuli attonantur, cum parens in famulos excandescit. Noëmus vel infans formidare malum poterat, quacumque enim prospexisset, mors præsens in oculos incurrerat. 4. Quia probus & inde pavidus metuebat, ne quid Deo forsitan in
se

a Ovid. l. 1. Metamorph. mihi pag. 6. post initium. b Cornelius de Lapide.

se fuisset displicium, & idcirco deserui-
commeruisset. 5. Ignorabat, quamdiu
inaudita hæc tempestas esset sævitura.
Anno dimidio nullum subsidentis aquæ
indiciu sciri poterat. 6. Exitus inde
nullus, arca obserata, captivi omnes
quotquot in eam conclusi. Solum calum
& immensum æquor aquarum poterant
spectari.

Vnus erat toto natura vultus in orbe a.

7. Tot hominum totque animantium in-
teritus virum minime crudelem affige-
bat; ex orbe toto, & ex omni gentis hu-
manæ numero soli octo homines vivi su-
pererant, ceterorum omnium cadavera
fluctibus sepulta. 8. Laborabat in exili
grege domestico firmando ac consolando.
9. Curæ de futuro rerum statu solli-
citabant angebantque. Quo enim tanti
cadaverum cumuli? Num ego cum meis
(cogitaverit) omnium ero vespillo? Num
pecuarius sum & bubsequa.

His offensionibus expositus erat Noë-
mus: sustinuit tamen & superavit omnia.
Magna prorsus fidei constantia, solo Deo
divinaque voluntate ac prudentia niti.
Quanti non durassent inter tam molesta
simul & operosa! mors pane dulcior fuisset
visa. Ita Deus exercet suos perficit-
que. Nos sæpe sollicitudini & curis no-
stris fulcra statuimus, sed nimium infir-
ma. Ita enim quandoque ratiocinamur:
Si non succedat istud, spes meas alteri as-
sigam: si promissum hic fallat, illum
eligam

a Ovid. l. i. Metamorph. initio.

ligam patronum, qui non facile injiciat
 mihi frustrationem si & hic spes decol-
 et, ad illius me potentiam applicabo. Ita
 hominibus & humana potentia, auctori-
 tate, gratia, humanis præfidiis ac promif-
 sis nitimur vani, facilesque decipimur. Sed
 mania hæc vota irridēs Deus. Quæ est ista,
 inquit, fiducia, qua confidis? vel quo con-
 fido aut fortitudine rebellare disponis?
 per quem habes fiduciam, quia recessi-
 sti à me? Ecce confidis super baculum a-
 mandineum confractum istum, cui si inni-
 tus fuerit homo, intrabit in manum ejus,
 & perforabit eam *a*. Ita Deus subducit
 fulcra, non succedunt cœpta, absunt plu-
 rima. Quisquis in his angustiis deprehen-
 sus, divinæ voluntatis ac providentiæ my-
 sterium ignorat, facile despondens ani-
 mum, Actum est, inquit, vellem me pri-
 us esse mortuum, non eluctor è tot æ-
 rumnis; perii. At vero divini nutus intel-
 gens & observans. Hic Dei mos est, in-
 quit, hic cælestis curiæ stylus. Iam novi-
 mus Dei artes in erudiendis nobis, subtra-
 hit fulcra, quibus nitebamur, ut in illum
 solum inclinemur; ego me meis necessita-
 tibus attemperabo, & sperabo in æterna
 bonitate. Hic errare aut falli non possum,
 certus sum. Divini Siracidæ syngraphum
 habemus Nullus speravit in Domino (*nul-
 lus, nullus*) & confusus est *b*. Ita in divinas
 manus me totum repono: etiamsi oc-
 ciderit me, in eo tamen sperabo: Do-
 minus mortificat & vivificat, deducit ad
 inferos

inferos & reducit, Dominus pauperem facit & ditat, humiliat & subleuat *a*.

Ita Noëmus suis sese tentationibus opposuit, suum aquis imperium, & has curas Deo permisit; crescerent porro aquæ, pergeret diluvium, fluitaret arca, quam diu Deo visum. Obtinueruntque aquæ terram, centum quinquaginta diebus *b*, quibus nec creverunt, nec etiam decreverunt, ne constitutam sibi mensuram excederent. Obtinuerunt terram, inquit Moyses, quod Hebraei dixere, roboraverunt se. Nam totis quadraginta diebus in altum eluctabantur, & veluti cum terra certabant, dum cubitis quindecim omnia montium cacumina superarent. Hac potitæ victoria, dominium in terram anno dimidio retinuerunt. Cur Deus, obsecro, tanto tempore totum terrarum orbem aquis sepultum voluit latere & aspectu cali damnatum, quem contemplando celo condiderat? Quis autem consiliarius Domini fuit? Hic satis est dicere? Ita Deo visum, sic placuit bonitati divinæ. Nihilominus possunt assignari causæ.

a 1. Reg. c. 2. v. 6. *b* Gen. c. 8. v. ult.

§ II.

1. Ut offensæ iræque divinæ magnitudo argumentis testatissimis appareret. Aliquos nonnumquam diebus aut hebdomadibus facinorosorum, aliquando etiam Magnatum, cadavera spectaculo & terrori jacent aperta. Ita Orientis Imperator Andronicus dies aliquot inhumatus velut canis mortuus publicè relictus: haud

aliter

aliter Deus triste cælo spectaculum dedit
 anno dimidio, quo humanæ gentis veluti
 cadaver unumolvebatur fluctibus. In aliis
 celerum suppliciis, quando Deus in noxas
 hominum animadvertit, longè mitius a-
 ctum, & facilius fuit poenarum oblivio.
 Sed hic longè aliter sese res habet. Nam
 quocumque figamus pedem, quocumque
 conijciamus oculum, ubicumque locorum
 stedeamus, stemus, jaceamus, ambulemus,
 placebit dicere: Huc Dei vindicta penetravit,
 tunc ipsum, què occupamus, aut calcamus
 locum, occuparunt aquæ; hic mare mortuo-
 rum fuit. Humanæ genti Deus iratissimus.
 II. Causa. Ut tanto magis Noëmi patien-
 tia & fiduciæ constantia probaretur. Vir
 patientissimus nil adversus diluvii diuturni-
 tatem obnurmuravit. Numquam auditæ
 voces: Cur non educimur demum ex hoc
 tabulo? Quid hic velut umbræ ac mortui
 ambulamus? Cur è carcere tam foetido
 non tandem aliquando liberamur? nihil
 horum. Sed ingenti longanimitate ope-
 rebatur tempus, quod Deus libertati suæ
 decrevisset; firmissimè persuasus Deum
 non oblivisci suorum.

III. Tametsi quadagesimo diluvii die
 omnes homines jam expirasse censendi
 sunt, nihilominus immensum hoc mare re-
 statum est, ut tot cadavera consumerentur,
 vel etiam ut fluctus terram hinc illinc a-
 ggerent, eaque ratione tantas cadaverum
 frues humarent. Inde locis pluribus, nec
 dubium, tam inæqualis terra, tot clivis
 & collibus montuosa, in monimentum &
 memoriam universalis excidii sempiter-
 nam.

nam. Ita in rebus omnibus Dei providentia se noscendam exhibet. Insepultos omnes relinquere, intolerandus scœtor; omnes sepelire, infinitus labor.

A quæ admirandam se providentia Dei præbuit in secundarum & adversarum rerum mixtura. Videbatur Deus Noëmi & modicæ illius familiæ oblitus, arca huc illic vagabatur, nullus è cælo mittebatur nuntius, videri poterat dormire cælum. adeò nullum dedit vigilantia singulis hebdomadibus, sed nec singulis mensibus se stitit Noëmo. Dixerit quis: Non curat illos Deus amplius, quos initio tam sedula complexus est cura. Imò verò eos quàm maxime curans, recordatus est Dominus Noë, cunctarumque animantium *a*.

En admirabilem ac prorsus salutarem alterationem & vicissitudinem, qua Deus amara & dulcia, læta & tristia, secunda & adversa, luctum & gaudium commiscet, temperatque, ut sibi ipsis homines ne utique fidant, sed divina providentia nixi spem inter metumque operentur virtuti. Hæc tutissima Deo serviendi via est. Hinc codices divini toties timorem castum lætamque spem ingerunt. Beatus homo qui semper est pavidus *b*. Initium sapientiæ timor Domini *c*. Qui timent te, magni erunt apud te per omnia *d*. E diverso sapius ad piam hilaritatem erigimur. Servite Domino in lætitia *e*. Deus auxilii mei, & spes mea in Deo est: sperate in eo omnis congre-

a Gen. c. 8. v. 1. *b* Prov. c. 28. v. 14.

c Ibid. c. 1. v. 7. *d* Iudith, c. 16. v. 12.

e Psal. 99. v. 1.

regatio populi *a*. Sentite de Domino in bonitate *b*.

Ita nonnumquam experiendo potius, quam legendo discimus à Tobia verissimè dictum: Hoc pro certo habet omnis qui te colit, quod vita ejus, si in tentatione fuerit, coronabitur; si autem in tribulatione fuerit, ad misericordiam tuam venire licebit. Non enim delectaris in perditionibus nostris; quia post tempestatem tranquillum facis, & post lacrymationem & fletum exultationem infundis. Sit nomen tuum, Deus Israël, benedictum in sacula *c*. Ita Deus inunctis operibus suis vicissitudinem amat & alternationem. Adeoq; apud ipsos etiam inferos, quod mirissimum videatur, commutatio & vices sunt fletus & stridoris, sætissimæ flammæ & frigoris acerrimi. Quàm mœnium illud in calo erit: Vt edatis & bibatis super mensam meam in regno meo *d*. Quantæ voluptatis erit cernere, audire, ceterisque sensibus percipere, quod nec oculus vidit, nec auris audivit, nec in cor hominis ascendit *e*.

Quemadmodum ergo Deus in vita memoriori, in vita illa vitalissimâ, ita etiam in hac, quæ vitæ illi præludit, vices amat, variè miscentur & temperantur omnia. Vbi hedera, ibi & vermis; ubi gaudium, ibi & luctus. Quantum latatus est Ionas super inumbrante hedera, tantum tristatus est super vermie tam gratam umbram corumpente *f*. Vbi mel, ibi fel. Conjunctissi-

N 2 ma

a Psal. 61. v. 8. & 9. *d* Sap. c. 3. v. 14.

c Tob. c. 3. v. 21. & seqq. *d* Luc. c. 22. v. 30.

e 1. ad Cor. c. 2. v. 9. *f* Ima c. 4. v. 8.

ma semper mellis & fellis discordia. Luctus in matrimonium duxit latitiam, toro utriusque conjugis indissoluto. Nec Poëtis id ignarum, quorum illud decantatum.

Cand. da nullius it sine nube dies.

Sed longe nervosius Hipponensis Præsul Augustinus cum Deo colloquium miscens, Et cum blandiris, inquit, & cum cædis, pater es; blandiris ne deficiam, cædis ne peream *a*. Permiserat Deus Noëmun cachinnis, sibilis, calumniis peti; illi ipsi tamen promittens, Ponam, inquit, foedus meum tecum; laborem centum annorum imperat, ei tamen totique ejus familiæ vitam servat; concludit eum carcere tenebricoso, & maritimo sepulchro, huc illuc fluctibus jactari sinit nescientem ubinam esset, illius tamen non obliviscitur. Recordatus autem Deus Noë. Hæc eo tendūt, ut geminum hic documentum probè capiamus.

a Aug. in Psal. 98.

§. II.

Inter spem & metum ambula. Ex amicis afflictissimi Iobi unus aliquis, Si subverterit omnia, inquit, vel in unū coarctaverit, quis contradicet ei, vel quis dicere ei potest, cur ita facis *a*? Deus cælum terramque miscet Subinde latior quis cælum sibi videtur habitare, adeo ex voto fluunt omnia, amœna lux in animum ejus sese infundit; volat ille, & suavi voluntate pormulsus clamat: Domine, bonum est hic esse: hoc juvat; ita fruimur vita, paratus est hic homo ad omnia, quæ jusserit Deus, facienda. Subito hic idem ita mutatur, affligitur, turbatur, ut in-

feros

a Iob. c. II. v. 10.

feros sibi videatur habitare. Ita paullo ante in tertium calum cum Paulo raptus, jam velut ad orcum detrusus clamat: Sentio aliam legē in membris meis repugnantem legis mentis meae. Projectus sum à facie oculorum tuorū *a*. Angelus satanae colaphizat me. Quis autem contradicet ei, si in unum coarctaverit omnia terram & maria? Quod si verus Numinis amicus est, cōstans etiam & firmus est, credit & sperat omnia, quæ Deus manifestavit & promisit. Ita quidquid nebularum, fluctuum, procellarū, tempestatum est, tolerat, & unā rogat: Credo, Domine, adjuva incredulitatem meam *b*.

Ita inter spem & metum, tanquam inter geminas rupes transeundum. Ecclesiastes metum incutiens, Sunt iusti atque sapientes, inquit, & opera eorū in manu Dei: & tamen nescit homo, utrum amore an odio dignus sit *c*. Hinc non immerito pavor insurgit & timor. Quem Hieronymus augens. Scire volui, ait, quos Deus diligeret, & quos odisset; & inveni iustorum quidem opera in manu Dei, & tamen uti ū amentur à Deo, an non, nunc eos scire non posse & in ambiguo fluctuare, utrum ad probationem sustineant, quæ sustinent an ad supplicium; in futuro igitur scient. Hinc certè metus augetur. Spem porrò Augustinus excitans, Est quidam modus, inquit, in conscientia gloriandi, ut noveris fidem tuam esse sinceram, noveris esse spem tuam certam, noveris charitatem tuam esse sine simulatione *d*. In eandem spem eri-

N. 3

gens

a Psal. 30. v. 23. *b* Marei c. 9. v. 23.*c* Eccles. c. 2. v. 1. *d* Aug. in Ps. 149.

gens Cyprianus, Viget apud nos, inquit, spei robur & inter ipsas sæculi labētes ruinas, erecta mens, & de Deo semper anima secura. Nihilominus hæc subinde vellicat cogitatio: Deum promississe veniam delictorum scio, sed nescio, an ego veram acturus sim poenitentiam. Viri sanctissimi sub vitæ finē trepidarunt; quid ego mihi de me pollicear? Sed speremus, & ingenti adversus Deum fiducia erigamur. Ita prorsus inter spem metumq; medio itinere gradiamur.

II. *Esto longanimis.* Noënum vide, quot ille quadraginta dialia servarit jejuna, nullum tamen sequebatur pascha. Quadraginta diebus & noctibus continuis pluit. Rogaverit Deum Noëmus: Obsecro, mi Domine, si quidem omnibus moriendum est, accelera finem, & hoc unum perituris, per beneficium & gratiam concede, ut citò pereant. Aliter Deo visum. Nam post quadraginta dies pluvios, secuti centum quinquaginta, dimidius annus, quo toto tempore nihil penitus mutarunt aquæ, sed eadem semper iverunt altitudine. Hic Noëmus sentire moras potuisset & queri: Quis tandem finis tam miseræ navigationis: ecquando demum foetidissimus hic carcer referendus? Sed anno dimidio jam elapso decrescere primū cœperunt aquæ, verum tam lente, ut totus laberetur annus, insuper & aliquot dies, dum Noëmus denique affereretur in libertatē. Et tandem incredibili longanimitate sustinuit tamdiu vivus sepe- liri. Adagium Iudæis erat, quod Deo valdè displicebat. Nam Ezechiel hoc illis exprobrans, Quod est, inquit, proverbium istud

obis in terra Israel dicentium: In longum differentur dies, & peribit omnis visio *a*. Quis expectet tamdiu? Perit omne desiderium inter moras tam prolixas. Longe aliud docet longanimitas. Expecta Dominum, viriliter age, & confortetur cor tuum, & sustine Dominum. Insignissime longanimis rex David, Expectans, inquit, expectavi Dominum, & intendit mihi *b*. Et adhuc pusillum, & non erit peccator *c*.

Ita inter spem & metum cum longanimitate magna ex hujus vitæ fluctibus elustandum. Hortatur Isaias & clamat: Beati omnes qui expectant eum *d*. Non carpet rosas, non leget flores, qui veris adventum præstolari nescit; non intrabit portum, qui maris iracundiâ recusaverit tolerare. Esto longanimis. Constans patientia, non mensibus, nec annis metienda est, sed sæculis. Sapientissime dixit Seneca: Unicum est levamentum malorum ingentium, pati, & necessitatibus suis obsequi *e*. Vera patientia nullum sibi figit patiendi terminum, nec umquam dicit: Ohe, satis est miserrimum. Sat diu hæc pertuli. Patientia perseverans tolerandi metam non quarit aliam, nisi voluntatem divinam.

a Ezech. c. 12. v. 22. *b* Psal. 39. v. 1.

c Psal. 36. v. 10. *d* Is. 30. v. 18.

e Seneca l. 3. de Ira, c. 36.

C A P U T XVI.

Quo diluvii aqua devenerint, quo consilio corvus ex Arca emissus fuerit.

REx cæli in suis insignibus strictum gladium, & frondentem olivam præfert,

ut norit, orbis, quomodo suam ille Rempublicam gubernet, *Premio* nimirum & *Supplicio*; hos punit, hos muneratur; his misericordiam, illis exhibet justitiam: gladio & oliva cives suos coërcet. Et quem admodum diluvio monstravit, quàm sibi facile sit impiorum gaudia luctu turbare, ita etiam ostendit, quàm sibi non difficile, piorum luctum gaudiis emutare. Recordatus autem Deus Noë. Divini codices sapissimè in rebus etiam maximi momenti sensu nostro, & ad humanæ intelligentiæ captum consuerunt loqui, quod Chrysost. sedulo monet observandum. Ergo recordatus Deus Noë. Haftenus celestis Pater æquissimæ iræ habenas eò laxavit, ut humanæ gentis jugulum petens innumeros homines neci dederit. Hinc amici sui optimi & pane unici velut oblitus potuit censer. Sed non in finem oblivio erit pauperis, patientia pauperum non peribit in finem *a*.

Ita & Noëmi Deus (humano ritu loquimur) iterum recordatus, cuius videri poterat oblitus; imminuta subsedit aqua, montes iterum sua exeruerunt capita, spes affulsit vicinioris jam libertatis. Qua in re duo potissimum consideranda. 1. Quo diluvii mare immensum devenit, in quas sese cavernas penetrarit. 2. Quomodo Noëmus aquarum diminutionem explorare voluerit per corvum, qui emissus non rediit. Vtrumque hoc explanandum.

a Psal. 9. v. 19.

§. I.

Postquam centum quinquaginta dies abierunt, quibus aquæ terrarum orbem tenuerunt

uerunt sepultum, ipsæ verò uti non au-
ctæ, ita nec imminutæ sunt. Hoc igitur ex-
acto tempore, Adduxit Dominus spiritum
super terram, & imminutæ sunt aquæ *a*.
Immisit Deus ventum calidum & vehe-
mentem, qui vi non naturali, sed divina,
eam aquarum eluuiem in suas cavernas, in
antra, specus, foveas, inque suam abyssum,
unde emerferat, cogeret redire. Hinc Hi-
storicus sacer dixit: Et clausi sunt fontes a-
byssi, & cataractæ calî, & prohibitæ sunt
pluviæ de calo *b*. Nimirum Deus aquagia
sua, quæ aperuerat in supplicium gentis hu-
manæ, iterum obseravit. Dein ventus seipso
potentior, viribus divinis eluvionem sicca-
vit. Chrysostomo teste. Præceptum est Do-
mini, quod facit omnia. Aliter certè venti
omnes pluribus annis illam aquarum mo-
lem exhaurire non potuissent. Nec solum
aquas ventus ingenti fauce glutiit & diges-
sit, sed id etiam effecit, ne mortalitas se-
queretur & pestis. Adduxit Dominus spi-
ritum, idque providentia singulari & po-
tentia. Et prohibitæ sunt pluviæ, non quod
illis centum quinquaginta diebus pluviæ
durarint, sed quod Deus pluvias in terram
alioqui defluxuras totis septem mensibus
continuerit, ut eò citius terra siccaretur.

Hoc tempore arca post iactationem tam
longam in montibus Armeniæ, aut uti He-
bræi loquuntur, Ararat, quietis aliquid in-
venit. Requievitque arca mense septimo,
vigesimo septimo die mensis, super mon-
tes Armeniæ *c*. His montibus, qui sese in
maximam porrigebant longitudinem, di-

N 5. versis

a Gen. c. 8. v. 1. b Ibid. v. 2. c Ibid. v. 4.

versis locis diversa fuere nomina. Hoc sibi nomen Armenia a Noëmi nepote Semi filio Aram accepit. Inter omnes orbis partes altissimum locum occupat Armenia. Atque hic arca subsidentibus aquis sese recepit sessum. At vero aquæ ibant & decre-
 scebant usque ad decimum mensem; decimo mense prima die mensis apparuerunt cacumina montium. Cumque transissent quadraginta dies, aperiens Noë fenestram arcæ, quam fecerat, dimisit corvum, qui egrediebatur, & non revertebatur, donec ficcarentur aquæ super terram *a*. Cum igitur Noëmus apices & fastigia montium per fenestram prospiciens vidisset quadraginta dies expectavit, & ita demum exploratorem corvum emisit.

Lis ingens eruditiorum de hoc corvo. Nos illi pennas non vellicabimus, neque enim instituti nostri est, omnium hic lites componere, præsertim cum Hebræi, Græci, Latini contextus, septuaginta Interpretum, & Hieronymi verba non ita conveniant, & inde tenebrarum aliquid inducant. Ea tamen omnium sententia est, corvum in arcam non reversum. Ivit quidem & rediit, quod Hebræa phrasis asserit, sed in arcam denuò includendus non venit, longius propius circumvolans, & ob libertatem obtentam lætus, pabulum, quod inhæbat, abunde reperit. Subinde mensam in ipso arcæ tecto, alias ad cadaver in montium uno reperit, & non revertebatur in exosum sibi carcerem. Explorator plane infidus, liberi & vagi volatus ales, pessimus

mus tabellarius, nam gustatâ libertate ca-
ream iterum subire noluit malignum ani-
mal. Cur verò Noëmus corvum emisit, fu-
racem, immundam, prædatricem avem, an
non meliores habuisset nuntios? Videte,
quæso, quàm omnia volumini divino scitè
apteque cohæreant. Deus per octo nec
plures homines, non solum propaginem
humanam, sed & mores, ac vivendi mo-
dum restaurare, suam Noëmus operam
commodare institit. Initium fuit ejectio
corvi, consummatio sacrificium.

Corvus avis tenebrosa imago peccati,
uti Tertullianus, Ambrosius, Augustinus,
Clemens Alexandrinus, alii docent.

§. II.

In omni graviore peccato duo maxime
consideranda. 1. Aversio à Deo. 2. Con-
versio ad rem creatam, & una ad malum.
Cum resipiscimus, aversio à re creata & à
malo, conversio ad Deum necessaria est.
Primura adumbrat corvus ejectus, alterum
significat institutum sacrificium. Sed liceat
denuo quærere: Cur, mi Noëme, nuntium
mitis ineptissimum? cur non aquilam, cy-
gnum, accipitrem? Neutiquam, sed ejicia-
tur corvus, peccati symbolum est. Cum
metus est, ne invehatur navis in arenam, in
scopulû, aut aliter evertatur, quidquid on-
eris est, ejicitur. Onerum omnium gravissi-
mum est peccatû, certum hominis exitiû.
Quod Cyprianus adstruens, Hoc est, inquit,
peccatum lapsis, quod se va tēpestas navigiis
a. Corporea quidem sua indole sunt gravia,
gravioribus tamē collata, dici possunt levia.
Subernus cortex in aqua levissimus, sursum
a Cyp. *serm. 5. de lapsis.* niti-

nititur, deorsū nonnisi vi trahendus. Plumbum in aqua & aëre gravissimum, mole sua ad ima rapitur celerrimè. Corvus ad cadavera deorsum velocissimè fertur. Carnibus jam fartus non ita facilè sursum evolat.

Hic sane genius est naturæ, hæc illius indeoles ad malum & ad quasvis turpitudines impetu volat, cū vero sursum enitendum ad Deum seria pœnitentia, heu quàm plumbei sumus! Impudicum & libidinosum hominem non rarò miti nomine, incogitantem, levem, petulantem appellamus: pari modo dicere solemus: En ille leviori vita lapsus est, en illa dissolutius vivendo cecidit. Tam facile tamque celeriter hoc fit, quàm citò asparagi coquuntur *a.* unica subinde tentatio in lapsum præcipitat. Si lapsus gravis est, cur levitas vocatur? Peccatum & leve potest dici & grave. Leve, quia celeritate nimium quàm agili patrat; momento fit, quod æternum noceat; grave, quia detrahit è calo, & tartaro mergit infiniti ponderis noxa.

Habet terra Lusitania aves avium maximas, quas Condores vocant. Hæ vitulum audent invadere, quem sternunt, lacerant, occidunt, vorant. Pastores gnari alatas prædatrices istas capiendi, copia carnum eas inescant. Vbi sese largius impleverint, nec currere commodè nec volare possunt. Hic pubes rusticana fustibus ac sudibus armata in alites saturatas irruit & mactat. Ita popinones isti caras solvunt symbolas. Quoties in hunc modum pœnas dedit libido?

Quoties

a Familiare dictum Augusto Casari, ut Tranquillus notat.

Quoties libidinosi homines in scelere deprehensi vitam simul ac flagitium finierunt? Rex Longobardorum Rodoaldus, Paulo Diacono teste, in foedo facinore oppressus miserrimè vitam perdidit. Peruanus Prorex, nomen silemus, cum alienam pudiciam expugnasset, ex aliena domo in suam probè contusus, jamq; semimortuus relatus & extinctus est. E divinis libris notiora taceo. Quod si libidinis peccatum hominem tam luculento dolo inescet, & sibi obnoxium in pedicas trahat, quid fiet animo, qui seipsum ingluvie tam foeda prægravat? omnium gravium multò gravissimum est peccatum tum animæ pondus exitiosissimum, immensum. Gregorii dictum est: Peccatum, quod poenitentia non diluit, ipso suo pondere mox ad aliud trahit. Ex illo quippe vitio culpa subsequens oritur, ex quo cæcata mens ducitur, ut pejus ex alio ligeretur. Sed peccatum, quod ex peccato oritur, non jam peccatum tantummodo, sed peccatum & poena peccati, quia justo judicio omnipotens Deus cor peccatis obnubilat, ut præcedentis peccati merito etiam in aliis cadat *a*. Infinitum peccati pondus est.

Quid autem miri, si corvus gravitatem habeat, etsi habeat alas? Grave cor delinquentium, & tamen in malum celerrimè fertur. Veloces pedes eorum, inquit Psaltes, ad effundendum sanguinem: contritio & infelicitas in viis eorum *b*. Alas & talaria gerunt pedibus, ut Mercurium pingunt

a Gregor. l. 25. Moral. cap. 9. ante med.
b Psal. 13. v. 3.

gunt Poëta, & tamen offendunt pedes & eruant, impingunt & conterunt. Hæc nostra est deceptio, propter hoc diabolorum irrisui exponimur. Peccatum creditur leve, labore facili luendum, scilicet à fronte alatum est. Iucundam satietatem, animi levamen, optatam voluptatem reperiunt arbitramur, cum peccatum complectimur. Hæc illius frons est; à tergo fœdum, minime leve, neutiquam alatum, impurissimum, ponderis est inmensi. Exemplo rem monstramus. Subinde luctui mederi nitimur, socios quærimus, symposia instituimus, calicem ducimus, choros agamus, ut mœstæ menti oblivionem conciliemus. At ubi discussa crapula mens ad se redit, deterius habet, & morbo pejus apparet pharmacum, non enim luctus, sed peccatum gravat. Foras ejiciatur hic corvus, ex arca, ex humano pectore.

Sed & istud in corvo vitiosum. Pullos suos non curat, nec eos, ut aves ceteræ, alit, non educat quos genuit, sed nido extrudit savus pater *a*. Simillimum corvo peccatum, innumeros parit filios, quos sacra pagina filios iniquitatis nominat. Iudæis post Christus exprobrans, Vos, inquit, ex patre diabolo estis. Sed corvus ille suos filios deserit implumes & impastos, hinc illi mortis æternæ pericula non evadunt. Et quemadmodum corvus cadaveris primos omnium invadit oculos, ita peccatum, maxime libidinis quæ diluvii causa fuit, hominem,

a Aristoteles aliique hoc docent. Aristot. hist. animal. l. 6. c. 6. mihi pag. 205. & l. 2. c. 31. mihi pag. 341.

minem, quem occupat, excacat. Vide mihi hominem, antequam peccarer, Deum sibi præsentem sapius cogitavit, & timuit; inferos consideravit, & horruit; aspexit calum, & exultavit: jam vero iniquitatis filius in vitium delapsus nil horum cernit, oculos ei eruit corvus, libidinis peccatum, aut aliud huic affine flagitium.

§. III.

Et hæc, Christiani, germanissima causa est, cur tot ubique concionibus nil ferè vitiositatis corrigatur. Clamant è cathedra Ecclesiastæ, vitiorum foeditatem, aperiunt, calum monstrant, inferos ostendunt, poenitentiam inculcant. Frustrà orationia: tonitrua ex-pelvi censentur. Vix ullus suas corrigit libidines, nummi amorem, mentis tumorem nemo ponit, nemo suam stringit iracundiam, nemo suam sanat invidiam, pede, quo cœperunt, pergunt omnes: nil efficitur clamando. In promptu causa est: ii, quorum vitia tanguntur, in vitiis vivunt, & avaritia sepulti, aut libidinibus inersi, aut aliis sordibus inquinati, jam cæci in vitium ruunt, peccata, pessimi corvi, oculos eorum effoderunt. Cohortationes & minas omnes negligunt. Digito monstratur calum? non vident. Monstratur tartarum? non vident. Deus parens mitissimus proponitur? neque hunc vident. Et nisi eos Deus iterum cælesti gratia inoculet, perdurant cæci. Hinc liquet rem esse omnium difficillimam, hominem assuetum vitiis, ad virtutis imperiam reducere. Sic cum priscis Patribus loqua-

loquendum, facilius est mortuum excitare, quàm hominem à consuetudine vitiosâ revocare. Si tales isti mentis oculos non perdidissent; si possent, aut potius seridò vellent cælum aut inferos, Deum aut æternitatis volumen immensissimum intueri, non difficile foret, illos denuò virtuti asserere, sed quia peccatum admissum oculos mox adimit, cæci ruunt, quà fert impetus, nisi singulari gratia Dei mentis aciem recipiunt.

Sophonias vates Hebræus id prædicans, Ambulabunt, inquit, ut cæci, quia Domino peccaverunt *a*. Ergo ante omnia foras ejiciendus est corvus iste, quod Noëmus fecit, perinde si dixisset: Cernite pulchellam aviculam, quod vos fefellit toties peccatum. Hoc vobis pulcrum videbatur, uti corvorum pulli prius albicantes, dein nigrescunt. Cavete, vos alliciat & seducat, formam mentitur, picta est & variè colorata voluptas, hæc avis blanditur, mulcet, exhilarat, sed apparet tandem, quàm deformis & ater sit hic corvus, qui hominis animum & famam atrore inficit fœdissimo. Omnem animi nitorem aufert peccatum, deformitas multo spurcissima. Vti putredo venustiori pomo coloris, & odoris, & saporis gratiam subducit, ita quidquid animus virtutis & gratiæ habet, peccatum eripit, corvus immundissimus, & prisca lege in esum vetitus. Sunt qui paginæ divinæ verba illa, Emisit corvum *b*, qui egrediebatur & non revertebatur, subtilius interpretati

a Soph. cap. I. v. 17.

b Est scriptor, qui putet quatuor corvos, à Noëmo emissos. Videris ille, qui hoc probet.

pretati dicant : Non alacer evolabat corvus, sed tanquam invitus hoc officii subiret. At ubi cadaver reperit, in arcam redire non sustinuit. Hinc Hebrais natum proverbium? Corvus nuntius, de homine aut tardius aut nunquam redeunte. Sunt qui principio verecundius, & velut inviti peccent, at ubi gratius sibi pabulum reperiunt, irrevocabili contumacia vitiis inhaerent.

Atque hujus etiam indolis est peccatum, ex hominibus bonis, aut ex optimis facit quandoque pessimos. Peccatum à tergo erubescendum, foedissimum monstrum, ideo subinde tardiores invenit amatores : egreditur non evolat corvus. At ubi jacta est semel alea, & vitium gustatum sapit, altera tertiaque & inde multiplici vice reditur. Hinc peccandi crescit audacia, & quod initio subtimidè fiebat, jam confidentissimè patratur, ab arca salutis avolatur longissimè; sicut aviculæ caveis elapsæ procul avolant, ac si faterentur se non redituros. Ita sensim discimus nequitias, ita ex optimis improbiissimi, ex Angelis fiunt diaboli. Philosophia id docet & experientia. Omnis mutatio, ut scholæ loquuntur, è contrario fit in contrarium: vinum dulcissimum cum degenerat, in acetum acerrimum mutatur; homines moratissimi, cum jugum excutiunt, nequissimi evadunt. Tales in homine mutationes saepe ab ingrato animo ducunt originem: cum Dei beneficia non æstimamus, nec de eis gratias Deo meminimus, jure merito divinis auxiliis destituimur, perinde si cui hominum dicatur: Abi hominum ingratiissime, indignus es quem Deus donis
 O cumulet,

cumulet, canis gravior est pro panis buccæ, quam tu pro beneficiis maximis: abi vecors, & age quod vis: odit Deus ingratos, & arcet.

Deinde ingenia magna rarò admodum in mediocritate subsistunt. Hinc plerumq; tales aut vitiis aut virtutibus insignes eminent mediocritatis impatientes. Ita avis paradisea a corvum induit, Apostolus in proditorem transit, qui scelestissimos prævolat in olivetum ad capiendum Dominum Iesum. Cassianus Martyr sanctissimus quales corvos educavit, discipulos, qui stylis ipsum confoderent Magistrum! Hic geminam ex more præceptionem nectimus.

a *Manucodiata, seu, Apis Indica.*

§. I V.

I. *Expelle peccatum.* Suggerimus suprâ: Detestare peccatum, nunc magis arduum instillamus, Expelle peccatum. Nemo est vigilantioris conscientiæ, qui non tam suâ quàm aliena peccata ut mala maxima detestetur: atrocem huius corvi & ingenium improbissimum non negamus. Scimus, quid nostra nos Catechesis doceat, luxuriam capitale crimen esse non ignoramus. Est qui dicat: Mihi ipsi corvus iste displicet, nihilominus eum ut avem domesticam alo: quod damno, hoc facio; video meliora proboque, deteriora sequor; peccati supplicium horreo, nec tamen peccare desino. Expelle corvum, expelle. Hæc avis unica plus gravat arcam, quam cetera omnes. Peccatum unicum miseriorem reddit hominem, quam miseriæ humanæ omnes magno

magno cumulo incumbentes. Idcirco Paulus commonens, Deponentes, inquit, omne pondus, & circumstans nos peccatum, per patientiam curramus ad propositum nobis certamen *a*. Omne pondus & circumstans nos peccatum è pectore efficiendum, nec enim tantum crimen animi, sed & occasio peccati fugienda: arcatur hic corvus, & non redeat. Quid juvat veniam peccatorum consequi, si eadem mox repetas? Expelle peccatum.

II. *Teipsum circumspice*. Noëmus cor, vum emisit, ut inde disceret, quantum decrevisset diluvium. Seipsum quisque circumspiciat, & interroget: Vbi sum, quibus vel animi vel corporis periculis irretitus? Ut sese res meæ habent? Num hoc anno probior sanctiorque evasi atque prioribus fui? Num aliquid in virtutis studio promovi, & quantum? an forsan defeci, factus deterior? quid annis prioribus in virtutum cultu me impedivit? quo potissimum vicio laboravi? quid antidoti in illud adhibui? qua demum parte sum melior? num largius an parcius do stipendi? num rarius male loquor! num infrequentius imprecor? sapiusne fleo, an rideo? Num toties Deum cogito, quoties irascor, & furiosam bilem effundo? Quo tendo? Num eo perventurus sum, quo pervenire cupio? Circumspice teipsum, an tuum diluvium decreseat, an vero augeat, aut sibi simile permaneat. Fortassis brevi jubebit Deus animum arca sua egredi. Circumspice teipsum, Proximus est ad æternitatem transitus.

O 2

CA-

C A P V T XVII.

*Quam ob caussam & quoties ex Arca
Noemus emisit columbam.*

NOEMI arca & diluvium priscis tam notum erat, ut in fabulam demum abierit. Hac origo fabulæ. Annis ab hoc Noëtico diluvio septingentis septuaginta, cum Moyses annum ageret ferè quinquagesimum, Thessalia tota eluvione horribili obruta & submersa periit. Hanc aquarum inundationem Deucalionis diluvium vocarunt, ut supra demonstratum est, & in fabellæ ludicrum redegerunt. Hac profecto cacodæmonis fuit vafrities, ut diluvii formidabilis historia à Moyse scripta in somniorum nugas fatisceret. Finxerunt igitur hoc Deucalionis diluvio submersum orbem, solum Thessaliæ regem Deucalionem cum Pyrrha conjugē, navi quæ arca diceretur, delatum in Parnassi apicem; emissam etiam ab eis columbam, quæ suo reditu diluviū durare significavit; sed eam sæpius volantē demum emanasse, in signum eluvionis sopitæ. Qua de re in hunc omnino sensum Ovid:

*Et superesse virum de tot modo millibus unum,
Et superesse videt de tot modo millibus unam:
Innocuos ambos, cultores Numinis ambos.*

Idem de diluvio jam cessante hæc addit:

*Iâ mare litus habet, plenos capit alveus amnes,
Flumina subsidunt, collesque exire videntur,
Surgit humus, crescunt loca decrescētibus undis.
Postque diem longam nudata cacumina silva
Ostendunt, limumq; tenent in fronde relictum.
Redditi orbis erat, quem postquam vidit
apertum,*

Et desolatas agere alta silentia terras

Deucalion, lacrymis ita Pyrrhâ affatur obortus:

Nos duo turba sumus, possedit cetera pontus.

*Namque ego (crede mihi) si te quoque pontus
haberet,*

Te sequerer conjux, & me quoque pontus habere-
ret a.

Plutarchus Parte tertia de animalium
sollertia refert dilucidè, à Mythologis tra-
di columbâ nuntiam à Deucalione missam.
Et sanè, inquit, qui fabulas narrant, ii co-
lumbam ajunt ex arca emissam Deucalioni
certum indicium detulisse tēpestatis cum
rursus ingrederetur; serenitatis, cum avolas-
set Hebræus Philo non minus, apertè, Hunc
Græci Deucalionem, inquit, Chaldæi Noam
nominant, cujus ætate ingens illud diluviū
acciderit *b*. Lucianus Christiani dogmatis
non ignarus, diluvium & arcam Deucalio-
nis æquè memorat. Quod vero scriptores
istī asserant, Deucalionis ævo universum
orbem fluctibus obductum, tam Scriptu-
ræ S. quam ipsi etiam Philosophiæ adversa-
tur. Deucalion certe octingentis pænè an-
nis à Noëmo vixit. Deinde nec Plato, nec
Arist. nec Philosophorum ullus asserit ejus-
cemodi eluvionem naturalibus causis pro-
venire posse, quæ orbem submergat. Hoc
semel dumtaxat factum Noëmi ævo: vice
altera orbis non aqua, sed igne obruetur.

De Noëmo sacer historicus ita loquitur:
Emisit quoque columbam post eum, ut vi-
deret, si jam cessassent aquæ super faciem
terræ *c*. Hic explicandum, quoties & quam

O 3

ob

*a Ovid. l. 1. Metam. b Philo l. de pramiis &
Pœnis, post. init. m. p. 707. c Gen. c. 8. v. 8.*

ob causam emissâ sit hac columba, deinde qui sese illa gesserit, quid exoptabilis hic nuntius apportarit, quando emanâerit.

§. I.

Post corvum exploratorem perfidum, Noëmus ter columbam misit nuntiam. Prima eodem prorsus die post corvum ab-
sit, eodemque die rediit. Hic Noëmus se-
ptem alios dies expectans iterum emisit
columbam, quæ vesperi non sine litteris, ut
dicemus, rediit. Expectavit denuò Noëmus
alios septem dies, & tertium columbam e-
volare iussit, quæ in arcam non est reversa.
Harum legationum causam interpretatur
Chrysost. horribilem diluvii formidinem:
nec enim Noënum per fenestram ausum
prospicere diluvii metu. Hoc enim objici
posset: Cur Noëmus ipse non prospexit
num aquæ subsederint? metus continuit.
Chrysost. verba sunt: Ecce iustus ille non-
dum per se audet videre, sed corvum mit-
tit, ac per illum discere vult, * bona rerum
mutatio aliqua sit expectanda. Alpho-
nus Tostatus censet fenestram non magnam
& sublimi loco sitam, arcam admodum
fuisse crassam, unde solum pæne calum su-
spici, terra agrè, nec eminus prospectari
potuerit. Per aves igitur tabellarias erat
explorandum, num aquæ tellurem jam sic-
cam destituerint. Cur autem corvū & co-
lumbam, non alias aves exploratum misit?
Haud dubium quin Deus illi singulariter id
suggererit ob significatum & mysterium.
Non pauci asserunt, corvum & colum-
bam longinquè ac perseveranter volare, so-
lere

lere quoque rostro aliquid referre, uti columba vice altera in apertum provolans virentem retulit olivam. Nam ea quæ primam obiit legationem loca utiq; aquis detesta reperit, sed quia omnia etiamnum madida & lutosa. Illa munditiem amans, & sordidare pedes recusans, ad fenestram reversa, à Noëmo retracta est. Quod divinus scriptor ita narrat: Quæ cum non invenisset ubi requiesceret pes ejus, reversa est ad eum in arcam; aquæ enim erant super universam terram; extenditque manum suam, & apprehensam intulit in arcam. Expectatis autem ultra septem diebus aliis, rursum dimisit columbam ex arca. At illa venit ad eum ad vesperam, portans ramum olivæ virentibus foliis in ore suo. Intellexit ergo Noëmus, quod cessassent aquæ super terram. Expectavitque nihilominus septem alios dies, & misit columbam, quæ non reversa est ultra ad eum *a*.

Columba, quæ secundo loco missa evolavit, non ingratum utique pastum invenit, sed sub vespere frigus noctemq; fugiens, ad hospitium notum rediit. Fides iste nuntius, ait Chrysost. bonas attulit litteras, decerptum ex oliva furculum reportans. Imperatores Romani, si quam victoriam obtinuissent, laureatas *b* ad Senatum litteras miserunt, ut solus epistolæ aspectus lætum quid loqueretur. Deus Noëmo epistolæ vicem columbam misit oliva insignitam: ex hac olivifera epistola intellexit Noëmus, quod cessassent aquæ super terrā.

O 4

Inte-

a Gen. c. 8, v. 9. & seqq. *b* Alexander ab Alexan. l. 1, Genial. dier. c. 27, mihi p. 46.

§. II.

Interim Noemus anceps animi hærebat, quid statuendum de progressu ex arcâ. Expectavit igitur alios septem dies, & rursus misit columbam tertiam, quæ nuntiaret, quantum aquarum imperium esset imminutum. Mi bone Deus, quid Noemum crucias? si diluvio decrecente Angelum illi misisses, qui diem egressus indixisset, omni hoc labore superfedere potuisset, quid enim opus sollicitudine tanta, tot curis? Nimirum sæpius inculcandum, quod supra demonstratum est, velle Deum, ut homo pro viribus laboret, faciatq; quod potest, quod humanis viribus impar, hoc sibi Deus perficiendum sumit; Dei enim perfecta sunt opera *a*. Probè igitur noverimus, otium nostrum Deo penitus esse displicitum. Non desides aut ignavos cessatores, sed qua possumus laboris nos socios esse cupit. Labori nos creavit, nō quieti, nisi illi, quæ sequetur in cælo. Ita Noemus quatuor omnino nuntios amandavit, semel corvum, ter exploratricem columbam. An una eademq; columba ternas legationes istas obierit, incertum; verosimile unam eandemque fuisse. Cum volatu primo abiit, lutata rediit, maxime pedibus, ait Iosephus. Itione altera viridantem oleæ ramusculum rostro deportavit. Sed unde frōdes huic arbori quæ anno toto jugulatricibus aquis merfa latuit? Ambrosius multum ambigit, num ea ante diluvium frōdere cœperit, & sub undis servata has comas non amiserit. Ante diluviū fronduisse verosimilius. Nam olea, teste Plinio,

his arboribus accensenda, quæ per hiemem folia & virorem non perdunt. Quod Chrysostomus confirmans, Olea, inquit, semper virens est. Ex quo facilis conjectura est, diluvium etsi pleraq; omnia humi nascentia eradicârit, eam tamen oleam, aliasque arbores quæ minùs resistebât aquis, perdurasse. Rabbinii somniant hunc ramum ex olivifero Sionis monte, alii ex paradiso sumptû. Somnia sunt & nugæ. Eam arborem Deus vivere sub aquis voluit, ut columba exploratum evolutura reperiret, quod domum referret in mysterium futuris sæculis.

Tertullianus mysterii non ignarus. Quæadmodû, inquit, post aquas diluvii, quibus iniquitas antiqua purgata est, post Baptismum (ut ita dixerim) mundi, pacem celestis iræ præco columba terris adnuntiavit dimissa ex arca, & cum olea reversa, quod signum etiamnum apud nationes paci prætenditur *a*. Sicut igitur à primordio imaginis divinæ præco serpens, ita divinæ pacis præco fuit columba. Nec verò sine causa Rex David columbinas alas exspectans, Quis, inquit, dabit mihi pennas sicut columbæ, & volabo, & requiescam *b*?

Annon, Regum optime, accipitris, aut cygni, aut aquilæ, aut struthionis alæ, ad hos volatus longè commodiores forent? Non sanè, alis columbinis hic opus est. De celestis sponsi oculis sacer Auletes canit: Oculi ejus sicut columbæ super rivulos aquarum, quæ lacte sunt lotæ, & resident juxta fluentia plenissima *c*. Multæ aves aquis se mer-

O s

gunt

a Tertull. l. de baptismo, c. 2. mihi pag. 461.

b Psal. 54. v. 6. c Cant. c. 5. v. 12.

gunt, anates, mergi & olores. At verò columba rivis adfidet, & in aqua velut speculo observat vulturis, ac milvi, aut aliarum aviū volatus, ut ab iis sibi caveat. Istius volucris alas aptari sibi vult rex David. Si enim sublime tantum volare voluisset, alas aquilæ petisset; si prædam avehere, ardea; si oculis placere, pavonis pennas sibi quæsisset. At ille volare desiderat, ut requiescat, & quidē non in aqua; sed juxta aquam. Aquæ multæ, homines multi: qui cogitat quiescere, fugiat adire turbas, convivales frequentare mensas, sectari delicias. Beata quies in his diverticulis non invenitur. Hic iterum præceptiones geminæ sedulò pensandæ.

§. III.

I. *Fuge mundi cœnum*, fuge lutosas vias, heu fuge crudeles terras. Reperisset equidem columba Noëtica aquis extantia loca, sed omnia ubique madida, lutosa, lubrica. Has sordes exosa hæc ales, inquinare pedes noluit, perinde si dixit: Revertar in arcam meam, loco illic meliore hospitor. Quisquis præsentem mundi statum considerat, vel pressis etiam oculis, modo auribus apertis, facile percipiet, quàm omnes cœno merfi jacent. In urbibus non paucis justitia planè cerea est torqueri, flecti, fingi facilis in quamcumque partem. Alibi aperta imperat injustitia. Libido nusquam non regnat & triumphat. Pudicitia passim exulat, impura Veneri locis omnibus largissimè litatur, ad carnis leges vivitur. Qui calum rapiant, qui æternitatem serio expendant, vix pauculi & panè nulli sunt; qui alienam famam obtrectent, seipsos non inspiciant,

innumeri sunt: mores improbi, sermones
 foedi, magna scelerum ubertas; Pratextata
 & obscœna verba ubique locorum audias;
 Nemo quod bonum est, loquitur *a*. Non
 est qui faciat bonum, non est usque ad u-
 num *b*. Conviviorum luxus, vestium pom-
 pa jam in mores transferunt, non amplius
 annumeranda vitiis: sudores pauperum
 haurire, inopum medullas sugere, jam per-
 vulgatæ consuetudinis est. Hæc vel cæcis
 patent. Hoc tali cœno mundus refertissi-
 mus. Praga, Parisi, Roma, urbēs maximæ,
 sed sanè lutosæ; cum pluit, merum cœnum
 viæ sunt. Hand aliter mundus spurciis &
 sordibus exundat. Sed sicut in illis urbibus
 ea, quæ quotidiana sunt, minus curantur:
 ita in mundo, quod panè omnes faciunt,
 vix vitiosum habetur. Inquinatæ sunt viæ
 illius in omni tempore *c*.

Lex mundi est: Qui nocet, noceat adhuc,
 & qui in sordibus est, sordescat adhuc *d*.
 Hanc legem plerique omnes religiosissime
 servant, & insignes in nequitias faciunt
 progressus. Alter alterum impellit, & ad
 vetita viam comiter præeundo monstrat.
 Exemplis mutuis suavissime perimus. Sunt
 qui omnia superbiæ ac avaritiæ præcepta
 exactissime doceant, sunt qui ea studiosissi-
 me discant. Hic sæpe discipulus superat ma-
 gistrum. Non desunt, quibus hæc artificia
 sordere incipiunt; cuperent ii in officinis
 melioribus sudare, sed pudore inertissimo,
 aut consuetudine multa vinciuntur. Quid
 agis, ajunt ipsi secum, tu mundi leges non
 migrabis; hoc pleriq; omnes faciunt; te ce-

a Hier. c. 8. v. 6. *b* T's. 13. v. 2. *c* Psa. 5

v. 26. *d* Apoc. c. 22. v. 11.

teris

teris sanctiorem ne crede; his artibus, huic vitæ modulo assuevisti; exuere pelle difficile; hæc sacra aliter non constant. Exosum nimis sapientia est, ubi omnes publice infamant. Monitum illud non nescio: Non intrabit in eam aliquid coinquinatum *a*. Excusabit ergo cœnum, antequam ad cæli portam venero. Pergamus igitur, quo cœpimus pede. Ita qui in sordibus est, sordescit adhuc.

Quam longe aliter sapiens rex David, & cœnoscas mundi voragines declinare cautus, Ab omni via mala, inquit, prohibui pedes meos *b*. Nec illi satis fuerat sordentes vias exiisse, insuper & volatus appetens, Quis dabit mihi pennas, inquit, & volabo? non traham per cœnum pedes, non mergam me luto, alta & divina meditor, volabo, plus conscientiam & cælum, quam pecuniam & pompam curabo.

Fuge mundum, fuge, fuge, quicumque mundus cupis vivere. Vbicumque potes, te turbis exime; pessimus ad virtutem dux est populus. Vtique quo maior est populus cui commiscemur, hoc periculi plus est. Arcta via est, & angusta semita quæ ducit ad vitam, & pauci inveniunt eam. Spatiosa via & ampla porta est quæ ducit ad mortem, ad interitum, multi intrant per eam. Fuge multos, fuge etiam teipsum, si vitiosorum multitudinem sequaris. Ante omnia fuge libidinem, & vel libidinis umbram, & omne vitiorum cœnum facilius declinabis. Speciosa scelerum porta, detestabilis luxuria. Ergo fuge mundi cœnum, si amas cælum.

II. *Pacis tranquillitatem ama.* Columba
Noë-

a Apoc. c. 21. v. 24. b Tsa. 118. v. 10.

Noëtica secundum emissâ non vano volatu
 terras lustravit; nec enim vacua rediit, sed
 oleæ germen rostellò reportavit, velut re-
 centes fructus, novam arboris sobolē post
 diluvium natam. Heu quot in orbe homi-
 nes sunt, nō columbæ, sed corvi, accipi tres,
 milvi, vultures, lapidarii falcones, qui sem-
 per strictum acinacem rostro ferunt, quis-
 quis eos tangit acinacem sentit. Hi tales
 tranquillitatem & pacem animi, quam ipsi
 non habent, in aliis turbant & evertunt.
 Quidquid loquuntur, lapides aut cultros
 putes, adeo tumultibus, excandescencia, ri-
 xis omnia miscent, homines asperi, alterca-
 tores, turbidi, pugnaces, iracundi, litigiosi,
 litis satores, discordiosi, intractabiles, qui
 assiduè tumultuantur currunt, volant, eva-
 ginatum gladium ore semper præferunt.

Christus à cruce jam redivivus quoties-
 cumque suis se discipulis spectandum præ-
 buit, instar placidissimæ columbæ rannum
 olivæ semper prætulit, cum dicto: Pax vo-
 bis. Quo ritu & suos instruxit, ut in orbem
 evoluturi columbinis sese moribus nemi-
 ni non probarent: Estote simplices sicut
 columbæ *a*. Intrantes in domum salutate
 eam, dicentes: Pax huic domui *b*. Hæc olea-
 rum germina ori eorum inseruit. Ita quivis
 Christiani sanguinis, qui sese columbis istis
 Christo & Apostolis aggregare cupit, oli-
 vam ore semper præferat, adversus omnes
 placidus, mitis, benevolus, lenis, modera-
 tus, bonorum verborum largus, oris mel-
 lei, verbo columba sit, quæ nec unguibus,
 nec dentibus, nec cornibus pugnet. Christi-

ano-

a Matth. c. 10. v. 16. *Ibid.* v. 12. *b* Luc. c. 9. v. 4.

anorum est olivas, non scorpiones *a*, non taureas *b* præferre, verbis omnia mitigare, inter dissidentes pacem conciliare.

Ruffinus Aquilejensis rem memoratu dignissimam refert de pace inter duos miro artificio conciliata. Prisci auctoris verba, Lector, fide optima tibi admetiar, ne vacula quidem mutata, ne priscæ venustatis ingenuam ac simplicem amœnitatem corrumptam. Ruffinus rei gestæ narrationē ingressus de verbo ad verbū hæc memorat *c*.

a Spinosos fustes. b Lora babula. c Ruffin. Aquil. l. 3. n. 6. apud Rosveyd. mibi pag. 501.

§. IV.

Referebant sancti seniores nobis dicentes Quia fuit quidam monachus in eremo Scithi; venit autē ad visitandos sanctos Patres in loco, qui dicitur Cellia, ubi multitudine monachorum divisim habitabat cellulis. Cumque non inveniret ad præsens cellulam ubi posset manere, quidam de senioribus aliam vacantem cellulam dedit ei, dicens: Interim repausa in hac cellula, donec invenias ubi possis manere, Cumque ad visitandum eum convenirent quamplurimi fratres, desiderantes ab eo audire verbum salutis æternæ (habebat enim spiritualem gratiam docendi verbum Dei) videns ille senior qui ei ad habitandum præstiterat cellam, invidiæ livore cor ejus vulneratum est, & indignari cœpit ac dicere: Quoniam ego tantis temporibus in hoc loco habito, & ad me non veniunt fratres, nisi rarissime, & hoc in diebus festis, & ecce ad istam impostorem pane quotidie fratres quamplurimi vadunt; dixitque discipulo suo:

Vade

Vade & dic ei, ut egrediatur de cellula illa, quoniam necessaria mihi est. Cum autem perrexisset discipulus ejus ad illum fratrem, dixit ei. Mandavit abbas meus sanctitati tuae, jube ei per me mandare, qualiter habeas; audivit enim te infirmari. Ipse vero remandavit ei, dicens: Ora pro me, domine Pater, quia valde stomachum doleo, Reversus autem discipulus dixit abbati suo: Nimis rogat sanctitatem tuam, ut vel duos dies jubeas ei inducias dare, ut possit sibi aliam cellam providere. Transactis autem tribus diebus, iterum misit discipulum suum, dicens: Vade, dic ei, ut egrediatur de cellula mea, nam si rursus distulerit, dicis ad eum, quia continuo venio, & cum baculo cedendo expello eum de cella mea. Pergens autem discipulus ad supradictum fratrem dixit ei. Quoniam valde sollicitus est abbas meus de infirmitate tua, ideo misit me requirere si melius habeas. At ille respondens dixit: Gratias ago, domine sancte, charitati tuae, quia sollicitus es de me, verumtamen precibus tuis melius habeo. Reversus autem discipulus dixit abbati suo: Etiam & nunc deprecatur sanctitatem tuam, dicens, ut usque ad diem Dominicum expectes, & statim egrediatur. Cum autem advenisset Dominicus dies, & non egrederetur; accipiens vestem senior, inflammatus invidia & iracundia spiritu, pergebat, ut cadendo expelleret eum de cellula sua. Accedens autem discipulus ejus dixit ei. Si jubes, precedo te, & video, ne forsitan aliqui fratres ad salutandum eum venerint, & si viderint te, scandalizentur. Precessit ergo discipulus, &

& ingressus ad eū dixit: Ecce abbas meus venit ad salutandum te, egredere ergo celerius, & cum gratiarum actione occurre ei, quia pro nimia charitate & dilectione venit ad te. Qui statim surgens, cum nimia alacritate occurrit ei. Cumq; vidisset eum, antequam approximaret ad eum, prostravit se pronus in terram, adorabatq; senem cum gratiarum actione, dicens: Retribuat tibi Dominus, charissime pater, bona aterna pro cellula tua, quam mihi propter nomen ejus praestitisti, & in caelesti Ierusalem inter sanctos suos Christus Dominus tibi gloriosam & splendidam praepararet mansionem. Hæc autem audiens senior, compunctus est corde, & projiciens baculum recurrit in amplexus ejus, & osculatus est eum, & invitavit illum ad cellulam suam, ut pariter cum gratiarum actione sumerent cibum. Vocavit autem senior supra memoratum discipulum suum, & interrogavit eum, dicens: Dic mihi, fili, si dixisti verba isti fratri, quæ propter cellulā mandavi, ut diceres ei. Tunc discipulus ejus confessus est ei, dicens: Verè Domine dico, quia propter humilitatē, quam tibi exhibere debeo, tamquam patri & domino, ideò non audebā respondere tibi aliquid, quando me mittebas ad eum; verumtamen nihil eorum dixi ei, quæ mandabas ad eum. Hæc audiens senior statim prostravit se ad pedes ejus, dicens: Ex hodierna die tu meus pater esto, & ego discipulus tuus: quoniā te festinante & moderante, ac cum timore & charitate Dei agente, & meam & illius fratris animā de peccati laqueo Christus

us Dominus liberavit. Pro fide enim & sancta sollicitudine & intentione discipuli, qui perfecte in charitate Christi diligebat abbarem suum, & anxie timebat, ne per invidia & iracundia vitium, aliquid tale, ageret pater suus spiritualis, ut perderet omnes labores sanctos, quos ab ineunte ætate in Christi servitio, pro vitæ æternæ præmiis laboraverat; ideoque Dominus donavit gratiam suam, ut in pace Christi pariter latarentur *a*.

Beati pacifici, beati, quoniam filii Dei vocabuntur *b*. Et quemadmodum Noëmo columbæ oleam ferentis reditus ad arcam fuit gratissimus; ita tales pacis amatores, cum veniunt sanctissimam Eucharistiam sumpturi, convivæ sunt gratissimi, nam olivam secum afferunt, animum tranquillum & pacatum, qui pacem & in seipso & in aliis amet ac tueatur.

Sed ea subinde tempora sunt, quibus olivæ ramus unicus haud sufficiat; fasce opus est. Quisq; cautus circumspiciat, quibuscum agat, si cum biliosis, fremebundis, asperis, iracundis agendum, ramis oleaginis compluribus est opus: Responsio mollis frangit iram *c*. Prudenti verborum moderatione in amorem pacis omnes trahendi. Atque hos revera dixeris columbas, qui tumultuantium, iracundorum, rixantium medii, nihilominus benigni, mites & pacifici degunt. Ea de re sibiipfis gratulatus rex David, Cum his, inquit, qui oderunt pacem, eram pacificus *d*. Hoc artis, hoc virtutis est. Inter

R

quies

a Ruffin. dicto loco apud Rosveyd. *b* Matth. 5. 9. *c* Pro. 15. 1. *d* Psal. 119. 7.

quietos & pacificos placidè ac sedate agere, inter turbatores & impacatos turbare & altercari etiam improbi norunt; ac vero inter turbidos ac litigatores, inturbidum & quietum esse, hoc soli norunt virtutis amatores. Hæ laudatissima sunt columbæ, quæ in olivetum evolitant, ubi Christus cruciatus suos exorsus, tam hostes suos, quàm suum discipulum Iscariotem proditorem humaniter & amicè salutavit. Per hæc vireta dociles columbæ illæ pascuntur, hic gemunt, hic amare inimicos discunt, hic sese ad omnem animi tranquillitatem componunt, illud Paulinum sedulo meditantur: Quod ex vobis est, cum omnibus hominibus pacem habentes *a*. Verum pacis studium, summum animi solatium,

a Ad Rom. c. 12. v. 18.

C A P V T XVIII.

Noëmus ex arca progreditur, & sacrificat Deo.

A Quarum inundationes non raro terris ingentē vastitatē attulerunt. Melchior Nugnetius anno millesimo quingentesimo quinquagesimo octavo, die octavo Ianuarii litteras è Coccino dedit, quibus deploravit apud Sinas in provincia Sanciorum, eluvione horrenda septem omnino urbes, præter pagos vicosque plurimos periisse, tam pecore omni quàm hominibus submersis. Et ut constaret hæc fieri Deo vindicante, multi aquas evadere conati, igne caelesti sunt consumpti, septennis puerulus evasit.

Anno millesimo quadringentesimo primo, quod Ludovicus Guicciardinus *a* narrat,

a In sua Hollandia.

et, in Batavia inundante mari septuaginta.
 duo grandes pagi fluctibus repentinis ob-
 titi sunt¹, supra centena millia hominum
 interierunt.

Plura ejuscemodi provincialia diluvia,
 tum illo generali orbis maximo conferri.
 nequaquam possunt, quod omnes tum ho-
 mines quàm animantes hausit. Noemus
 solus Deo visus est dignus, qui cum paucis
 servaretur. Servatus est in aquis anno ro-
 to & aliquot diebus. In arca velut in hypo-
 causto tutus abdebatur. Nullam potuit re-
 nigationis curam gerere Deus erat navar-
 ius, Angeli remiges; his fidendum, qui
 etiam in portum, altos Armenia montes,
 felicissimè deduxerant.

Postquam igitur jussu divino terrā sub-
 erunt aqua. Noemo Deus praecepit: Egre-
 dere ex arca tu & uxor tua, filii tui, & ux-
 ores filiorum tuorum tecum. Egressus est
 Noe & filius ejus, uxor ejus & uxores filio-
 rum ejus cum eo. Sed & omnia animantia
 terrena & reptilia, quae reptant super ter-
 ram secundum genus suum, egressa sunt de
 arca. Hoc loco exponendum, qua ratione
 sic egressus velut è cœnobio institutus sit.
 Deinde quomodo Noemus se gratum Deo
 exhibuerit, & mox ab egressu sacrificarit.

a Gen. c. 8. v. 16. 18. 19.

§. I.

Affirmari verissimè potest, Deum anteo-
 toto totoque orbe terram non habuisse,
 nisi unicum monasterium; hoc in terra o-
 mnis ejus familia fuerat. Neq; vero mona-
 sterium illud incolis frequens & numero-
 sum exstitit. Isidorus olim in uno cœnobio.

ultra mille monachos numeravit. Appollo-
nius supra quinq; millia monachorum reli-
giosa disciplina gubernavit. Pachomius an-
no à partu Virginis quadringentesimo di-
versis domibus non adeò dissitis, ad septem
millia discipulorum habuit, quos in viginti
quatuor Græcorum litteras dividit. Sera-
phion, quod Palladius suis se oculis vidisse
asserit, certis habitaculis decem millia cœ-
nobarum censuit suæ curæ commissâ.

Tot religiosos homines in suo Ascete-
rio Deus non aluit. Divisum potius mona-
sterium dicendum, cujus pars utraq; non
nisi octenos homines, viros quatuor, toti-
demque feminas clausit. Arcam Monaste-
rium aut Asceterium ^a fuisse, vel inde li-
queat. Tres primæ principesque cœnobia-
rum leges sunt, Paupertas, Castitas, Obedi-
ent ^a. Et paupertas quidem in arca ita cole-
batur. Hi octo religiosi homines cognatos,
parentes, amicos, suasque domos deserue-
runt, seseq; totos divinæ providentiæ com-
miserunt; quivis eorū dixerit: Omnia mea
mecum porto. Commeatus in annum arcæ
inferendus erat, spes simul ingens conci-
pienda, aut congestam annonam non de-
fecturam, aut sese à Deo velut inclusas avi-
culas pascendos. Nulla hic divitiarum, sed
vitæ potius & salvis cura.

Pudicitiam verò & castimoniam, dum
arcam habitarunt, religiosissimè colebant.
Hic divini scriptoris singulæ voces, earum-
que nexus & ordo accuratè pensitandus.
Imperatum est Noëmo: Ingredieris tu, &
filii tui; uxor tua, & uxores filiorum tuo-
rum.

a Iustiniani Codex ita loquitur.

rum *a*. Separatim viri feminaque, divisim
 scilicet contuberniis. Factumque quod
 iusserat Deus: Ingressus est Noë, & filii ejus,
 uxor ejus & uxores filiorum ejus *b*. Alius
 in egressu servabatur ordo. Noëmo nam-
 que dictum: Egredere de arca tu & uxor
 tua; filii tui & uxores filiorum tuorum *c*.
 Profecto non subibant arcam velut cho-
 reas ducturi, cum vir feminam manu tra-
 hit. Viri bini ac bini, binæ ac binæ feminae
 ingrediebantur arcam. Alius fuit egressus.
 Atque hoc primus videtur observasse Am-
 brosius, quod oratione uberi & diserta ex-
 plicat. Iamque Hebræorum & Christiano-
 rum Doctorum pervulgata sententia est,
 Noëmum & tres filios, Noëmi conjugē &
 tres nurus pudicē ac castē anno toto velut
 religiosam familiam in monasterio viduos
 & calibes vixisse, perinde ac si quatuor
 matres cum totidem filiis una habitarent.
 Ita etiam Hieronymus, Rabinus, Anselmus,
 Cajetanus, alii sentiunt. Hieronymi verba
 sunt: Quando ingreditur in arcam Noë, tam
 ipse quàm filii ejus ab uxoribus suis sepa-
 rantur: (Ingrediaris tu & filii tui) quando e-
 grediuntur in terram, junguntur paria *d*.
 Non soli autem homines toto diluvii tem-
 pore castē ac continenter toro cēlibe vixe-
 runt, sed & ipsæ pecudes hanc continen-
 tiæ legem non ruperunt. Nam, uti Ambro-
 sius & alique docent, tempus erat lugendi,
 tristandi, dolendi; dies poenitentiae dicti,
 non choreis, non lasciviæ: bacchanalia tunc

P 3

vivere,

*a Gen. c. 6. v. 18. b Gen. c. 7. v. 7. c Gen. c. 8.
 v. 16. d Hieron. l. 1. contra Iovinianum, e Am-
 brosiom. 4. l. de Noë & arcâ. c. 21.*

vivere, nimis importunum: luctus & lacrimæ hos sibi menses rapuerunt. Neque vero aliud in totius orbis funere decebat fieri. Nec paupertas solum & castitas, sed & obedientia, eaque strictissima exercebatur in arca, quam diuinus scriptor sæpius dilaudans, Fecit, inquit, Noe omnia quæ præcepit illi Deus. Ita primariae coenobiorum leges paupertatis, castitatis & obedientiæ sanctiones in hoc arce asceterio servatae.

Neque vero monasterium dumtaxat religiosum, sed clausum & obseratum arca fuit, cujus janitorem Deus ipse egit. Et uti quandoque monasteria in aquis conduntur, ut insulae sint, & plus habeant quietis, nec aliorum vicinia turbentur, ita Deus hoc suum monasterium in immensi maris medio collocavit. Hic octo homines verè soli & clausi, verò Ascetae & monachi agebant, omnia circumquaque in ortua jacebant; illi inter se solos & cum solo Deo loqui commodissimè poterant. Præterea hoc arce monasterium in monasterii ritum est ædificatum cellulis distinctis, unicam & quidem parvam habuit fenestram, per quam non anni causa prospicerent, & aliquot horas malè comburerent, prospiciendo, transeuntesque numerando, uti in civitatibus fieri amat, ubi totos subinde dies ad fenestras inanissima non raro & noxia curiositate consumunt otiosi spectatores. Illa in arca moniales & monachalium dumtaxat suspicere, & auræ aliquid potuerunt admittere. Et forsan fenestra majorem partem obstructa fuit, quando quidem Chrysostomus miratur in egressu
non

non occurrat. Ipsius Chrysofomi verba
 do expendenda. Iterum hic, inquit, me in-
 radit stupor, ut admirari cogar iusti huius
 virtutem, & Dei misericordiā. Quo modo
 enim (dic mihi) post tantum tempus, ut se-
 ri commisit, & oculos ad cælum spectan-
 dum intendit, non captus est oculis & ex-
 zatus? Scitis enim benè, quod solet hoc
 contingere hominibus, etiam ad parvam
 dei partem in tenebrosis caliginosisque
 locis agentibus, quàm subito in lucis fulgo-
 rem aspicere volunt. Iustus autem illo an-
 no integro & tot mensibus in arca, quasi
 in tenebris agens, etiam nunc viso lucis ju-
 rare, nihil tale expertus est. Dei enim gra-
 tia erat, & patientia ab ea illi concessa, quæ
 etiam corporis sensus firmiores reddiderat
 & potentiores quàm qui à corporalibus
 necessitatibus vincantur a.

a Chryf. hom. 26. in c. 8. Gen. mihi pag. 183.

§. II.

Ita annum hoc tempus quo Noemus
 arcam habitavit, rigidum fuit tirocinium,
 imo annum excessit. Si namq; totum tem-
 pus quo Noemus in arca latuit, ad verum
 calculum revocemus, dies trecentos octo-
 ginta duos supputabimus a. Ita Noemus
 annum integrum insuper & septemdecim
 dies arcæ utero conclusus delituit. Annus
 sane prolixus, & liberaliter extensus. Ubi
 ergo Noemus cū suis austerius hoc tenta-
 mentum superavit, & Deo Angelisque suæ
 virtutis specimen dedit, ostenditque lu-
 lantè, quo feratur animo ad servien-
 dum Deo, dimissus est ex annuo asceterii

P 4

illius

a Annus alioqui dies habet 365.

illius carcere, & in libertatē assertus. Locutus est autē Deus ad Noe, Egredere de arca tu, & uxor tua, filii tui, & uxores filiorum tuorum: Egredus est ergo Noe & filii ejus: uxor ejus & uxores filiorū ejus cum eo *a*.

Sed quid opus hic ad egressum novo mandato? Post missos quatuor exploratores, terra jam sicca, cur non illico sponte progreditur? Sed excellens & perfecta Noemi obedientia volebat, ut sicut arcae limen ad Dei jubentis vocem nutumq; iniisset, ita prorsus nec aliter eo exiret. Quod Ambrosius perspicue affirmans, Iustus, inquit, nihil sibi arrogat, sed totum se divino committit imperio. Et maximè qui cælesti fuerit ingressus oraculo, cæleste debuit, ut egrederetur, expectare responsum. Verecunda enim iustitia est, quia inverecunda iniquitas *b*. Ita Iosepho Christi nutritio præcipit Angelus: Esto ibi usque dum dicam tibi. Quod autem Deus singulariter præceperit una omnes animantes egredi, id causæ assignatur: Sicut divinæ providentiæ miraculum fuit, omne genus animalium tam facili concordia in arcam induci; ita non minus fuit miraculi, eadem educi ex arcâ.

Noemus autem vix progressus ex annuo carcere illo, mox struere cœpit & ædificare non sibi suisq; domum, sed Deo altare, historico sacro teste: Ædificavit autem Noe altare Domino *c*. Pius & gratus in Deum animus gratiarum actionem differri noluit. Ideo Noemus continuo & quamprimum pedem in terra fixit, se gratum Deo stitit, quod

a Gen. c. 8. v. 18. b Ambros. tom. 4. c. 21. de Noe & arcâ, mihi pag. 158. c Gen. c. 8. v. 20.

quod sibi suisque pauculis ex omni humana gente servavit vitam in illa ineluctabili mortis necessitate. Ita mox divinum cultum, exteriori sacrificio, quod Deo soli adolendum, testatus est. Inter sacrificia primas habet holocaustum, quod absumit omnia. Atque hoc Noemus obtulit Deo: Tollens de cunctis pecoribus & volucribus mundis, obtulit holocausta super altare: Odoratusque est Dominus odorem suavitatis *a*. Prima hic altaris mentio. Ejus usum Noemo traditum à majoribus, verosimilimum. Altari jam structo Noemus è quavis specie tam avium, quàm ceterorum animalium mundorum, Deo unum per holocaustum obtulit.

Quærit hoc loco Ambrosius, quid istuc Noemus fecerit injussus, cum alia omnia aut monitus fecerit, aut jussus. Ad suam ipsius quæstionem, Non debuit Dominus, inquit, quasi avarus mercedem gratiæ postulare. Et justus eam intellexit veram actionem gratiarum esse, quæ non jubetur, sed deferretur: itaque nec dilationem passus est. Etenim grata animi virtus passionem dubitationis excludit, qui autem debitum gratiæ, ut à se exigatur, expectat. ingratus est *b*. Serio gratus homo jussa & imperium non expectat. Ideo facit quod suarum partium esse judicat. Ingratus est, qui cunctatur, dum gratiarum actio postuletur. De Noemi etiamnum captivi patientia, de liberati grato animo differens & Chrysostomus, Nam si ille, inquit, inter tot

P 5

im-

a Gen. c. 8. v. 20. 21. b Ambros. l. de Noe & arca, c. 22. pag. 158.

improbos versans, in medio molestiarum
 jactatus, neque habens familiarem ali-
 quem, in tantum virtutis fastigium perve-
 nisse inventus est: quæ nostra erit excusa-
 tio, cum nec talia nobis sint præpedimen-
 ta, & tamen negligentes sumus ad bona
 opera? Nolo enim dicas mihi solam illam
 quingentorum annorum vitam, quando
 subsannabatur & irridebatur, versabatur-
 que in medio flagitiosorum: sed & annum
 illum narra, quem totum in arca transe-
 git, qui sanè conferendus mihi videtur
 toti, temporis superiori. Tantam ibi as-
 flictionem ferre cogeatur justus ille, in
 tanta existens angustia, & neque auram re-
 centem captare valens; & ferarum bruto-
 rumque convictum ferens: qui & in omni-
 bus mentem suam, solidam declarabat, &
 voluntatem flecti nesciam, & fidem erga
 Deum, per quã facilè & leviter omnia su-
 stinebat. Atque idcirco, quoniam quod
 suum erat, totum afferebat; & eorum, quæ
 Deus dat, abundè potitus est. Quamvis e-
 nim multam ferret in arca angustiam, attamen
 terribilem tempestatem & commu-
 nem omnium interuersionem effugiebat,
 Et propterea post angustiam illam & in-
 tolerabilem carcerem, securitatem & quie-
 tem adeptus est unà cum divina benedi-
 ctione. Et iterum suam gratitudinem ope-
 ribus indicavit, & ubique invenies prima-
 tum illum obtinere. Nam sicut per atatem
 primam omnem virtutem sectatus est, & à
 vitiis se alienavit, quibus, qui tunc vivebāt,
 infecti erant; unde neque poenarum par-
 ticeps ruit, & cum alii omnes suffocaren-

tur, ipse solus servatus est : ita rursus quia fidem quoque habuit, & cum gratiarum actione suam in arca habitationem tulit, iterum divina dona copiose illi concessa sunt. Et cum egressus ex arca & in pristinum statum restitutus esset, statim benedictionem consecutus est, & iterum solitam præ se tulit gratitudinem, factaque gratiarum actione etiam tunc majoribus beneficiis divina gratia ipsum cumulavit. Mos enim divinæ misericordiæ est, ut si nos tenuia quædam & vilia obtulerimus, multa liberalitate nos remuneretur. Et ut discas, quanta sit humana tenuitas, & quanta Dei magnificentia. Nos etiam si quid voluerimus offerre, quid amplius offerre possumus, quàm quantum verbis gratias referimus? Ea sanè, quæ ipse exhibet, opere præstat. Quàm imparia autem sunt verba & opera a? Hic prout cœpimus documentum geminum instillamus.

a Chrysost. tom. 8. in c. Gen. hom. 26. mihi pag. 174.

S. III.

I. *Esto gratus Deo.* Grati animi principium est ac fundamentum, agnoscere beneficium. Noemus hanc cum Deo rationem disputabat : Sola Deus in me miseratione motus gratia merissima jussit arcam à me ædificari, meæ meorumque vitæ tuendæ. O bonitas divina! mihi è tot centenis millibus pepercit uni cum pauculis. Beneficium numquam satis æstimabile. Est ergo æquisimum, ut ego eum, qui me servavit in arca, sacrificio, quo quidem possum, optimo, colam, aram illius honori struam, meipsum

In victimam, si quidem fieri posset, imponā. Omnia illi debeo, qui mihi tam largiter dedit omnia. Nimirum noverat Noemus hoc beneficii aestimare, Et quia sciverat Deum humanis victimis non placandum munda solum animalia selegit obtulitque, non ignarus quibus hostiis Numen esset propitiandum Atq; hoc holocaustum ita Deo placuit, ut volumen sacrum asserat: Odoratusque est Dominus odorem suavitatis. Hoc ad modulum intelligentiæ nostræ captumque dictum est. Quemadmodum aspi altilis optimi odor mirificè recreat, salivā movet. & pascit ac satiat; ita Deus holocaustum Noeticum tā gratum habuit & acceptum, perinde si eo delectaretur ut homo, cujus odoratum mulcet nobilis suffitus. Chaldaea interpretatio est: Suscepit Dominus cum beneplacito oblationē ejus, haud aliter, ac si hujus sacrificii praestans odor peccatorum dispelleret foetores. Voluntas in Deum grata, Deo gratissima. Et quid nos homunciones miselli minore impendio praestamus quā gratiā referre, & honorem beneficio habere! Beneficiis divinis qui respondere possumus nisi hoc uno, gratias agendo? Animus gratus jucundum Deo sacrificium.

Nos beneficia innumera jugulamus solius animi ingrati crimine. Nec enim immeritō negatur ei gratia, quam non ut gratiam accipit, sed exigit ut debitum, acceptum non aestimat, sed eam celeri oblivione sepelit, numquam minus disertus, quā in gratiis agendis. Quando igitur, ingrate, beneficia pensi non habes, & sumptuosum nimis tibi videtur gratis meminisse, idcirco quid-

co quidquid haftenus beneficiorum in te collatum est, in alterum jure derivabitur. Nec enim ignorare potes patrisfamilias vocem. Tollite ab eo talentum, & date ei qui habet decem talenta *a*. Scitum Aristotelis est : Sensibile supra sensum positum non facit sensationem. Nos plurima Dei beneficia nobis proxima & intima quasi non videmus, ideò nec æstinamus vires, valetudinem, decoram formam, egregiam staturam, perspicacem Intelligentiam, fortunas amplas. Cum igitur ista non æstimamus, nec gratiam persolvimus, jure Deus ingratis valetudinē adimit, fortunas minuit vires frangit, morbos immittit. Hic jam vociferamur & ejulamur, beneficam Dei manum contractam, divinorum beneficiorum fontem siccatum querimus, nos à Deo desertos lamentamur, Quid dicitis, ingratißimi, quas in Deum voces mittitis, quam postulatis cum Deo injuriam? Culpa, quam Deo impingitis, vestra est. Tot annis valetudo vobis prospera fuit, nemo vestrū inter singularia beneficia eam numeravit: honestissimæ vobis facultates à Deo tamdiu, concessæ sunt, quis vestrum ea de re Deum amavit, & memori mente gratias egit? Quot & quanta in vos alia beneficia Deus congeßit, quis seriò se gratum præbuit? Beneficia vobis proxima, vobis intima transiistis, cæci imò maleficiis beneficia compensastis; nunc jure merito ab ingratis Deus, quod suum est, abstulit. Hic Dei mos est, beneficas manus ab ingratis abstinere, & eas gratis porrigere. Ergo, quod Ecclesiæ quo-

quotidianum votum est, gratias agamus Domino Deo nostro. Verè dignum & iustum est, a quomodo & salutare, nos tibi SEMPER & UBIQUE gratias agere. Quod Paulus impensissimè commendans. In omnibus, inquit, gratias agite. Hæc est enim voluntas Dei in Christo Iesu in omnibus vobis *a*. Idem sapius & unicè inculcans, Et gratis estote, ait, grati *b*. Et ejus rei seipsum statuens in exemplum, Non cesso, inquit, gratias agens pro vobis *c*. Hanc ob causam suos iterum iterumque de agendis gratiis commonefaciens, Gratias, inquit, agentes semper pro omnibus, in nomine Domini Iesu Christi, Deo & Patri *d*. Vt gratia abundans per multos in gratiarum actione abundet in gloriam Dei *e*. Quoniam ministerium hujus officii non solum supplet ea, quæ defunt sanctis, sed etiam abundat per multas gratiarum actiones in Domino *f*. Noemus beneficiis divinis gratissimus, vix egressus est arcem, mox in gratiarum actionem sospitatori tot munda animalia sacrificavit. Immolemus Deo, & nos hostiam laudis sacrificemus sacrificium iustitiæ *g*. Sacrificium Deo spiritus contribulatus, cor contritum & humiliatum Deus non despicit. Hoc illud mundum est animal, quod Numini gratissima est victima. Quanta possumus submissione animi grati sumus, in omnibus & pro omnibus gratias a-

gen-

a 1. ad Thess. c. 5. v. 18. *b* Ad Colos. c. 3. v. 15.
c Ad Ephes. c. 5. v. 16. *d* Ad Ephes. c. 1. v. 20.
e 2. ad Cor. c. 5. v. 15. *f* 2. ad Cor. c. 9. v. 12.
g Psal. 49. v. 1.

gentes. Hac est enim voluntas Dei. Sed alterum hic documentum instillo.

II. *Omnia cum Deo incipe, omnia fini cum Deo.* Noemi hoc ingressus in arcam & egressus significat. Eo nimirum vitæ actiones omnes dirigendæ, ut quidquid vel ordinatur vel terminamus, ad Dei nutum arbitriumque fiat Ecclesiæ quotidianum votum est: Cuncta nostra oratio & operatio à te semper incipiat, & per te cœpta finiatur. Priscæ sapientiæ monitum est: A love principium: Deus non decimas tantum, sed & primitias petit. Quod Bernardus ad mores Christianos trahens, Surgentibus nobis, inquit, ad laudes Dei, omnis exinde tenor operis nostri, in ipsius laudibus formetur & vivificetur. Omnes vitæ nostræ actiones, præsertim principio sui & fine, consecrandæ sunt Deo. Alioqui multum agimus, & tamen parum agimus, quia deest actionū anima, nec enim illæ formantur, nec vivificantur, quæ Deo non consecrantur. Ita nonnumquā totis triginta, quadraginta, quinquaginta annis laboramus, sed ubi labores nostri si non cum Deo cœpti, aut finiti saltē cum Deo, perierunt. Voluit olim Deus, ut Aaron ad ingressum & egressum sanctuarii campanulis aureis officii sui mōneretur *a*. Umbra fuit sanctissimæ præceptionis, quæ Dei nos meminisse jubet ad omne actionis principium & finem. Quod Christus Ioannis ore ac calamo commendans sapius, Ego sum ostium, inquit, per me si quis introierit, salvabitur: & ingredietur & egredietur, & pascua inveniet *a*.

Ego

Ego sum *a* & *ω*, principium & finis, dicit Dominus Deus *b*. Omnium igitur actionum nostrarum principium & finis sit Deus. Atque hoc est, quod adeò Paulus inculcat : Omne quodcumque facitis in verbo aut in opere, omnia in nomine Domini IESU Christi *b* facite. Quocirca omnia cum Deo incipe, & fini cum Deo.


a Apoc. c. 1. v. 8. *b* Ad Coloss. c. 4. v. 17.

F I N I S.

A P P R O B A T I O
R. P. PROVINCIALIS.

NOEMUM *P. Hieremia Drexelii*, quia deputati Censores cum aliorum fructu prodire posse existimant, etiam ego *Wolfgangus Gravenegg*. Societatis IESU per Superiorem Germaniam Præpositus Provincialis, potestate ab admodum *R. P. N. Mutio Vitellesco* Præposito Generali mihi concessa, typis excudi permitto: & hoc presentibus, mea manu subscriptis, & officii mei sigillo munitis confirmo. *Dilingæ 12. Ianuarii, 1638.*

Wolfgangus Gravenegg.



2245254







